

Lot 47





51979/6

D. III.

 $\frac{18}{t}$



DISSERTATIO EPISTOLICA

DE

DIFFERENTIIS
QVIBVSDAM
INTER HOMINEM NATVVM
ET NASCENDVM INTERCE-
DENTIBVS

DEQVE VESTIGIIS DIVINI NVMINIS INDE
COLLIGENDIS

V I R O

PRAENOBILISSIMO, EXPERIENTISSIMO ET EXCELLENTISSIMO

D O M I N O

IO. GEORGIO HENRICO
KRAMERO

PHILOSOPHIAE ET MEDICINAE DOCTORI
COPIARVM CAESAREARVM MEDICO PRIMARIO
INSCRIPTA

A

D. CHRISTOPHORO IACOBO TREW,
SERENISSIMI MARCHIONIS BRANDENBVRGICO - ONOLDINI
CONSILIARIO AVLICO ET ARCHIATRO, REIPVBLICAE NORIMBER-
GENSIS PHYSICO ORDINARIO, ACADEMIAE CAESAREAE NATVRAE
CVRIOSORVM VT ET SOCIETATIS COMMERCII LITTERARII PHY-
SICO - TECHNICO - MEDICI COLLEGA.

Accedunt tabulae aeneae V. in duplo, alterae variis coloribus illustratae.

NORIMBERGAE prostat apud PETR. CONR. MONATH, clō lc cc xxxvli.

DISSECTING INSTRUMENTS

DIFFERENT

QVIBVS DAM

INTER HOMINEM VITAM

ET NASCENDAM INFERRE

DENTIBVS

DEQUE VESTIBVS QVAM INFERRE

COLLEGIIS

VIR O

IN ENOMINIS ET IN ENOMINIS

DOMIT

IO. GEORGIO HENRICO

KRAUSE

ET ALII

LIBRARI

D. CHRISTOPHORO

ET ALII

ET ALII

ET ALII

ET ALII

ET ALII

ET ALII



A. Ω.



Nimus recte dispositus voluptatem, ex terrenis capiendam, nullam agnoscit suauioremea, quam studiosa creaturarum contemplatio ipsi excitat. Quicquid pulchrum vel iucundum, quicquid artificiosum, quicquid denique vtile ratio unquam cognouit, illud creaturae largissime, summo praeterea perfectionis gradu, manifestant et sensuum dulcissima affectione commendant, nihil desiderandum relinquentes, nisi plenam cunctarum cognitionem.

Sed ille ipse animus in his non acquiescit, innumeras potius creaturarum perfectiones miratus ad ipsum Auctorem argumentatur. Quoties ergo deprehendit partes omnium rerum ita fabricatas, vt finem, cui destinatae sunt, optime consequantur, toties vestigia sapientissimi, benignissimi, omnipotentisque creatoris submisso veneratur cultu, quae occupatio simul summe fructuosa est: scimus enim omnes, si fateri haud recusamus, quam difficulter intellectus credendis obtemperet, et quam potenter e contrario sensuum ministerio erudiatur. Quae ergo occupatio iucundior, quae fructuosior simul illa, qua supremi Numinis perfectiones, capacitate intellectus nostri naturali infinitum in modum maiores, ipso visu, auditu, gustu, olfactu tactuque in creaturis animo tam aperte repraesentantur, vt nulli, nisi

inexcusabili negligentia dissoluto, penitus occultae maneant, ceterum vero reuelationibus illustrandis amplissime inseruiant. Philosophi proin illi, quibus recte iudicandi facultas est, semper ex contingentia, finibus atque praestantia rerum validissima ad existentiam et gloriam DEI declarandam petierunt argumenta, quid? quod ipsi Diuo PAVLO (a) ad conuincendos damnandosue Atheos sola haec ad creaturas attentio neglecta sufficit.

Quantumuis autem horum argumentorum sit robur, non defuerunt tamen petulantis atque peruersi ingenii homines, qui sibi, vel potius aliis, persuadere sategerunt, res non ob effectus, quos producant, existere, sed effectus non, nisi ob res existentes, produci. Non equidem vacat, neque etiam lubet, huius farinae nugatoribus prolixè respondere, cum-

- (a) *Rom. cap. I. v. 20.* Hic locorum scilicet potissimum vrget, quemuis hominem, praeter conscientiam (*conf. v. antec.*), perpetuum testem menti suae affixum, praestantia creaturarum imperscrutabili conuinci, non solum DEum esse, omnia creata ab illo dependere et ex his solum hominem gratia eiusdem infinita summo frui gradu; verum etiam DEum cultu qualitatibus suis infinitis respondente prosequendum esse (*conf. v. seqq.*). His probe ponderatis, quilibet omnino deprehendere potest, qui minus conueniat cultus; neque tamen proin ratio, pro ea saltem qua nunc pollet vi, solis naturalibus adminiculis suffulta, perspicere valet, in quonam secare acquiescere possit: omnis enim idea de Numine infinito finita tantum est. Quicquid ex cultu, quem DEO praestare debet, comparato cum illo, quem ipsi praestitit vel praestare potest, iuste colligit, est, hunc reprobari, nisi perfectissimi Numinis gratia debiti deliquia innumerabilia condonet: Sed de gratiae huius modo graduque ratio certi quid promittere nequit. Male ergo sibi consulunt, qui soli rationi suae, finitis et saepius perquam angustis cancellis inclusae, nec raro a leuissimis commotionibus titubanti, saepissimeque affectuum iniuriis mancipatae, rem tanti momenti concedunt. Non potest fieri, quin DEum colant non, nisi fictum, seu ad modulum suae rationis, vel potius affectus praedominantis, exasciatum, propterea vero ab Atheis solo differant nomine.

cumprimis quum id alii solidissimis iam praestiterint rationibus, et quilibet, qui ordinem seu harmoniam vniuersi vel semi apertis, dummodo sanis, intuetur oculis. contrariam sententiam vbique legere cogatur; attamen duo momenta prae ceteris digna mihi videntur, quae maiori paululum cura in posterum exponantur. Vnum est: *Ad eundem finem obtinendum, machinas toties, quoties quasi possibile, diuersas esse productas*; alterum: *vnam eandemque machinam, ob novos effectus ad conseruationem sui necessarios, ex se ipsa mutari*. Prius Zootomia cum corporis humani fabrica collata, quam comparatiuam vocant anatomiam, vberissime illustrare poterit: vtinam modo priuatorum labores superiorum munificentia magis adhuc facilitentur. Quousque, exempli gratia, variat origo, distributio, collectio etc. vasorum lacteorum pro transitu chyli ad massam sanguinis? quantum differt apparatus venarum arteriarumque atque ipsius cordis pro sanguinis circuitu? quoties faciem suam mutat iecur, bilis secernendae organum? etc. quamuis singulis differentiis singulas suas rationes, harmoniae cuiusuis speciei propriae respondentes, simul subesse quilibet facile hariolaturus sit. Quibus, praeeunte RVYSCHIO, huiusmodi comparationes in vegetabilium porro compage deprehendere volupe est, illis occasio nunquam deerit (a). Posterioris momenti exempla non solum complurium vilissimorum, quae insectorum nomine veniunt, animalculorum metamorphoses, verum etiam cuiusuis animalis, atque ipsius hominis, nascendi et nati diuersa conformatio lustrantium oculis offerunt.

Omnibus his animum propius intendere vires meae denegant; de illo tamen discrimine, quod hominem intercedit nascendum et natum, paulisper Tecum, Vir Excellen-

A 2

tissime,

(a) Conf. *Commerc. litt. physico-technico-medici a*, 1732, hebdom. X. p. 76. sq.

tissime, differere cupio. Laetus scilicet dum recordor Tuam humanitatem non minus quam doctrinam, qua, Te sub initium anni praeteriti hic praesente, quotidie gauisus sum, non possum quin absens etiam constanti coniunctione Te prosequar. Serena fronte quin hosce meos conatus susceptrurus sis, siue amicitiam sanctissime inter nos contractam, siue studium, quo Creatorem animo haud fucato collis, perpendam, nihil plane est, quod me ad dubitandum possit inducere.

Argumentum autem vel huius etiam propositi tam amplum est, ut iusta eius tractatio magnum volumen adimplere facile posset. Quot et quasnam differentias externarum tantum partium obseruamus in foetu, usque dum luci exponatur, easque singulis ferme diebus et alia atque alia continuo proportionem (a). Ut plura taceam, totum corpus in principio informe nullisque plane membris, vel optimis etiam microscopiis adhibitis, conspicuum, breui post monstrat caput reliquam corporis molem quasi aequans, artus vero, ipso trunco in adultis longiores, tunc vix aliter, quam papillarum forma, protuberantes (b). Neque ulli dubitationi superest locus, quin internarum partium formatio simili modo procedat: Ossium non solum compagem, verum etiam figuram ipsam, multum semper differre omnes sciunt, neque latet, quam differentiam semper monstrant glandula thymus, renes succenturiati etc.

Quem-

- (a) De eurythmia corporis humani, secundum aetatem varia, conf. JO. FRID. SCHREIBER *elementorum medicinae physico-mathematicorum, Tom. I. p. 171. sq.*
- (b) vid. RVYSCHII *observ. anat.* XIV. fig. 15. *Thef. anat.* IV. no. 40. 54. VI. no. 43. 44. 45. 46. 47. 48. tab. II. fig. I. a. b. d. 2. 3. 4. 5. VII. tab. II. fig. 4. X. no. 19. tab. III. f. 1. *Advers. anat.* II. p. 28. tab. III. fig. 5. *Commerc. litt.* 1735. hebdomada XXXIX. p. 308. tab. IV. fig. 12. 13. conf. quae leguntur in *Actis Acad. Reg. Sc. Par. 2, 1701, edit. Batav. hist. p. 23. 199.*

Quemadmodum vero acutissima ingenia totum generationis negotium rationibus vix aliis quam probabilibus assequi valent (a), ita etiam causas differentiarum supra excitatarum perspicere, vel ob munera, quae singulae partes sub singulis conformationis suae differentiis obeunt; vel ob rationes, cur singulae partes sub singulis incrementi gradibus certa atque specifica proportionione discrepent, nobis ignotas, tantis obvoluitur difficultatibus, ut summo studio adhuc opus sit, antequam firmae exinde deduci possint conclusiones. Interim tamen, me quidem iudice, plus quam probabile iam est, evolutiones omnium partium adeo inaequales, constantes tamen, haud citra sapientissimum consilium, determinatos et firmiter statutos fines respiciens, fieri, quum absque hac hypothese non suppetat ratio, cur simplex atque directionis expert nutritio, quavis hominis crescentis aetate, cuiusvis partis extensionem sub vna eademque proportionione non producat.

Ad sunt autem aliae, eaeque complures, nostrae machinae eurythmiae, quarum functiones, quas, ultimis saltem ante partum temporibus, subeant, industria scrutatorum certissime exploratas scimus. Ossium, exempli causa, compages, quae in adultis, durissima et rigidissima, totius corporis necessarium fulcrum existit, in foetu, ob plurimas interspersas cartilagineas molles, tam flexilis adhuc est, quam, praeter alios fines, pro necessaria in partu complicatione requiritur: eadem ex causa tunc cranii quoque ossa membranis tantum intertextis laxae cohaerentia videmus. Meatus auditorius, ob necessarium soni radiorum ad tympani membranam accessum, in natis liberrime patulus, in foetu non solum ad orificium externum, per tragi et antitragi applicatio-

A 3

(a) Conferri hic meretur El. CAMERARII dissertatio de *Oris humani corporis occulto*, Tubingae a, 1733. habita.

cationem, post partum sensim sensimque recedentem, exacte clauditur (a); verum etiam ad orificium internum, seu ad ipsam tympani membranam, epidermidis productione crassiore, ab aere, reſeratum orificium externum accedente, demum extenuanda (b), munitur: hunc vero ordinem necessarium esse, patet ex eo, quod in matris diuerſorio aquarum, quibus foetus est circumdatus, vis; et, dum libero aeri exponitur, repentinus soni radiorum impetus, subtilem tympani membranam facile labefactare possit. Partes, quae secundinarum nomine notae sunt, in gratiam hominis, intra gremium matris vitam suam vivere nondum apti, peculiariter ordinatas esse, et post partum sponte sua (c) prope ipsum corpusculum hominis nati, id est in ipso vmbilico, ſecedere et obſoleſcere, non solum palam est, verum etiam hanc ipsam dispositionem necessario requiri, omnes, qui volunt, intelligere possunt. Respirationis in homine nato negotium eiusque pro continuando sanguinis circuitu necessitatem inculcare, actum agere eſſet; huic fini pulmonum, cordis atque totius vasorum sanguiferorum systematis constitutionem optime respondere, ab ea vero conformationem earundem partium in foetu multum differre, nemo, nisi in scholis anatomicorum hospes, ignorat; hoc porro discrimen iterum omnino necessarium esse, quilibet comprehendit, qui vitam, quam foetus absque respiratione in vtero matris agit, discernere valet ab illa, qua idem in lucem editus gaudet. Plura excitare momenta epistolae limites prohibent, demonſtrant autem vel memorata, insignem hanc discrepantiam fortuito minime contingere: quum

(a) vid. tab. III. fig. 46. a. b.

(b) conf. commerc. litt. a. 1731. spec. II. p. 13. sq.

(c) conf. l. c. a. 1733. hebd. XX. p. 157. hebd. L. p. 394. et a. 1734. hebd. XXVIII. p. 219.

quum enim vtriusque, nascentis et nati hominis, conditio non ex caeco fato, sed ex necessitate vrgente, dependeat; partium praeterea vtramque conditionem iuuantium fabrica ita disposita reperiatur, vt effectus necessarios optima ratione perficiant (a); neutra denique conditio sine hac ipsa partium conformatione (relatione ad easdem circumstantias habita) vel plane non, vel certe non melius, persistere possit, nihil reliquum est, quam vt sapientissimi, benignissimi omnipotentisque Creatoris operam ex harum omnium ordine demississimo cultu agnoscamus.

Haec vero vltiori cuiusuis ingenui indagatoris contemplationi committens, aliquas tantum harum ipsarum partium, eas scilicet, quas in gratiam circuitus sanguinis elaboratas deprehendimus, tales, quales ego autoptes inueni, repraesentatione, quantum fieri potuit, accuratissima vberius explicare animum induxi.

Quae de *vasorum umbilicalium, arteriosorum aequae ac venosorum, conformatione et transmutatione* mihi obseruare licuit, alibi iam exposita (b) repetere nolo, iis nunc occupatus, quae vltior *venae umbilicalis* itemque *canalis venosus arteriosusque*, vt et *foraminis oualis*, peruestigatio docuit. Occasionem haec proferendi suppeditauit D. D. JO. GVIL. AGRICOLA, GE. ANDREAE filius, Medicus Ratisbonensium clarissimus. Quum enim eodem tempore, quo laudatus Vir suas obseruationes de *valvula ad finem canalis arteriosi posita*, deque *nerui recurrentis circa dictum canale directione* mecum communicabat (c), corpusculum infantis recens

(a) Conf. JO. FRID. SCHREIBERVS l. c. cap. II. p. 21. seqq. et cap. VII. p. 153. seqq.

(b) Commmerc. litt. a. 1733. hebd. XLIX. p. 385. seqq. hebd. L. p. 393. seqq. a. 1734. hebd. XXVIII. p. 219. seqq. hebd. XXIX. p. 225.

(c) Leguntur l. c. a. 1735, hebd. IV. p. 26.

recens nati (a) cultro anatomico examinandum ad manus esset, non intermisi easdem prosequi. Miratus autem sum, primarios nostri aevi anatomicos aliqua ex his praetermisisse, quae JO. BAPT. CARCANVS, Mediolanensis et FALLOPII discipulus (b), satis exacte iam docuit, qui praeterea ipsius canalis arteriosi vt et foraminis oualis veram ante et post partum texturam, et quidem, quod praecipue notandum, ad sententiam à GALENO dudum propositam, tam dextre descripsit, vt pauca, praeter figurarum repraesentationes et vsus legitimos, ex circuitu sanguinis post eum omnibus demum perspecto, explicandos, superaddenda reliqua esse videantur. Raritas huius libelli me incitat, vt aliqua ipsius Auctoris verba in huius asserti probationem transcribam. De regione itaque, vbi canalis arteriosus aortae descendenti iungitur, uerba faciens (c) sic ille habet:

„*Ab ea trunci (Aortae) dorsum petentis regione incipit (canalis arteriosus) qua ipse truncus a caudice magnae arteriae ducitur; atque ea prorsus regione trunci huius incipit, circa quam neruus sinister sexti (hodie octau) paris cerebri, ex se se ramulos quosdam producens atque ex his unicum neruum efficiens, ipsum circumuoluit. Qui, cum ex huius ramulis productus atque ad truncum magnae arteriae conuolutus superiora petat, ac semper asperae arteriae attensus ad laryngis sui lateris musculos properet, idcirco neruus recurrens dicitur.*„ Valulae speciem canali arterioso praefixam esse, idem obseruauit, sed aliam, ad principium scilicet huius canalis, seu prope

(a) Illius scilicet, cuius l. c. hebd. II. p. 9. mentionem feci.

(b) In opusculo, cui titulus: *Anatomici libri duo, in quorum altero de cordis vasorum in foetu unione periractatur, ostenditurque hac in re scolum GALENUM veritatis scopum attigisse, reliquos omnes anatomicos lapsos fuisse; in altero de musculis, palpebrarum atque oculorum motibus deseruientibus, accurate describitur. Ticini 1574. 12.*

(c) l. c. p. 27. b.

prope arteriam pulmonalem, inuentam. De huius valvulae conformatione contra VESSALIVM atque ARANTIVM disputans, valvulae nomen ei, quam ipse deprehendit, quidem denegat, illam tamen graphice ita describit (a): — *quando orificio canalís in venam arterialem (arteriam pulmonalem) pertingenti, laxa aliquantulum mihi cernatur membrana, ratione ea, qua et meatus bilem a vesica fellea in duodenum intestinum deducentis orificio, et meatuum urinariorum in vesicam oblique insertorum orificiis, laxas membranulas esse appositas — scimus. Et paullo post: cum videam ego — veluti laxam et appensam membranulam, quae facile sanguini ab arteria magna in venam arterialem (arteriam pulmonalem) affluenti cedit: et rursus prohibere potest, ne sanguis facile regurgitet in magnam arteriam etc (b). Ipsum canalem arteriosum ita (c) delineat: In foetu per duos digitos, in iam natis vero, et iam adultis, per quatuor digitos transversim positos distat canalís iste a basi et radice cordis; & postea (d): in foetu magnus satis canalís iste est, et maior est, quam duo pulmones petentes rami trunciue ab arteriali vena (arteria pulmonali) producti., Foraminis ovalis descriptionem his eleganter suppeditat (e): „In pariete medio, utrumque vas (venam cavam et venam pulmonalem) intercedente, ac utrique*

B

“vasi

(a) l. c. p. 30. a.

(b) Vñus hic ex veterum, genuinum sanguinis motum ignorantium, hypothese derivatus est, qui vero inverso ordine explicatus aequè necessariam huius membranulae existentiam declarat. Ceterum ex recentioribus D. GARENGEOT in splanchnologia sua Parisiis 1728. edita p. 395. his paucis tantum huius ipsius valvulae mentionem fecit: *on voit à l'endroit de sa (du canal arteriel) naissance une espece de bride de valvulense, qui dirige le sang contenu dans le canal vers l'aorte inferieure etc.*

(c) p. 11. b.

(d) p. 30. b.

(e) p. 31. a. seqq.

„vasi communi, foramen quoddam habetur amplum et patens,
 „oblongamque (oualem nempe) figuram prae se ferens, per quod
 „foramen sanguis transit a caua ad arteriam venalem (venam
 „pulmonalem). Huius foraminis regioni illi, quae respicit caui-
 „tatem arteriae venalis (venae pulmonalis), praeest membra-
 „nula tenuis quidem, sed dura et valde, ac si vitrea esset, pel-
 „lucida, quae uniuersae illi foraminis regioni est connata, prae-
 „ter quam in regione illa foraminis, quae cavitatem vel potius
 „scrobes (sic enim appello multas paruas cavitates, ex multis ve-
 „luti fibris carnosiss proceffibusue factas et in auriculae cavitare
 „contentas) auriculae sinistrae respicit: hic enim membrana haec
 „nullo pacto foramini connata est, at laxè recedit a foramine,
 „pulchreque aditum praebet sanguini ex caua in arteriam ve-
 „nalem (venam pulmonalem) transeunti: et rursus in se laxè
 „concidens prohibet, quo minus sanguis semel atque iterum in
 „venalem receptus arteriam (ven. pulmon.) regredi remeareue
 „possit in cauam. Haec membrana, quando in se concidit, ta-
 „lem mihi similitudinem prae se fert, ac pannus lacerus, quando
 „in se conuolutus, multas plicas parere videtur: Pari ratione di-
 „co, quod membrana ista, cum in se concidit, multas veluti pli-
 „cas videtur efficere. Quod si aliquid per foramen transmi-
 „tens, veluti specillum vel quid simile, uti ego facere soleo, dum
 „in venalem ipsum impello arteriam (venam pulmonalem), ac
 „specillum aliquantulum attollens membranam eleuaueris, tu vi-
 „debis, maiorem hac ratione iudicio meo factam a natura mem-
 „branam hanc, ipso foramine; quo et laxè cedere sanguini et
 „rursus in se laxè possit, panni cuiuspiam laceri instar, uti dixi,
 „concidere. Talis ergo est unio duorum istorum vasorum, ta-
 „lisque est situs istius membranae, a nemine fere descriptus.
 „Occlusionem denique tum foraminis oualis, tum canalisi
 „arteriosi ita explicat (a): Animaduertendum est, quod non
 post

post dies aliquot solum, verum et post aliquot menses hoc (oc-
 clusionem foraminis ovalis atque arteriosi canalis) paula-
 tim a natura esse factum intuitus sum: multoties enim hac
 de causa non modo foetus humanos, verum, quando mihi hu-
 manorum facultas non suppetebat, et caninos et bubulos, vi-
 zulos nempe (eadem namque est vasorum istorum ratio in bru-
 torum ac in humanis foetibus) variis ac diversis secui tempori-
 bus: aliquos enim statim ab exortu, aliquos quatuor dierum,
 quindecim dierum alios, unius mensis et duorum mensum, sicut
 et plurium, multos ego secui. Quod mihi in his videre conti-
 git, hoc fuit. In his non dixerim unius diei, vel quindecim,
 vel plurium dierum, verum unius mensis, duorum vel etiam
 plurium, neque foramen a caua ad venalem pertingens arte-
 riam (venam pulmonalem) prorsus et exacte clausum; neque
 canalem vidi prorsus assicatum: vidi quidem membranam seipsa
 crassiore duriolemque factam; vidi etiam eam regione ea,
 qua ipsam a foramine dehiscere versus auriculam cordis lini-
 stram, ac in se ipsam concidentem, panno lacero conuoluto as-
 similatam dixi, in se contractam adeo, ut pendens in cauitatem
 venalis arteriae (venae pulmonalis) non amplius panni laceri
 similitudinem, at canaliculi potius similitudinem, sua crassitie
 ac suo foramine prae se ferret. At quod membrana illa pror-
 sus post mensem, duos et plures etiam, foramen occlusisset, nequa-
 quam. Verum aditus quoque et amplus a caua ad venalem
 arteriam (venam pulmonalem) patebat. Quod cum essem
 intuitus circa membranam foramini praefixam, pari ratione
 canalem (arteriosum) magna consideratione aggressus sum, ac
 meatum quidem se ipso angustiore factum spectavi, verum
 non adeo clausum, quin et rotunda crassi specilli pars facile
 huic immitti posset. Quod non modo in vitulis, verum et in
 bobus, non maturaе aetatis, conspexi. In bobus autem, ca-
 nibus et reliquis perfectae aetatis animalibus, et canalem pror-
 sus assicatum et foramen a membrana prorsus occlusum animad-

verti., Reliqua, atque inprimis accuratam fatis *has partes demonstrandi administrationem* vt taceam, fines epistolae iubent, quare nimium iam a via digressus, ad eam reuertor, haec ipsa vnacum aliis notatu dignis, simul oblati, per figuras nunc declaraturus.

Id vnicum adhuc vt praemoneam opus mihi videtur: exemplaria scilicet, quorum faciem figurae adumbrant, quadruplicis esse generis. Alia recentia post ablutionem sanguinis statim ad examen vocauit; alia, facta expurgatione, flatu ad naturalem vsque expansionem distendi et exsiccationi permisi, postea vero, apertura hinc inde facta, situm omnium partium, externarum & internarum, perlustrari; alia cera liquefacta per venam vmbilicalem, naturalem sanguinis circumfluentis cursum sequutus, ad naturae iterum normam repleui, remouenda remoui, et sic praeparata atque in naturalem situm, qua fieri potuit circumspectione, reposita exsiccationi tradidi; alia denique cera eodem modo repleta et postea exsiccata, lenis caloris accessione a cera iniecta iterum euacuauit, quod omnium optime successit, dum corculi apex abscindebatur, illud deinde ex filo intra vasculum quoddam terreum suspendebatur, vasculumque operculo tectum leni calori exponebatur, tandem vero, cera maxima ex parte effluxa, eius reliquum a parietibus, penicilli et olei terebinthinae ope, penitus abstergebatur (a). Haec ultima

- (a) Notandum hic volo, primum ne methodum hanc imitaturus ceram liquefactam iniiciat nimis feruentem: alias tenerrima internarum partium structura facillime ex corrugatione labem aliquam suscipere posset; dein, ne ceram iniectam, soli externarum partium siccationi fides, iusto citius rursus euacuet: internarum enim partium siccatio, ob aeris denegatum accessum, lentissime procedit, hac vero nondum absoluta, eadem partes, sub ipsum cerae effluxum, peregrinam consequuturae essent faciem; tandem, ne penicillo, oleo terebinthinae imbuto, improvide utatur: tam tenera enim est valvulae foraminis oualis textura, vt siccata a leuissimo attritu findatur.

tima administratio peculiari praerogatiua gaudere et in posterum ad demonstrandas cumprimis cavitatum conformationes in usum vocanda esse exinde mihi videtur, quod haec omnium optime partium situm naturali proximum exhibeat. Certum equidem est, nullam artem sufficere ad ipsam naturalem partium faciem restituendam, haec tamen mutationes non nisi minimas admittit, quia hoc modo non solum cavitatum, verum etiam partium in iisdem eminentium, dimensiones in naturali, vel saltem eidem proxima, proportione retinentur. Etenim, quod ad recentium harum partium perlustrationes attinet, omnes consentunt, a collapsu et complicatione, itemque ab administrantis manu situm naturalem plurimum immutari posse, cui transformationi sagaciores medelam quidem inde parare fategerunt, quum partes easdem aquae submerferunt: sed, etiamsi per liberam fluctuationem variae a naturae norma aberrationes praecaveantur, ipsa tamen cavitatum capacitas, nec non tensionum differentiae hac ratione restitui nequeunt. Inflationis, quae per aeris immisionem fit, haec, quae in recentibus partibus desiderantur, reparare quidem videtur, ast, quum interiorum facies considerari nequeat ante exsiccationem, haec vero partium in cavitare contentarum eminentias liberas, vel productiones, a contractione et corrugatione non conseruet, sed potius hanc labem augeat, hinc accuratiores hanc quoque methodum valde incertam iudicaverunt. Adde quod sigillatim in corde, hoc modo siccato, ventriculorum parietes carnei longe maiori vi contrahantur, quam auricularum, unde, maxima parte aeris in illis contenti ad auriculas expulsa, harum, minus resistentium, cavitates proportionem naturalem nimium excedere cogitur (a), ut

B 3

tace-

(a) Conferatur in his consensus celeberr. WINSLOWII in *actis Regiae scientiarum Academiae Parisiensis* a. 1725. edit. Bat. Mem. p. 379. 382.

taceam, omnes cavitates membranaceas, aere ad naturalem usque expansionem repletas, ex eius alteratione, maxima circumspectione vix praecauenda, indeque oriundo elatere vario multum semper transformari posse. Si vero cavitates cera liquida replentur, his omnibus, magna saltem ex parte, obex ponitur. Haec enim, dum adhuc fluit et vices liquidi secundum naturam transeuntis adimplet, eminentias in cavitatibus obuias ipsaeque cavitatum latera eodem modo, ac ipsum naturale liquidum, disponit; dum vero frigefacta solidi naturam induit, omnes partes in eodem situ eademque extensione tam firmiter retinet, ut ipsa exsiccatio paruum non nisi mutationem producere valeat; exsiccatione vero facta, lenis liquatio cerae atque effluxus nihil amplius mutare possunt, sed omnia in eo, quo erant, statu relinquunt. Quod ad cordis fabricae demonstrationem, hac ratione peragendam, sigillatim pertinet, hoc adhuc tenendum est: si valuulas arteriae pulmonalis aequae ac aortae sigmoideas eum in ordinem, quo illae in diastole seu dilatatione ventriculorum cordis se sistunt, redigere mens est, iniectionem cerae per ipsos hos canales fieri debere, quae, teste experientia, quandoque ita ex voto cedit, ut valuulae praedictae integerrime expandantur; si vero valuulas tricuspidae atque mitrales, orificiis ventriculorum cordis praefixas, eo in statu, quo illae in systole eorundem ventriculorum se habent, conspici volumus, iniectionem cerae per apicem utriusque ventriculi apertum instituendam esse. Ceterum repletionem hac, ope cerae per venam cauam facta, aequae ac flatus immissione, diastole seu dilatatio ventriculorum atque auricularum simul repraesentatur, quod cum naturae legibus equidem non conuenit, neque tamen impedit, quo minus discerni possit, quo modo utraeque hae partes hoc in statu se habeant, quamvis secundum naturam ille alternis vicibus cuius contingat.

His vero iudicio atque experimento artis peritorum relictis, partes nunc, quas tabulae I. II. III. IV. et V. depingunt, melioris ordinis gratia, primum denominabo, deinde vero, quae notanda habeo, subiungam.

Tabulae I. expositio.

Figura I. conspiciuntur partes ex foetu illo, legitimo tempore nato et statim post partum defuncto, cuius supra p. 8. not. a. iam mentionem feci, ubi apparent: A. A. glandulae thyroideae uterque lobus; B. aspera arteria; C. C. lobus pulmonum dexter; d. d. bronchia lobi pulmonum sinistri resecti; E. ventriculus cordis sinister; F. pars dextri ventriculi qui a se inuicem manifesta diuisione, g. g. externe in foetu conspicienda, distinguuntur; H. arcus aortae; I. arteria subclauia dextra; K. carotis dextra, cum subclauia ex communi principio prodicens; l. l. carotis sinistra; M. arteria subclauia sinistra; N. N. aorta descendens; O. arteriae pulmonalis truncus; P. ramus eiusdem ad lobum sinistram pulmonum pertinens; q. canalis arteriosus; r. auricula cordis sinistra; s. s. saccus venae pulmonalis; t. rami venae pulmonalis sinistrae; V. particula lobi pulmonalis dextri; X. X. X. portio diaphragmatis; Y. venae cauae superioris truncus; Z. truncus venae cauae inferioris, intra pericardium cum sacco venarum pulmonalium arte connexus; a. a. a. iecoris lobus sinister, seu minor, a facie inferiore seu interna; b. lobulus Spigelii; cc. eminentia porta dicta; ** productio iecoris dissecta, quae format canalem pro transitu venae umbilicalis; D. D. vesicula fellis; e. e. vena umbilicalis aperta; f. vestigium eminentiae, ad ingressum venae umbilicalis in sinistram partem sinus venae portae; G. truncus venae portae per longitudinem dissectus; h. h. i. i. pars sinistra sinus venae portae ad lobum iecoris minorem excurrens, per longitudinem pariter dissecta; i. i. huius partis

partis regio, quae sub ingressum in iecoris substantiam amplior redditur, in qua orificia ramorum, maiorum et minorum, per lobum iecoris minorem distributorum, manifestantur; k. orificium dextrae partis sinus venae portae, quae pars ramos ad iecoris lobum maiorem dimittit; l. canalis venosus per longitudinem apertus; m. valvulae ad ortum eius ex sinu venae portae locatae vestigium; n. productio quaedam valvulosa, ingressui eiusdem canalis in venam caavam inferiorem praefixa; o. pars pharyngis; p. p. oesophagus; Q. ventriculi fundus; R. eiusdem pylorus; S. pars intestini coli; T. T. pars intestinorum tenuium; v. v. arteriae umbilicales cum productione vesicae urinae, vrachus dicta; x. x. umbilici a tegumentis communibus circumscriptio, extra quam pars funiculi umbilicalis propendet; y. y. y. nervus paris vagi sinister eiusque propagines iuxta oesophagum descendentes; z. z. propago eiusdem, canalem arteriosum ad insertionem in aortam circumiens ac sursum iuxta tracheam recurrens.

Figura 2. monstrat cor cum quibusdam partibus vicinis ex eodem subiecto situ inverso locatum, ubi occurrunt: a. apex cordis; b. vena caava inferior seu ascendens; c. productio valvulosa ad ostium canalis venosi conspicua; d. d. oesophagus; e. e. aspera arteria seu trachea; f. nervus recurrens huic accumbens; g. g. pulmones; h. arteria subclavia dextra; i. i. carotis dextra; k. k. carotis sinistra; l. arteria subclavia sinistra; m. arcus aortae; n. aorta descendens aperta et expansa; o. ostium canalis arteriosi in aortam hians; p. productio circumferentiae huius ostii, arcum aortae versus, valvulae in modum deprehensa.

Figura 3. indicat truncum aortae prope cor resectae; a. eius diametrum.

Figura 4. sistit truncum arteriae pulmonalis prope cor abscissae; b. eius diametrum; c. canalem arteriosum.

Figura 5. repraesentat canalem arteriosum prope aortam resectum; d. eius diametrum.

Figura 6. depingit truncum arteriae pulmonalis et canalem arteriosum apertum et explicatum, vt pateat differentia diametri inter vtrumque arteriae pulmonalis ramum, e. e. truncum arteriae pulmonalis apertum; f. ostium rami eiusdem dexteri; g. sinistri; h. h. canalem arteriosum apertum.

Figura 7. delineat differentiam diametri vasorum venosorum; a. est diameter trunci venae portae; b. partis dextrae sinus venae portae; c. partis sinistrae praedicti sinus; d. regionis amplioris eiusdem partis; e. venae umbilicalis; f. canalis venosi.

Figura 8. sistit cor cum auricula dextra aperta, vbi conspiciuntur a. a. a. limbus auriculae dextrae apertae et expansae; b. vena caua superior seu descendens, cui inhaeret stylus, qui indicat eius ingressum c. in saccum auriculae dextrae; d. d. d. limbus venae cauae inferioris seu ascendentis inter cor et hepar dissectae et apertae; e. hiatus canalis venosi cum productione sua valvulosa; f. ostium venae cauae inferioris, vbi cum ramis ex hepate provenientibus iungitur; g. g. g. orificium insignium ramorum ex hepate accedentium; h. h. valvula Eustachii expansa et per explanationem dissectae venae cauae deorsum tracta; i. hiatus ventriculi dexteri; k. l. m. m. pars septi vel parietis, inter utramque auriculam positi, anterior, cuius limbus k. l. tendineus cavitatem auriculae dextrae, vel potius eius saccum, respicit, ad l. cum valvula Eustachii nequitur et ad m. m. cum diversis fibrarum tractibus communicat; n. o. p. pars septi praedicti posterior, cuius maxima pars p. membranacea, tenuis ac ferme pellucida est et cum limbo suo in auriculae sinistrae, seu potius eius sacci, cavitatem haeret, a sergo vero fibrarum longitudinalium tractu n. o. munita est; q. ventriculus dexter; r. pars sinistri; s. divisio utriusque externe conspicua.

Figura 9. proponit cor cum auricula sinistra aperta, vbi repraesentantur: a. a. arteria pulmonalis; b. b. b. limbus auriculae sinistrae apertae; c. c. stylus ex sinistra auricula per hiatum, qui inter utramque septi partem patet, in venam cauiam inferiorem d. d. traiectus; e. e. pars septi anterior, cuius limbus in auricula dextra terminatur; f. f. membranacea expansio, quae ex parte septi posteriore ad sinistram auriculam porrigitur et hic supra stylum eleuata conspicitur; g. orificium sinistri ventriculi; h. ventriculus sinister; i. dexter; k. k. diuisio inter utrumque ventriculum.

Figura 10. exhibet idem cor iterum cum auricula dextra aperta et ita diducta, vt hiatus ipse inter utramque septi partem, foramen ouale communiter dictus, aliquo modo appareat, vbi se sistit a. a. anterior septi pars, dextrae auriculae cauitatem respiciens; b. b. eiusdem septi pars posterior, membranacea sua expansione c. in cauitatem auriculae sinistrae protracta; d. hiatus inter utramque partem, foramen ouale nuncupatus.

Quae sequuntur figurae, ab 11. ad 16. factae sunt ad exemplum corculi infantis, itidem perfecti et recens nati inflatum et exsiccatum, ab aliquo tempore iam asseruatum.

Figura 11. itaque repraesentat corculum hoc cum auricula dextra aperta. a. a. a. est limbus supradietae auriculae eiusque sacci; b. canernulae eius apicis; c. orificium venae cauae superioris; d. inferioris, ligatura constrictae; e. pars orificii ventriculi dextri; f. vestigium valvulae Eustachii; g. orificium venae coronariae; h. pars septi anterior; i. posterior; k. foramen ouale; l. locus, quem sanguis venae cauae superioris transcendit; m. ventriculus dexter; n. sinister; o. o. pars sacci ad sinistram auriculam pertinentis.

Figura 12. sistit parietem seu septum inter utramque auriculam, ex eodem corculo exsiccato, per dextram auriculam

culam apertam ita conspiciendum, vt ambitus eius integer appareat. a. est orificium venae cauae inferioris; b. superioris; c. limbus ventriculi dextri; d. venae coronariae hiatus infra valuulam Eustachii; e. ipsius valuulae Eustachii, post exsiccationem contractae, quaedam vestigia; f. septi pars posterior seu inferior; g. h. eiusdem septi pars anterior seu superior, ubi ad regionem g. portio partis posterioris, auriculam sinistram versus retroposita, transparet; i. foramen ouale.

Figura 13. exhibet idem corculum cum sinistra auricula eiusque sacco apertis, vbi visui obiiiciuntur: a. a. a. limbus aperturae factae; b. apex auriculae sinistrae; c. pars auriculae dextrae; d. vena caua superior; e. inferior; f. f. arcus aortae; g. orificium aortae descendens abscissae; h. ramus arteriae pulmonalis dexter; i. sinister; k. canalis arteriosus; l. arteria subclauia dextra; m. carotis dextra; n. carotis sinistra; o. subclauia sinistra; p. pars lateris superioris et anterioris sacci auriculae sinistrae; q. r. expansiones valvularum mitralium orificio ventriculi sinistri praepositarum; s. vena coronaria transparens; t. t. v. pars septi posterior seu inferior; x. pars septi anterior seu superior in v. per posteriorem transparens; y. foramen ouale.

Figura 14. iterum proponit integram faciem parietis seu septi inter vtramque auriculam positi. auriculam sinistram versus contemplandam. a. est vena caua superior; b. vena coronaria transparens; c. c. d. pars septi posterior; e. anterior, in d. per posteriorem transparens; f. foramen ouale.

Figura 15. sistit arcum aortae, ex eodem corculo exsiccato, ita apertum, vt productiones valvulosae ad orificia eiusdem tales, quales expansae post exsiccationem remanent, conspiciantur. a. est arcus aortae prope cor dissectus; b. aorta descendens abscissa; c. arteriae pulmonalis ramus dexter;

dexter; d. sinister; e. canalis arteriosus; f. arteria subclavia dextra; g. carotis dextra; h. sinistra; i. arteria subclavia sinistra; k. productio valvulosa ad orificium canalis arteriosi, arcum aortae versus, locata; l. similis productio ad hiatum arteriae subclaviae sinistrae conspicua.

Figura 16. delineat eundem arcum, sed ita locatum, ut reliquorum orificiorum productiones valvulosae appareant. *a. est truncus arteriae pulmonalis; b. ramus eiusdem dexter; c. sinister; d. canalis arteriosus; e. arcus aortae; f. aorta descendens abscissa; g. subclavia sinistra; h. carotis sinistra; i. dextra; k. subclavia dextra, communi cum carotide dextra orificio ex aorta surgens. Eminentias seu productiones membranaceas, ad orificia horum vasorum ubique sinistrorsum, i. e. ad latus cuiusvis orificii aortam descendantem versus, conspicuas, LOWERVS (a) appellat latera arteriarum demissa; GARENGEOT vero (b) les eprons.*

Dum in his peruestigandis occupatus eram, peropportune mihi concessum fuit corpusculum partus septimestris, post 34. horas a natiuitate defuncti, ex quo sequentes figuras, ad exemplar partium recentium expressas, subiungere iisque praemissas illustrare haud superuacaneum duxi. Adest ergo

Figura 17. quae repraesentat ostium venae umbilicalis, quem ad modum per sinum venae portae apertum conspicitur. *a. est vena umbilicalis; b. b. amplior regio sinistrae partis sinus venae portae aperta; c. ostium venae umbilicalis; d. eminentia quaedam circa ostium hocce visa; e. e. orificia exiguum ramulorum ex sinu venae portae ad iecoris substantiam tendentium; f. orificium rami insignis, pari modo excurrentis.*

Figura

(a) In tractatu de corde p.m. §6. et tab. I. fig. 5.

(b) l. c. p. 396. 419.

Figura 18. monstrat eandem regionem sinistrae partis sinus venae portae apertam, sed ita locatam, vt ostium venae portae itemque canalis venosi pateat. a. regio amplior sinistrae partis sinus venae portae aperta; b. vena umbilicalis; c. canalis venosus; d. orificium eiusdem valvulosa productione circulari cinctum; e. ostium sinistrae partis sinus venae portae, antequam sub ingressum in lobum iecoris sinistrum ampliatur.

Figura 19. eadem rursus sistit, sed cum principio supra dictae partis sinistrae sinus venae portae angustiori simul aperto. a. venae portae truncus prope iecur apertus; b. orificium partis dextrae sinus venae portae, maiori seu dextro iecoris lobo prospicientis; c. pars sinistra sinus venae portae, ad lobum iecoris minorem seu sinistrum excurrentis, angustior, tota aperta; d. d. eiusdem regio amplior, itidem aperta et expansa; e. canalis venosus; f. valvulosa eiusdem productio circularis; g. vena umbilicalis.

Figura 20. depingit corculum ex eodem foetu cum auricula dextra aperta, vbi apparent: a. a. limbus apertae auriculae dextrae expansus; b. hiatus venae cauae superioris; c. inferioris; d. d. tractus fibrarum carnearum posterioris partis septi; e. membranacea eiusdem partis expansio, quae in cavitate auriculae sinistrae terminatur; f. hiatus inter utramque septi partem, foramen ovale dictus; g. h. pars septi anterior, quae in h. connectitur cum valvula Eustachii i. i. ab expansione auriculae deorsum tracta; k. ostium venae coronariae; l. hiatus ventriculi dextri.

Agmen figurarum huius tabulae claudit icon 21. quae exhibet parietem inter utramque auriculam locatum a facie dextra, facta ad exemplar mulieris 26. annorum, vbi hiatus inter utramque huius septi partem amplissimus adhuc dum observabatur. a. a. denotat limbum anterioris partis septi;

b. b. *expansionem tendineam partis posterioris*; c. *stylum per hiatum utriusque partis traiectum.*

Tabulae II. explicatio.

VT nexus partium, de quibus repraesentandis hactenus sollicitus fui, magis adhuc pateat, produco figura 22. iconem primariarum, tum arteriae magnae et pulmonalis. tum etiam venae portae cauaeque, propaginum, cera repletarum, ex foetu septimestri, quarum situs ferme eo modo se habet, quo deprehenditur, quando infans sinistro lateri incumbit, adeoque dexter cordis ventriculus et facies iecoris gibba seu externa visui obuertuntur. Conspiciuntur ergo a. a. *vena portae, iecur transversim ingrediens*; b. c. d. *sinus venae portae, cuius pars dextra b. ramis suis e. e. e. e. per iecoris lobum maiorem seu dextrum distribuitur, sinister vero c. ad minorem iecoris lobum seu sinistrum progreditur, sub ingressum in d. d. ampliatur et ramos f. f. f. f. spargit, itemque inferius venam umbilicalem g. g. recipit, superius vero canalem venosum h. emittit, qui infra ramos venae cauae i. i. i. i. i., ex iecoris utroque lobo collectos, trunco venae cauae inferioris seu ascendentis k. k. iungitur, cum quo concurrit truncus venae cauae superioris seu descendens l. ex utraque ingulari ** et vena azygos seu sine pari m. compositus, qui ambo trunci auriculam dextram n. formant. Sub hac apparet cordis ventriculus dexter o. o. cui subiacet sinister p. p. Ex dextro oritur arteria pulmonalis, cuius ramus dexter, seu potius eius propaggines, q. q. in conspectum veniunt. Ex sinistro prodit aorta r. cuius ramus s. subclaviam sinistram, t. carotidem sinistram, v. carotidem dextram et x. subclaviam dextram constituit. Supra auriculam dextram conspiciuntur rami venae pulmonalis dextrae y. y. et post hosce arcus aortae descendens z. z. z. z. qui ad iliorum regio-*

regionem perveniens dispecitur, dextrorsum et sinistrorsum spargens arteriam umbilicalem α , α , et cruralem β , β . (a).

Figura 23. proponit idem vasorum systema, ea pro-
pmodum ratione conspiciendum, qua apparet, quando in-
fans abdomini incumbit sinistrorsum paullo inclinatus, ad-
eoque facies iecoris concava seu inferior superiora spectat.
In hoc a. a. b. c. d. e. e. e. e. f. f. f. g. g. h. i. i. i. k. k. l. l. m. n. n.
easdem indicant partes figura 22. denominatas, et porro conspi-
citur auriculæ sinistrae saccus o; huncque ingredientem rami
venae pulmonalis dextrae p; sinistrae q; ut et arteriae pulmo-
nalis ramus dexter r; sinister s. s; canalis item arteriosus t; ex
pulmonali arteria prope bifurcationem eius r. s. ortus, et cum
arcu aortae v. v. iunctus. Subclavia deinde dextra x; carotis
dextra y; communi principio ordinarie prodeuntes; carotis si-
nistra z; atque subclavia sinistra a; aorta denique descendens β .
ad iliacam regionem iterum in arteriam umbilicalem γ . γ atque
cruralem δ . δ utramque abit, ex ipsa vero divisione arteriam
sacram ϵ . emittit.

Figura 24. corculum ex eodem subiecto sistit ventri-
culo dextro incumbens, ut nexus canalis arteriosi cum arteria
pulmonali atque aorta ab anteriori facie in conspectum
prodeat. Cernuntur ergo ventriculus sinister a; pars dextri
b; apex auriculæ dextrae c; auricula sinistra d; rami venae
pulmonalis sinistrae e. e; arteria pulmonalis f; ramus eiusdem
sinister cum suis propaginibus g. g; canalis arteriosus h; arcus
aortae i. i; aorta descendens k. k; arteria subclavia sinistra l;
carotis sinistra m; carotidis dextrae n. et subclaviae dextrae o.
commune principium p; venae cauae superioris seu descendantis
truncus q; vena ingularis dextra r; sinistra s.

Vt etiam certior fierem quomodo paries vtrique au-
riculae

(a) Accuratiorem, ex institui ratione, huius divisionis explicationem exhibui
Commerc. litt. A. 1734. hebdomada XXIX. p. 228. seq. et tab. V. fig. 6.

riculae cordis interiectus se habeat in corculo, quod ad manus erat, alius foetus septimestris cera per venam vmbilicalem repleto, exsiccato, posteaque rursus vacuofacto, vtramque eius aperui auriculam & non sine admiratione vidi foramen ita dictum ouale a productione tenui membranacea posterioris partis septi penitus clausum.

Adumbrat haec Figura 25. a facie auriculae dextrae, ubi a. a. est portio ventriculi dextri abscissi; b. auriculae sinistrae; c. arteriae pulmonalis; d. aortae; e. e. ramorum venae pulmonalis dextrae; f. venae cauae superioris; g. inferioris. Ipsum limbum auriculae dextrae apertae indicat h. h. h. in cuius cavitae apparet vestigium valvulae Eustachii i; limbus anterioris partis septi k. k. et membranacea productio posterioris partis eiusdem septi l; hiatus inter vtramque partem, seu foramen ouale, penitus obregens.

Qua ratione eadem a facie sinistrae auriculae apertae comparuerint. declarat Figura 26. vbi a. a. est pars ventriculi sinistri; b. dextri; c. aortae; d. arteriae pulmonalis; e. canalis arteriosus; f. rami arteriae pulmonalis sinistrae; g. g. ramorum venae pulmonalis dextrae; h. h. h. limbus auriculae sinistrae apertae; i productio membranacea posterioris partis septi super foramen ouale expansa; k. eius limbus.

Differentiam capacitatis vtriusque ventriculi cordis in eodem corculo exhibet Figura 27. vbi a. dextri; b. sinistri, mox infra basin abscissorum, delineat capacitatem et c. c. c. tres dextri tricuspidales d. d. duas sinistri mitrales valvulas; e. locum, ubi arteria pulmonalis ex dextro, f. ubi aorta ex sinistro egreditur ventriculo; g. g. vero septum intermedium aliquo modo repraesentat.

His obseruatis cupidus eram eadem in aliis quoque subiectis repetendi. Aderat autem aliud corculum, eodem modo praeparatum, ex infante aliquot, incertis tamen, a
partu

partu diebus defuncto, ad orphanotropheum scilicet exposito. Umbilici cicatrix in hoc infante equidem iam erat facta, vasa tamen umbilicalia intra abdomen ad ipsam vsque cicatricem, vt et canalis venosus aequae ac arteriosus amplissime adhuc patebant, vnde colligere licet, illum per paucos tantum dies spiritum traxisse. Quae ex hoc cognoscere potui, indicant figurae 28. 29. 30. 31. et 32.

Prima ex his, figura scilicet 28. dextram cordis faciem sistit, vbi a. a. est *portio ventriculi dextri abscissi*; b. *arteriae pulmonalis*; c. *aortae*; d. d. *ramorum venae pulmonalis dextrae*; e. *venae cauae superioris*; f. f. *inferioris*; g. g. g. *ramorum venae cauae ex iecore prodeuntium*; h. *canalis venosi*; i. i. i. *margo auriculae dextrae apertae, in cuius cavitatem apparet k. valvula Eustachii*; l. *ostium venae cauae inferioris*; m. *superioris*; n. n. *septi pars anterior*; o. *posterior, quae hiatus inter utramque exacte claudit*; p. *elevata regio inter hiatus utriusque venae cauae intercedens*; q. *depressa regio, per quam sanguis venae cauae superioris descendit*; r. *venae coronariae orificium*.

Figura 29. sinistram cordis faciem delineat, vbi a. *portio ventriculi sinistri*; b. *dextri*; c. *arteria pulmonalis*; d. *eius facta apertura*; e. *ramus arteriae pulmonalis sinister*; f. *dexter*; g. *canalis arteriosus*; h. h. *carotis et subclavia sinistra*; i. i. *arcus aortae*; k. k. *rami venae pulmonalis dextrae*; l. *vena caua inferior*; m. m. m. *rami eiusdem ex iecore accedentes*; n. *canalis venosus*; o. *truncus venae cauae inferioris intra pectus*; p. p. *flexura, quam circumdat diaphragma*; q. q. q. *limbus auriculae sinistrae apertae*; r. *pars septi anterior*; s. *posterioris processus membranaceus hiatus inter utramque partem, hic multum iam coarctatum, claudens*.

Figura 30. conspicienda praebet, quae per aperturam trunci arteriae pulmonalis apparent. a. a. est *arcus aortae*; b. *truncus arteriae subclaviae et carotidis dextrae communis*; c. *ca-*

rotis sinistra; d. subclauia sinistra; e. truncus aortae descendens abscissus; f. canalis arteriosus; g. ramus arteriae pulmonalis sinister; h. eiusdem orificium; i. arteriae pulmonalis rami dextri orificium; k. margo eleuatus seu processus inter utrumque orificium prominens; l. orificium canalis arteriosi; m. processus eidem impositus seu valuulosa productio a CARCANO obseruata et descripta.

Figura 31. arcum aortae apertum monstrat, vbi a. eiusdem ortus ex corde; b. truncus descendens; c. orificium canalis arteriosi; d. processus marginis superioris, qui valuulam a D. D. AGRICOLA descriptam et depictam repraesentat.

Figura 32. diuersam capacitatem vtriusque ventriculi ex hoc subiecto depingit, vbi iterum a. dextrum; b. sinistrum ventriculum; c. c. c. valuulas tres tricuspidales illius; d. d. duas mitrales huius aliquo modo sistit; e. vero locum, vbi ex dextro egreditur arteria pulmonalis; f. vbi ex sinistro oritur aorta; et g. g. septum inter utrumque ventriculum indicat.

De his certior factus, praecipuarum rerum comparisonem ex corde vitulino etiam quaeui, sed tunc temporis aliud acquirere haud poteram, quam quod per quinque hebdomadas post partum officio suo iam functum erat. Ex hoc autem

Figura 33. regionem foraminis oualis, prouti illa per dextram auriculam apertam apparebat, delineat. a. est vena caua inferior aperta; b. locus, vbi accedit vena caua superior; c. tuberculum Louveri; d. ostium venae coronariae; e. pars septi posterior, cum anteriori f. f. iam coalita; g. exigua apertura, seu canaliculus, ut loquitur CARCANVS, a foramine ouali adhuc relictus.

Figura 34. eiusdem regionis faciem sinistram repraesentat, vbi a. a. a. est limbus auriculae sinistrae apertae; b. ventriculi sinistri latus; c. processus membranaceus posterioris partis

partis septi, cum anteriori per productiones fibrosas d. d. concreta.

Figura 35. arcum aortae apertum ex eodem corde vitulino conspiciendum praebet. a. est *arcus prope cor abscissus*; b. *vestigium orificii canalis arteriosi penitus iam coaliti*; c. *reliquiae processus marginis superioris eiusdem orificii*.

Tandem mutationem harum partium in corde adulti hominis factam perlustraui, idque institui in corde iuuenis viginti quatuor annorum, quod ante aliquot iam annos pinguedine suilla repleui et exsiccationi tradidi. Haecce pinguedo cavitates quidem optime seruabat distentas, minus tamen quam cera contractionem et corrugationem eminentiarum in cavitatibus obuiarum impediabat, attamen haud pauca, quae praemissa illustrent, suppeditabat.

Figura ergo 36. cauitatem auriculae dextrae apertae sistit, vbi a. a. est *ventriculi dextri principium*; b. b. *rami venae pulmonalis dextrae*; e. *vena caua inferior*; d. *superior*; e. e. e. *limbus auriculae dextrae apertae*; f. *latus posterior venae cauae inferioris*; g. *regio, quae in vitulis monstrat tuberculum Lovveri, in homine vero a sacco pulmonali retroiacente tantum eleuatur*; h. h. *regio excauata, per quam sanguis venae cauae superioris ducitur*; i. i. *pars septi anterior*; k. k. *posterior*; l. *processus membranaceus partis posterioris cum parte anteriori i. i. coalitus*; m. m. *valvula Eustachii paullulum contracta et corrugata*; n. n. *vena coronaria*; o. *eiusdem orificium*.

Figura 37. eiusdem auriculae cauitatem monstrat, sed ita locatam, vt ventriculi dextri hiatus simul conspici possit. a. iterum est *principium ventriculi dextri*; b. *vena caua inferior*; c. *superior*; d. d. d. *limbus auriculae dextrae apertae*; e. *septi pars posterior*; f. *eiusdem processus membranacei portio*; g. g. *valvula Eustachii*; h. *vena coronaria*; i. *eiusdem orificium*; k. k. k. *valvulae mitrales super hiatum ventriculi expansae*.

Figura 38. aortam eiusdem cordis apertam sistit, vbi a. est principium aortae porpe cor abscissae; b. orificium trunci, arteriae subclaviae. et carotidis dextrae communis; c. c. processus marginis inferioris eiusdem orificii; d. orificium carotidis sinistrae; e. e. processus marginis inferioris eiusdem orificii; f. orificium arteriae subclaviae sinistrae, circa quod nullus amplius processus apparebat.

Tabulae III. explicatio.

Dum haec iam consignaueram ipsaeque figurae haftenus explicatae aeri incisae erant, mense Octobri anni praeteriti ad anatomicas disquisitiones obtinui puerulum 11. septimanas natum (a), qui iterum occasionem suppeditabat, aliquas figuras, argumentum explicandum illustrantes, producendi. Apparet ergo:

Figura 39. iecoris facies inferior seu concava in magnitudine naturali, cum appenso corculo et vasorum umbilicalium reliquiis. a. est corculi ventriculus sinister; b. huius auricula; c. pars ventriculi dextri; d. arteriae pulmonalis truncus; e. e. iecoris lobus sinister seu minor; f. f. dexter seu maior; g. huius eminentia, porta dicta; h. vesicula bilis; i. i. sulcus, iecur in duos lobos diuidens, diductus; k. venae portae truncus, per longitudinem apertus; l. hiatus partis dextrae sinus venae portae ad lobum iecoris dextrum pertinentis; m. pars sinistra huius sinus, per longitudinem iterum aperta; n. orificia ramorum ad lobum iecoris sinistram excurrentium; o. vestigium orificii canalis venosi, maximam partem coaliti; p. reliquiae huius ipsius canalis; q. finis venae umbilicalis apertus, valde iam angustatus; r. s. t. reliquiae venae umbilicalis, a t. ad s. pollicis

cis spatio retractae et vaginam tantum suam relinquente; ab s. ad r. stylum tenuiorem, cavitatem suam relictam, capientis; v. v. tegumenta communia circa umbilicum resecta; x. x. vesica urinaria; y. huius productio, vrachus communiter appellata. z. z. a. β . reliquiae arteriarum umbilicalium, a z. ad α . duorum pollicum spatio retractarum et vaginae relictae vestigia indicantium, ab α . ad β . aliqua adhuc ex parte cauarum; γ . γ . principium arteriae umbilicalis, vel si manus iliaca internae, apertum, ubi orificia ramorum ipsius conspiciuntur.

Figura 40. auriculam cordis dextram apertam et truncum venae cauae inferioris itidem apertum exhibet. a. a. a. est limbus auriculae dextrae apertae; b. b. b. limbus trunci venae cauae aperti; c. orificium ventriculi dextri; d. venae coronariae; e. valvula Eustachii expansa; f. hiatus venae cauae superioris; g. septi inter utramque auriculam positi, seu foraminis ovalis, limbus anterior; h. posterior, seu foraminis ovalis valvula, hiatus praetensa; i. cicatrix canalis venosi; k. orificium rami venae cauae inferioris ex sinistro iecoris lobo provenientis; l. alterius rami, ex dextro lobo prodeuntis; m. n. orificium commune, quo gaudent tertius ramus m. iterum ex dextro lobo oriens, et vena caua inferior n. infra iecur ascendens; o. o. haec ipsa vena caua, a stylo inhaerente, eleuata; p. p. lobi iecoris dextri; q. sinistri, facies gibba.

Figura 41. corculum hocce cum auricula dextra aperta alium in situm redactum monstrat, ubi a. a. a. est limbus auriculae dextrae apertae; b. orificium venae coronariae; c. c. valvula Eustachii; d. valvula foraminis ovalis, seu limbus huius foraminis posterior; e. anterior; f. hiatus venae cauae superioris; g. g. stylus, venae cauae inferiori inhaerens.

Figura 42. idem corculum cum auricula sinistra aperta depingit. a. a. a. est limbus auriculae sinistrae apertae; b. b. valvula foraminis ovalis, seu huius limbus posterior, quem stylo traiecto eleuatum fingas, ut hiatus residui magnitudo, itemque

pars aliqua limbi subiectae partis anterioris (septi in conspectum veniat.

Figura 43. arteriae pulmonalis truncum apertum sistit, vbi denotat a. *orificii canalis arteriosi, iam clausi, vestigium*; b. *orificium rami pulmonalis sinistri*; c. *dextri*;

Figura 44. arcum arteriae magnae seu aortae apertum delineat, in quo apparent a. *arteriae subclaviae et carotidis dextrae principium commune apertum*; b. *arcus, ex corde pro- uenientis, hiatus*; c. *vestigium orificii canalis arteriosi clausi*; d. *aorta descendens*.

Ob fugam spatii, aliarum partium, de quibus postea dicendum mihi est, icones huic tabulae adieci.

Figura itaque 45. repraesentat ex corde adulti 24. annorum eam orificii ventriculi dextri capacitatem, quam efformant tres eius valuulae tricuspidae tunc, quando ventriculi dilatantur. a. a. a. est *limbus orificii ventriculi dextri*; b. c. d. *valuulae tricuspidae*; b. *anterior seu superior, quae maxima*; c. *posterior seu inferior, quae minor*; d. *lateralis, dextra, quae minima*.

Figura 46. depingit faciem auris externae infantis recens nati, de qua supra p. 6. nota a. mentio facta est. a. est *tragi seu hirci*, b. *antitragi arcta combinatio*.

Figura 47. proponit ex eodem subiecto vrachi cum vesica urinaria et umbilico nexum. a. a. est *vesica paullulum inflata*; b. *productio ex fundo eius ad umbilicum ascendens, vrachi nomine nota*; c. c. *utraque arteria umbilicalis*; d. *venae umbilicalis portio*; e. e. *umbilici regio*; f. *pars funiculi umbilicalis*.

Figura 48. vesicam urinariam eandem apertam, eiusque faciem internam, sistit, in qua notanda *papillula* a. quae principio vrachi respondet.

Figura 49. depingit *figuram et magnitudinem ventriculi in-*

li infantis recens nati, ad naturalem capacitatem, seu absque violenta distensione, flatu expansi.

Figurae 50. 51. 52. 53. mutuatae sunt a RIDLEYO (a), et explicant *situm varium foraminis ovalis*, ita vt fig. 50. situm eius in foetu ante respirationem; 51. in infante per aliquot momenta respiratione vso; 52. in foetu tres septimanas nato, et 53. in adulto delineet, in singulis vero a. b. foramen ovale, seu, ad mentem eius, rotundum, naturali aliquanto maius; c. valvulam eius; d. aperturam eiusdem; e. e. sanguinem per eam transfluentem denotent.

Figura 54. iterum mutuata est, sed a CAECILIO FO-LIO (b), quae sistit auriculam vna cum ventriculo sinistri lateris apertam, cuius explicatio, auctoris verbis, haec est: A. A. Cordis incisio per univrsum sinistrum facta ventriculum; B. ventriculus; C. exitus styli per anastomosin a dextra in sinistram auriculam; D. valvula ori magnae arteriae apposta; E. E. sinistra cordis auricula dissecta, dextra minor; F. F. arteria venosa (pulmonalis) a dextro cordis ventriculo exiens; G. arteria magna ascendens; H. eadem prope spinam descendens; I. tubulus arteriosus, venosam (pulmonalem) arteriam cum magna connectens; K. truncus ascendens arteriae magnae ad brachia et iugulum; a. a. venae coronariae pars quaedam delineata per cordis superficiem dispersa, cuius minima portio perspicitur; b. b. arteria

(a) Ex observationibus eius med. pract. physiol. quem ad modum easdem exhibuit cl. D. D. ABRAHAM. VATERVS in programme ad orationem inauguralem, ubi de mechanismo, quo natura vititur in obitu-rando foramine ovali et ductu arterioso, coniecturas suas, occasione ob-servationis anatomicae perquam curiosae, exponit. Vitemb. 1719. 4. cum fig. aen.

(b) Ex schediasmate eius, cui titulus: Sanguinis a dextro in sinistrum cordis ventriculum defluentis facilis reperta via etc. Venetiis apud Bertanos 1639. 4. quod cum aliorum auctorum opusculis, vitiatissimum vero figu-ris, recusum prostat Lugd. Bat. ap. Jo. et Herm. Verbeck 1723. 8.

teria coronaria dissecta; c. c. c. c. auriculae sinistrae incisio usque ad venam arteriosam (pulmonalem); d. d. d. particulae quaedam nervosae in ipso cordis ventriculo, nervi ab Aristotele existimati; e. e. stylus in anastomosis immissus; f. f. f. foramina quaedam exigua, per quae transit sanguis, dum occalescit anastomosis et minori materia est opus; g. valvula, et in hoc latere anastomosis apposita.

Tabulae IV. explicatio.

POST haec mense Novembri ad votum mihi concedebatur corpusculum infantis perfecti ac optime formati, recensque nati (a) perlustrandum. Ut ergo omnia, quae ipsemet ad pleniorē informationem desiderabam, cognoscere possem, primum cera, per venam vmbilicalem adacta, totum repleui systema vasorum eo usque, quo citra violentiam distendi se patiebatur; deinde corculum a pericardio, vasaque a suis denudaui visceribus, quo facto systema hocce delineandum curavi a facie anteriori, seu iecoris superficie gibba sursum versa, quod se praesentabat ita, prouti illud indicat

Figura 55. in qua notanda a. vena vmbilicalis; b. b. pars sinistra sinus venae portae eaque ampliata; c. c. c. c. huius rami, sinistro iecoris lobo prospicientes; d. illa eiusdem pars, quae angustior; e. dextra sinus venae portae pars; f. f. huius rami per dextrum iecoris lobum distributi; g. venae portae truncus; h. canalis venosus; i. i. i. rami venae cauae inferioris ex sinistro iecoris lobo collecti; k. k. rami eiusdem ex dextro hepatis lobo prodeuntes; l. similes rami iterum ex dextro lobo provenientes; m. vena caua inferior, infra iecur ascendens; n. truncus eiusdem proprie
sic

(a) Cuius etiam mentionem feci in commerc. litt. A. 1735. hebd. LI. p. 404.

sic dictus, in homine valde brevis; o. o. flexura, quam cingit diaphragma; p. p. truncus venae cauae superioris; q. vena azygos seu sine pari; r. ingularis sinistra; s. dextra; t. locus, ubi uterque concurrat venae cauae truncus; v. v. auricula dextra; x. ventriculus dexter; y. sinister; z. saccus auriculae sinistrae; α. rami superiores venarum pulmonalium dextri lateris; β. inferiores eiusdem lateris; γ. rami arteriae pulmonalis dextrae; δ. principium aortae; ε. truncus, arteriae subclaviae dextrae ζ. et carotidis dextrae η. communis; θ. carotis sinistra; λ. subclavia sinistra; μ. μ. aorta descendens.

Figura 56. idem repraesentat systema, sed a facie posteriori, seu concava iecoris parte, sinistraque auricula sursum spectantibus, ubi a. b. b. c. c. c. c. d. e. f. f. g. h. i. i. i. k. k. l. m. n. o. o. easdem, quas in antecedenti, partes significant. p. est pars auriculae dextrae; q. ventriculus sinister; r. pars ventriculi dextri; s. auricula sinistra; t. saccus eiusdem; v. vena coronaria; x. x. venae pulmonales lobi sinistri, superiores et inferiores; y. y. lobi dextri, iterum superiores et inferiores; z. truncus arteriae pulmonalis; α. a. canalis arteriosus; β. aorta descendens; γ. arteria subclavia sinistra; δ. carotis sinistra; ε. arteria subclavia dextra; ζ. carotis dextra; η. vena ingularis sinistra; θ. dextra; λ. λ. arteria pulmonalis sinistra; μ. μ. dextra.

Figura 57. cor idem separatim ostendit ita locatum, ut nexus arteriae pulmonalis atque aortae, mediante canali arterioso factus, in conspectum cumprimis veniat. a. est cordis ventriculus dexter; b. sinister; c. auricula dextra; d. sinistra; e. uterque truncus venarum lobi pulmonum sinistri; f. arteriae pulmonalis truncus; g. huius ramus ad lobum pulmonis sinistrum pertinens; h. h. canalis arteriosus; i. aorta descendens; k. l. eiusdem arcus, ex quo proueniunt. m. subclavia sinistra, n. carotis sinistra, et o. truncus, arteriae carotidi dextrae

p. et subclaviae dextrae q. communis; r. indicat truncum venae
cauae superioris abscissum.

Postquam externum horum vasorum in foetu nexum
fatis exploram, cupidissimus eram inueniendi, quamnam
internam harum partium fabricam, hac mediante praeparatio-
ne, detecturus essem. Ceram ergo iniectam, ad lenem calo-
rem fluentem, iterum euacuavi et tunc, apertis auriculis,
non solum eadem, quae supra tab. II. fig. 25. et 26. exposui,
rursus inueni, verum et alia plura, hactenus dubia, clari-
sime vidi. Vt de illis satis me explicare possim, sequentes
fieri curavi figuras.

Figura ergo 58. monstrat interiora cordis per dextram
auriculam apertam. a. a. a. est *limbus auriculae dextrae apertae*;
b. eius *apex*; c. c. *truncus venae cauae inferioris*; d. *superio-
ris*; e. e. *latus posterius trunci venae cauae inferioris*; f. *val-
uula Eustachii*; g. g. *limbus anterioris partis septi, seu foraminis
oualis*; h. h. *pars posterior septi seu foraminis ovalis, id est, hu-
ius valvula, in plenaria auricularum expansione foramen ovale
plenarie obtegens*; i. *stylus tenuis inter partem septi anteriorem
et praedictam valvulam haerens et locum, ubi valvula conni-
et, indicans*; k. *ostium venae cauae superioris*; l. *elevata seu con-
vexa regio anterioris partis septi, tuberculi Lovveri loco conspi-
cua*; m. *depressa seu concava regio eiusdem*; n. *caavernae apicis
auriculae dextrae*; o. *lateralis pars venae coronariae libera, aliis
valvula visa*; p. *truncus arteriae pulmonalis*; q. *aortae*; r. *pri-
mus aortae ramus ex arcu ascendens, arteriae subclaviae atque
carotidi dextrae communis*; s. *arteria carotis sinistra*; t. *subcla-
via sinistra*; v. *aorta descendens*; x. x. *vena sine pari*; y. *arteria
pulmonalis dextra*; z. *pars sacci auriculae sinistrae cum utroque
venarum pulmonalium dextri lateris trunco.*

Figura 59. corculum idem ita situm proponit, vt par-
tes in dextrae auriculae cavitate exstantes, partim per ipsam
eius

eius aperturam, partim per venae cauae inferioris orificium conspiciantur, potissimum vero nexus valuulae Eustachii cum utroque foraminis ovalis limbo appareat. a. a. a. est limbus trunci venae cauae inferioris prope suum in auriculae dextrae cavitatem hiatum abscissi; b. valuula Eustachii, hiatum versus foraminis ovalis inclinans; c. latus dextrum partis anterioris septi; d. latus sinistrum eiusdem; e. e. pars posterior septi, seu valuula foraminis ovalis, superius e. conuexa, inferius e. concava: inter hanc et anteriorem septi partem parvus apparet hiatus; f. f. f. limbus auriculae dextrae apertae; g. truncus venae cauae superioris; h. depressa seu concava regio anterioris partis septi, pro sanguine ex vena caua superiore descendente dirigendo; i. cavernae apicis auriculae dextrae; k. pars orificii ventriculi dextri.

Figura 60. apertam auriculam dextram alio rursus in situ repraesentat, ut de nexu partium in ea conspiciendarum certior formari possit idea. a. a. a. est margo auriculae dextrae apertae; b. apex eiusdem; c. truncus venae cauae inferioris; d. latus eiusdem posterius; e. valuula Eustachii; f. pars lateralis libera venae coronariae; g. valuula foraminis ovalis; h. h. pars septi anterior; i. regio eius eleuata seu conuexa; k. depressa seu concava; l. orificium ventriculi dextri; m. vena caua superior; n. vena sine pari; o. truncus arteriae pulmonalis; p. aortae; q. r. s. rami arcus aortae ascendentes; t. aorta descendens.

Figura 61. sistit interiora cordis per auriculam sinistram apertam obseruanda. a. a. a. est margo sacci auriculae sinistrae aperti; b. auricula sinistra; c. c. pars septi anterior; d. e. e. f. pars septi posterior, seu valuula foraminis ovalis, hiatum eius plenarie obtegens, per quam in d. et f. transparet partis anterioris limbus; g. stylus tenuis inter partem anteriorem et posteriorem septi haerens; h. truncus venae cauae inferioris; i. pars

auriculae dextrae ; k. vena sine pari ; l. arteria pulmonalis dextra ; m. sinistra ; n. canalis arteriosus apertus ; o. aorta descendens aperta ; p. productio prominens inter insertionem canalis arteriosi in aortam descendentem et hiatum arcus aortae ; q. r. s. rami arcus aortae ascendentes ; t. truncus venae coronariae ad auriculam dextram properans.

Figura 62. ostendit proportionem vtriusque ventriculi, per medium circiter longitudinis suae transuersim dissecti ; a. a. est septum vtriusque ventriculi ; b. hiatus ventriculi dextri ; c. arteriae pulmonalis ; d. ventriculi sinistri ; e. aortae.

Figura 63. repraesentat truncum venae cauae inferioris, post ramorum suorum ex iecore collectionem transuersim sectum. a. est orificium canalis venosi in venae cauae inferioris truncum hians, cum valvula sua orbiculari ; b. ramus venae cauae inferioris ex sinistro iecoris lobo proueniens ; c. alter eius ramus ad dextrum iecoris lobum pertinens ; d. tertius eiusdem ramus, iterum ex dextro lobo accedens ; e. orificium venae cauae inferioris, infra iecur ascendens.

Figura 64. partem sinistram sinus venae portae apertam sistit, vt orificium inferius canalis venosi, ex dicta sinus parte originem habentis, pateat. a. est dicta sinus venae portae sinistra pars, prope venae portae truncum resecta ; b. orificium canalis venosi, cum valvula sua orbiculari.

Figura 65. monstrat sinum venae portae, ad huius in illum insertionem apertum. a. a. est sinus apertus ; b. orificium venae portae, cum limbo quodam valvuloso.

Figura 66. truncum arteriae pulmonalis apertum depingit ita locatum, vt productiones prominentes, canalem arteriosum et vtramque arteriam pulmonalem interiectae, in conspectum veniant. a. est canalis arteriosus ; b. eius orificium ; c. arteria pulmonalis sinistra ; d. eius orificium ; e. dextrae orificium ; f. productio, quae canalem arteriosum et vtrum-

que arteriae pulmonalis ramum intercedit; g. similis inter ambos praedictos ramos.

Figura 67. finem canalis arteriosi et arcus aortae apertum sistit, ut productio inter posita utrumque alio in situ appareat. a. est finis canalis arteriosi; b. arcus aortae; c. productio utriusque intercedens.

Figura 68. eadem monstrat, quomodo scilicet per orificium aortae, mox post canalis arteriosi insertionem transuersim sectae, saepius memorata productio appareat. a. est orificium canalis arteriosi; b. arcus aortae; c. c. productio utriusque intercedens.

Figura 69. variam vasorum ex hoc subiecto hactenus explicatorum diametrum delineat. a. est diameter trunci venae cauae inferioris, post ramorum suorum ex iecore collectionem abscissi; b. trunci venae cauae superioris, prope cor abscissi; c. venae umbilicalis, ante ingressum in iecur transversim sectae; d. partis sinistrae sinus venae portae, ubi ampliata ramos ad sinistrum iecoris lobum dimittit; e. eiusdem sinus, inter partem ampliatam et venae portae ingressum, angustioris; f. canalis venosi prope originem suam dissecti; g. trunci venae portae, prope ingressum suum in sinum praedictum transversim abscissi; h. trunci arteriae pulmonalis, prope cor resecti; i. trunci aortae, itidem prope cor abscissi; k. canalis arteriosi; l. arteriae pulmonalis dextrae; m. sinistrae, utriusque prope suam ex trunco originem transversim sectae; n. maximi; o. minimi ex quatuor ramis venarum pulmonalium, in saccum auriculae sinistrae hiantibus, ad ingressum in ipsum hunc saccum resectorum.

Figura 70. exponit illius productionis vesicae urinariae, vrachi dictae, progressum extra infantis corpusculum. a. est pars funiculi umbilicalis cum suis tegumentis; b. b. regio, ubi cicatrix umbilici sit; b. b. pars tegumentorum funiculi umbilicalis et b. d. b. d. pars tegumentorum abdominis foetus, utra-

que per longitudinem aperta; e. f. arteria umbilicalis dextra; g. h. sinistra, quae ambae iuxta vesicam urinariam i. i. decurrunt, ad locum e. g. proxime ad se invicem accedunt et postea abdomen egrediuntur; k. productio fundi vesicae urinariae, vrachus dicta, quae abdomen egressa, adeo gracilis fit, ut mox, membranae tenuis instar, penitus evanescat.

Tabulae V. expositio.

His omnibus ad typum iam paratis, occasio ita denuo fauebat, ut gemelli septem mensium, masculus et femella, ad manus pervenirent meas, ex quibus aliqua, haftenus exposita, in situ suo naturali porro repraesentare, iuvabit.

Figura 71. abdomen ita apertum sistit, ut per latus eius sinistrum ablatum in conspectum veniant, quae in cavitate ipsius latent, exceptis intestinis, quae ex proposito extracta sunt. Depingitur ergo a. a. a. pectus ex costis conflatum; b. cartilago xyphoidea; c. ventriculus; d. pylorus; e. portio intestini duodeni abscissi; f. f. lobus iecoris minor a facie convexa seu superiori vel exteriori, ad oras suas paululum sursum tractus, ut facies iecoris concava seu inferior vel interior g. in conspectum veniat; h. pars dextri lobi iecoris a facie inferiori; i. particula fundi vesicae felleae; k. vena umbilicalis per canalem clausum iecoris substantiam, inter sinistrum et dextrum lolum, intrans; l. ren sinister; m. pars dextri; n. huius ureter; o. vena cava inferior seu ascendens; p. finis trunci aortae descendens; q. q. eius divisio in arterias iliacas; r. r. iliaca externa; s. interna, cuius continuatio est arteria umbilicalis t. t. iuxta latus vesicae urinariae v. v. ascendens; x. x. umbilici oriundi circumscriptio; y. y. pars funiculi umbilicalis spirali ductu excurrentis; z. synchondrosis ossis pubis. * crista ossis ilei prominens.

Figura 72. idem abdomen apertum a facie hypogastrii exponit. a. a. est *pectus*; b. b. *septi transversi sursum arquati portio*; c. c. *iecoris lobi minoris seu sinistri*; d. d. *maioris seu dextri facies exterior*; e. *minoris*; f. f. *maioris facies interior*; g. *huic inhaerens vesicula fellea*; h. *vena umbilicalis ad iecur accedens*; i. *ventriculus, in hypochondrio sinistro sub lobo iecoris sinistro latens*; k. *eius pylorus*; l. *frustulum intestini duodeni abscissi*; m. *pars renis sinistri*; n. *dextri*; o. o. *vesica urinaria ad umbilicum usque ferme ascendens*; p. *productio fundi eius, vrachus dicta*; q. q. q. q. *utraque arteria umbilicalis iuxta vesicam urinariam utrinque excurrens*; r. r. *circumscriptio umbilici*; s. s. *funiculus umbilicalis spiraliter ex vena h. et utraque arteria q. q. q. q. umbilicali contortus*; t. t. *synchondrosis ossis pubis*; v. x. *testiculus dexter, tunicae suae vaginali tenuissimae inclusus, in situ suo naturali, qualem intra abdominis cauum plus simplici vice in tenello foetu observavi*; x. *ipsum testiculi corpus*; v. *eius vasa, vaginali processui inclusa*; y. z. *testiculus sinister ita inuersus, ut facies eius inferior ad superiora spectet, simulque ei adhaerens epididymis seu parastata * conspicitur, prouti per tenuissimam tunicam vaginalem transparet.*

Figura 73. iecur a facie concava seu interiori monstrat integrum. a. a. *lobus eius sinister seu minor*; b. b. b. *dexter seu maior*; c. *lobulus Spigelii*; d. *eminentia, porta dicta*; e. *coniunctio sinistri cum dextro lobo, canalem integrum (a) formans, intra quem vena umbilicalis f. excurret*; g. g. *venae portarum, iecur intrans*; h. h. *sulcus, quem format scissus a lobi sinistri cum lobulo Spigelii, quemque occupat canalis venosus*; i. i. *vena caua inferior seu ascendens*; k. *locus, ubi utrinque occedunt venae emulgentes*; l. *venae cauae inferioris truncus supra iecur formatus*; m. *pars auriculae cordis sinistrae*; n. *eius saccus, quem venae pulmonales dextrae o, sinistrae p, ingediuntur*; q. *pars ven-*

(a) Eodem modo se habebat iecur alterius horum gemellorum.

ventriculi sinistri cordis ; r. felleus ductus hepaticus iuxta venam portarum iecur egrediens ; s. felleus ductus cysticus, ex cystide seu vesicula fellea t. ortus et cum hepatico r. iunctus, ductum felleum, seu cholidochum, communem v. efformans.

Figura 74. eandem inferiorem iecoris faciem proponit, ex qua vero non solum lobulus Spigellii, sed etiam reliquae substantiae eius partes abrahae sunt, quae vasorum primariorum cursum per illam occultant. a. a. est lobus sinister; b. b. b. dexter; c. eminentia, porta dicta; d. vesicula fellis; e. vena umbilicalis; f. vena portarum; g. venae portarum sinus pars dextra; h. sinistra; i. huius regio ampliata, ramos ad sinistrum lobum spargens et venam umbilicalem recipiens; k. canalis venosus; l. l. vena caua inferior; m. locus, ubi accedunt emulgentes; n. truncus venae cauae inferioris; o. pars auriculae sinistrae; p. saccus eiusdem; q. collectio venarum pulmonalium dextri; r. sinistri lateris; s. pars sinistri ventriculi cordis.

Figura 75. vterum ex femella horum gemellorum ea facie, qua recto intestino incumbit, sistit. a. est corpus uteri; b. b. b. eius cornua seu tubae Fallopianae, mirae longitudinis et crispaturae; c. c. corpus glandulosam substantiam referens et locum ovarii occupans, dextri lateris; d. d. idem sinistri lateris, paullo magis extensum, ut magnitudo eius clarius appareat; e. portio intestini recti; f. vesicae urinae.

Supplementi loco huic tabulae adieci icones quarundam partium canalis intestinalis ex illo foetu perfectio, qui 10. priores tabulae I. figuras suppeditavit, quum exactam earum delineationem reperire haud potuerim, mentionem tamen earum in sequentibus facere coactus fuerim.

Figura 76. monstrat portionem intestini ilei. a. a. a. est ipse intestini canalis; b. b. b. portio mesenterii, tractum hunc colligans, ubi ex numero punctulorum, tot glandularum corpuscula repraesentantium, concludi potest ad frequentiam harum glandula.

dularum, aegre in adultis, ob copiam plerumque pinguedinis, detegendarum.

Figura 77. nexum intestini ilei cum caeco adumbrat. a. a. portio intestini ilei; b. intestinum caecum; c. c. huius processus vermiformis; d. d principium intestini coli.

Figura 78. eundem exponit horum intestinorum nexum, sed ab altera facie, vt caeci intestini capacitas et processus vermiformis in conspectum veniant. a. a. portio intestini ilei; b. b. intestinum caecum; c. c. huius processus vermiformis; d. d. d principium intestini coli.

Et haec sunt, Vir celeberrime, quae, in his partibus perscrutandis occupatus, obseruare haecenus potui. Corollaria autem, quae ex iisdem praecipue notari uelim, sequentia sunt.

I. Vena umbilicalis sinistriorem iecoris partem ingreditur. (a) Ab hac sententia CASSERII repraesentatio (b), notante cl. MORGAGNO (c), quidem recedit; an vero unquam natura cum illa consentiat, valde dubito: praeter enim, quod ipse MORGAGNVS et plures ab eodem excitati aliiq̃ue contradicant, figurae CASSERII ordinem nimium immutatum (d) sistunt. VESLINGII iconem (e), a laudato

F

MOR-

(a) Vid. Tab. I. fig. 1. Tab. II. fig. 22, 23. Tab. III. fig. 39. Tab. IV. fig. 55. 56. Tab. V. fig. 71. 72. 73. 74.

(b) Ad SPIGEL. de hum. corp. fabrica Tab. 8. L. VIII. fig. 1.

(c) Aduers. anat. I. p. 24.

(d) Secundum primam figuram eminentiae, portae dictae, latus sinistrum (in situ scilicet naturali, ubi concaua et inaequalis iecoris facies inferiora seu interiora respicit) occupat vesica fellis, ideoque adhaeret lobo iecoris minori seu sinistro, ventriculo incumbenti, quod naturae legibus aequae contrarium est ac communicatio venae umbilicalis cum ramis venae portae per maiorem iecoris lobum seu dextrum distributis: et quando ambitum vtriusque lobi dimetitur, sinister dextro maiorprehenditur, quemadmodum etiam ad normam secundae figurae ramum

tum

MORGAGNO (a) tanquam communi obseruationi pariter contrariam, excitatam, ego quidem talem non inuenio (b).

II. *Salcus iecoris, quem ingreditur vena umbilicalis* (c), *variat*. Quandoque ille per totum tractum suum canalem dimidium, seu sulcum format (d), interdum idem vel totus (e), vel saltem principio suo efficit integrum canalem (f);

utrum-

tum portae tum cauae venae per sinistrum ac semper minorem lobum distributi, illos dextrum lobum percurrentes spatio, quod describunt, multum superant; truncus praeterea venae cauae inferioris in vtraque figura simul in ea directione repraesentatur, quam ille tenet a superna iecoris facie consideratus, quae omnia satis declarant, aut conformationem harum figurarum irregularem, aut, quod mihi probabilissimum, chalcographi, figuras invertentis, errorem: eadem enim figurae in aueria folii parte transparentes naturali ordini optime respondent.

(e) *Syntagm. anat. tabula capitis 4. fig. 6.*

(a) *L. c.*

(b) Nexus totius systematis depicti ostendit, propagines venae portae, per iecur distributas, ita repraesentatas esse, quales illae se sistunt concaua iecoris parte superiore locum occupante, et tunc ramus venae portae, vel potius sinistra pars sinus, cui appingitur vena umbilicalis, omnino dextrum respicit latus, ut nostra quoque figura 1. tab. I. fig. 23. tab. II. fig. 39. tab. III. fig. 56. tab. IV. fig. 73. et 74. tab. V. exhibet. Haec etiam comprobatur figura 5. eiusdem tabulae Veslingianae, quae itidem venam umbilicalem sinistrorsum ingredientem monstrat.

(c) SPIGELIO, GLISSONIO, HEISTERO, aliisque vocatur *fissura hepatis*, a BIANCHI vero *sinus hepatis maior*.

(d) Qualem sistit tab. III. fig. 39. et BIANCHI *historiae hepaticae* tab. II. eiusque explicatio p. 894.

(e) Tab. V. fig. 73. c.

(f) Qualem indicat tab. I. fig. 1. ** sed dissectum; adhuc cohaerentem vero *commmerc. litt. A. 1733. hebdom. L. p. 393.* et tabulae additae III. fig. II. †.†.

utrumque etiam annotavit WINSLOW (a). Ceterum vsum huius sulci, ad mentem clar. D. D. BERNH. SIEGFR. ALBINI, bene indicavit HERMANNVS BERNHARD (b), dum scribit: „*primum autem decurrit vena umbilicalis sub hepate, utpote sub quo oritur,* (potius terminatur). „*Ibique in hepate sinus primum oblongus, per quem decurrit, factus, ne hepatis moles eam comprimeret. Illeque sinus amplior est, quam venae requirit magnitudo: quo fit, ut hepar situm suum paullulum mutare possit, ut mutat varia inclinatione corporis, nec tam men premat venam. Dein pergit per fissuram, quam unam habet hepar hominis in imo tenui margine suo*“ (quaeque nil aliud est, quam alterum extremum praedicti sinus seu sulci, ad oras superioris quoque faciei iecoris paullulum insculptum) „*atque hoc etiam factum est, ut liberior sit ab omni pressione,*“. Parem vsum illos quoque habere sulcos, qui sinum venae portarum et canalem venosum, itemque truncum venae cauae inferioris excipiunt, facile intelligitur.

III. *Venae umbilicalis simplex ordinarie truncus suo orificio in ipsum sinus venae portarum extremum sinistrum hiat, et rami ex vena umbilicali, proprie sic dicta, iecur ingredientes dantur nulli* (c). Optime ergo celeberr. HEISTERVS (d) contra VERHEYENVM aliosque, qui venam umbilicalem cum venoso canali confuderunt, sustinet, *venam umbilicalem unico extremo, non duplici, hiare in solum sinum venae portae, etsi locus insertionis, quem depingit, a nostris schemati-*

F 2

smis

- (a) *Exposition anatomique de la structure du corps humain. p. m. § 29. §. 256.*
 (b) In Dissertatione sua inaugurali de eo, quo differt circuitus sanguinis foetus ab illo hominis nati, Lugd. Bat. 1733. ventilata p. 8.
 (c) Conf. tab. II. fig. 22. 23. tab. IV. fig. 55. 56. tab. V. fig. 74.
 (d) Ephem. N. C. cent. V. et VI. p. 236. seqq. et in explicatione fig. 12. tab. III. compend. anat. edit. 1732. tom. II. p. 168. lit. K,

smis paululum recedat. Eos, qui ramos venae vmbilicali adscribunt, cl. MORGAGNVS (a) ne quidem responsione dignos aestimauit; attamen confusio facile oritur, nisi ampliata regio partis sinistrae sinus venae portarum a vena vmbilicali probe distinguatur et obseruetur, ramos laterales, venae vmbilicali adscriptos, esse eosdem, per quos sinus venae portae cum iecoris lobo sinistro semper communicat (b), eosque post venae vmbilicalis abolitionem remanere.

IV. *Communicatio inter venam vmbilicalem et sinum venae portarum libera est ita, ut sanguini ex vena vmbilicali in sinum venae portarum fluenti, et ex hoc sinu in venam vmbilicalem refluenti, nullum positum inueniatur obstaculum.* Vidi quidem ad ostium venae vmbilicalis paruam quandam eminentiam (c) speciem alicuius productionis valvulosae prae se ferentem, sed haec non adeo eleuata deprehendebatur, ut sanguini transfluenti obstaculum parare posset; neque hoc ipsum eminentiae alicuius vestigium semper conspicuum erat (d). His si iungitur situs praedicti sinus superior, venae autem vmbilicalis inferior; si porro additur vis sanguinis vmbilicalis ex cursu per longam viam debilis, quaeritur ex naturae mystis, qua ratione sanguis venae vmbilicalis propellatur, ut a sanguine ex vena portae affluente in ascensu suo non impediatur? et an pulsus artiarum vmbilicalium, venae per totum funiculi decursum accumbentium, ad hoc negotium perficiendum sufficiat?

V. Por-

(a) l. c.

(b) Vid. tab. I. fig. 1. i. i. tab. II. fig. 22, 23, f. f. f. f. tab. IV. fig. 55, 56. c. c. c. c. tab. V. fig. 74. i.

(c) Tab. I. fig. 1, f. f. fig. 17. d.

(d) Vid. tab. III. fig. 39. Eodem modo se habebat paries internus illius tab. IV. fig. 55. a. delineatae, quem vero icone repraesentare superuacaneum duximus.

V. *Portarum venae truncus, cum iecore communicans, nullos format ramos, sed peculiarem sinum transversum, in cuius quasi medio, dextro extremo tamen propinquiore, hiat* (a). Male ergo EVSTACHIVS (b) venam portarum in tres ramos, per iecoris substantiam dispersos, dilineat diuisam. Neque intelligo cl. HALLERVM, quando affirmat: „*vena portarum non medio sed extremo sinui transverso inseritur*:“ quod quidem posset notari in figura Heisteriana, (c). Ipsa figura Heisteriana, supra num. II. excitata, finem trunci venae portarum dextro sinus extremo nimis propinquum potius appingit, quoad differentiam quoque diametri horum vasorum alia declarat; sed forte superest, aliqua notari variantia. Qui usum venae portarum, quem corporis nostri oeconomiae praestat egregium, vel morbos etiam in confiniis eius nidulantes, clare perspicere satagit, praedictum sinum cum primis et thecam eius nerueam, GLISSONIO capsulam dictam, exacte cognoscat necesse est, de quibus alia forsan occasione opportuniore plura. Interim, qui mutationem, quam sinus saepius memoratus, praesertim pars eius sinistra, post partum subit, nosse desiderat, ad cl. IOANNEM BAPTISTAM BIANCHI (d) ablegatus esto.

VI. *Diameter venae portae* (e) *illa venae umbilicalis* (f) *multo minor est; diameter vero amplioris regionis partis sinistrae sinus venae portarum utramque vel superat* (g), *vel huic*
F 3 *aequa-*

- (a) Vid. tab. II. fig. 22. 23. a. b. c. d. e. tab. IV. fig. 55. 56. d. d. e. g. tab. V. fig. 74. f. g. h. i.
(b) Tabular. anat. XXVII. fig. I.
(c) Vid. *Commerc. litt. A* 1735. *bebd. XIV. p.* 107.
(d) loco num. II. cit. tab. II. et VIII. fig. 1. 2.
(e) Tab. I. fig. 7. a. tab. II. fig. 22. 23. a. tab. IV. fig. 55. 56. a. 69. g. tab. V. fig. 74. f.
(f) Fig. 7. e. fig. 22. 23. g. fig. 55. 56. g. 69. c. fig. 74. e.
(g) Fig. 7. d. fig. 22. 23. d.

aequalis, (a) vel denique eadem perparum tantum minor est (b); et diameter canalis venosi (c) omnium harum minima deprehenditur. Sanguis porro venae portae, aequae ac umbilicalis, tam lente fluit, ut miscela utriusque in ampliore sinus regione sine turba fieri possit. Proportio diametri vasorum annotata rationes quasdam manifestare videtur ad quaestionem, supra num. III. propositam, solvendam: diameter enim d. fig. 7. et 69. tantum facile capit, quantum a. et e. fig. 7; quin imo c. et g. fig. 69. suppeditant. Licet namque diameter sinistrae partis ampliatae sinus venae portarum parumper minor quandoque sit diametro venae umbilicalis, et adhuc magis addita venae portae diametro; attamen magna pars sanguinis ex vena umbilicali aduenientis per ramos e. e. e. e. fig. 22. 23. c. c. c. c. fig. 55. 56. iam abscedit, et maior portio illius sanguinis, quem vena portarum affert, ad dextram sinus partem ablegatur. Miscelam omnino utriusque huius sanguinis hic fieri, neque sanguinem venae portarum, partem sinistram sinus sui ingressum, a solis ramis ad iecoris substantiam excurrentibus; neque illum venae umbilicalis a canali venoso tantum excipi, ut communis fert opinio (d), non solum situs horum canalium (e), sed etiam diameter illorum declarat. Quum autem canalis venosus non omnem sanguinem, quem vena umbilicalis affert, imo ne quidem maximam eius partem capere queat; haec ipsa porro immediate quidem cum sinu venae portarum, non autem cum vena caua, communi- cet

(a) Fig. 74. i.

(b) Fig. 55. 56. b. fig. 69. d.

(c) Fig. 7. f. fig. 22. 23. h. fig. 55. 56. h. fig. 69. f. fig. 74. k.

(d) Conf. MORGAGNI l. c. p. 24.

(e) Conf. HEISTERVS Ephem. N. C. cent. V. et VI. p. 241. et WINSLOW l. c. p. 536. §. 306. seq.

cet (a): haec dispositio indicare videtur, se non solum nutritus caussa esse factam, licet sanguis, quem vena umbilicalis affert, chylosis seu nutrientibus particulis mixtus ab omnibus, nec sine ratione, habeatur. Quum praeterea sanguis venae portae tanquam bilis secernendae fons primarius agnoscatur, eiusdem autem radices plurimae ex parietibus ventriculi intestinorumque originem sumant, neque, non obstante ductu thoracico inuento, eo usque, ut nulli dubitationi locus superfit, euiusmodi reperiatur, osculis harum radicum lateralibus nullam plane cum chylosa, quam ventriculus et intestina digerunt, substantia communionem esse; oleosa potius bilis natura copiosas chyli particulas butyraceas exposcat: rationi non adeo contrarium videtur, ad bilis praeparationem requiri portionem chyli largam. Quum insuper bilis usus ad omnes oeconomiae animalis actiones recte conservandas valde reputetur necessarius (b), non minor ille erit in iisdem adornandis. Quum etiam in foetu non solum vesicula bilis satis turgida, verum etiam meconium a bile largissime tinctum observetur: abundantia bilis in foetu inde facile colligitur. Quum vero chylosis in foetu nascendo non eadem vbertate ac in nato precedat, ideoque venae mesentericae neque immediate ex ipso intestinorum tractu debitam chyli portionem hauriant (c), neque

(a) Notari hic velim haec PETRI DIONIS *anatom. C. H. Genev. a. 1696. editae p. 145. verba*: „*Arteriae maternae quandam sanguinis copiam ad placentiam convehunt, qui in hanc infusus ab umbilicalis venae ramis excipitur, per quos in venam portae transmittitur, ut per substantiam hepatis foetus filtraretur priusquam infuset in venam ca-*“
“*nam &c.*“

(b) Vid. *Commerc. litt. A. 1735. hebdom. XV. p. 116. seqq.*

(c) Mens mea quidem non est, venas melaraicas in homine ac animalibus quadrupedibus chylum absorbere eadem ratione, quam veteres, antequam

que etiam eandem, mediante circuitu communi, ab arteriis mesentericis (non omnem enim chylum ex primo statim per pulmones transitu sanguini assimilari, omnes, experientia teste, consentiunt) recipiant: colligere inde licet, bilis materiem in foetu aliunde augeri. His omnibus probe ponderatis quaeritur, annon miscela chylosi sanguinis, per venam umbilicalem aduecti et cum sanguine venae portae foetus mixti, bilis praeparationem adiuuandam simul pro scopo habeat?

VII. *Canalis venosus eodem in loco venae cauae inferiori implantatur, ubi huius rami ex iecore accedunt.* Tres ut plurimum vidi ramos venae cauae notabiles ex iecore prouenientes. Maior (a) ex iecoris lobo minori prodibat, et huius termino a latere posteriori dextroque iungebatur orificium canalis venosi (b); supra hocce hiabat alter ramus (c) diametro paullulum minor, et ex dextro iecoris lobo ortus, quae tria vasa communem constituebant alueum; tertius ramus itidem dextri iecoris lobi soboles, atque intuitu reliquorum capacitate quasi medius (d), trunco venae cauae sub iecoris mole ascendenti (e) accedebat, et vna cum hocce alterum, eumque superiorem, formabat alueum

quam vasa lactea satis innotuerunt, tradiderunt, vel quam in animalibus pennatis fieri hodiernum omnes consentiunt: id tantum ponderandum commendo, quum venarum mesaraicarum in ipsum intestinorum cauum hiatus (conf. quae celeberr. HEISTERVS in comp. anat. Tom. II. p. 59. not. 11. ex obseruatione cel. ALBINI commemorat) ad oculum demonstrari queat, annon eadem aliquam chylosae massae portionem, pari modo ac reliquae venae absorbentes liquidum obuium, recipiant.

(a) Tab. III. fig. 40. k. tab. IV. fig. 55. 56. l. i. i. 63. b.

(b) Fig. 40. i. 55. 56. h. 63. a.

(c) Fig. 40. l. 55. 56. k. 63. c.

(d) Fig. 40. m. 55. 56. l. 63. d.

(e) Fig. 40. n. 55. 56. m. 63. e.

um communem, alteri quasi aequalem. Ambo hi aluei (nomine hoc vti paullisper liceat) sua coniunctione demum efficiunt inferioris venae cauae truncum proprie sic dictum.

VIII. *Valuulae principio et fini canalis venosi appositae* (a) *ascensum sanguinis ex sinu venae portae ad venae cauae inferioris truncum supra iecur efformatum faciunt, nec non ad canalem hunc post partum occludendum faciunt* (b). Num hae productiones membranaceae, circa vtrumque huius canalis orificium conspicuae, nomen verae valuulae mereantur nec ne (c), litem nulli mouebimus, sufficit indicasse, vtrique huius canalis orificio praefixas esse partes, quae sanguinem transeuntem dirigunt. Illa ad orificium inferius obuia (d) sigillatim, vt videtur, succurrit sanguini per canalem venosum perpendiculariter ferme propellendo; altera vero superioris ostii (e) facit, ne sanguis ad cauam usque venam propulsus ab illo, per ramos huiusce ex iecore prouenientes transfluente, in vltiori cursu suo impediatur. Post partum hae ipsae valuulae, vnacum tunicis canalisi sui rigidiores factae, orificia tanto citius stringere valent (f).

IX. *Venae coronariae valuula nihil aliud est, quam latus canalisi sui exterius, in cavitatem usque auriculae dextrae prolongatum.* Valuulam hanc, cornutae lunae in modum, figuris iam exposuit immortalis memoriae anatomicus EV-

G

STA-

- (a) Tab. I. fig. 1. m. n. fig. 2. c. fig. 8. e. fig. 18. d. fig. 19. f. tab. IV. fig. 63. a. fig. 64. b.
 (b) Conf. *Commerc. litt. A.* 1733. *hebd. L. p.* 393. vbi hae valuulae nondum obseruatae desiderabantur.
 (c) Quo caractere WINSLOW veram valuulam designet, inferius pluribus exponendi occasio comoda erit.
 (d) Fig. 1. m. fig. 18. d. fig. 19. f. fig. 64. b.
 (e) Fig. 1. n. fig. 2. c. fig. 8. e. fig. 63. a.
 (f) Conf. tab. III. fig. 39. o; fig. 40. i.

STACHIVS (a); eidemque insignem vsum tribuit illustr. LANCISIUS (b). Valuulam peculiarem ego quidem inuenire haud potui, orificium vero venae coronariae ita conformatum deprehendi, vt ipsum valuulae officio optime fungatur omnique regurgitationi viam praecludat. Vidi scilicet venam coronariam, auriculam dextram ingressam, ita semper excurrentem, vt canalis sui latus anterius paulisper (in aliis per longiorem (c), per breuiorem in aliis (d) tramitem) promineat, seu potius, vt latus huius venae externum, quod circa basin cordis externe (e) obseruatur, in ipsam vsque dextrae auriculae cauitatem perducatur. Ita conformatum orificium a cauo auriculae repleto, eadem ratione ac hiatus vreterum, ope internae membranae nerueae, a repleta vesica urinaria, clauditur.

X. *Valuula Eustachii* (f) et in foetu et in adultis deprehenditur, atque, vt mihi quidem videtur, sanguinem, in auricula dextra sub eius diastole et systole vario modo agitatam, varia ratione dirigit. Valuula haec dudum a laudato EVSTACHIO depicta (g), sed post eum obliuioni rursus data, a celeberr. WINSLOWIO vero in memoriam reuocata atque vltioribus disquisitionibus illustrata est

(a) Vid. eiusd. *tabular. anat. VIII. fig. VI. et tab. XVI. fig. III.*

(b) In tract. *de motu cordis*, quem ipse allegat in explicatione excitatae tabulae XVI. Eustachianae; illum vero ad opera eiusdem pertinere nondum edita, ex MANGETI *bibliotheca scriptorum medicorum* colligimus.

(c) Vid. tab. II. fig. 36. n. n. fig. 37. h.

(d) Vid. tab. IV. fig. 58. o. fig. 60. f.

(e) Conf. tab. IV. fig. 56. v. fig. 61. t.

(f) Tab. I. fig. 8. h. h. 11. f. 12. e. 20. i. i; tab. II. fig. 25. i. 28. k. 36. 37. g. g tab. III. fig. 40. e. 41. c. c; tab. IV. fig. 58. fig. 59. b. 60. e.

(g) vid. eiusdem *tabular. anatomicar. VIII. et XVI. et conf. celeberr. HEISTERI compend. anatom. Tom. II. p. 128.*

est (a). Non superuacaneum erit potiora ex commentariis laudati WINSLOWII hic recensere, iisque leues nostras observationes subiungere. Ipsam huius valvulae descriptionem his concinnauit verbis (b): „Des observations reiterées m'ont appris, que nôtre valvule est disposée à peu près comme celle des veines, en maniere de croissant, dont la concavité est en haut, et la convexité en bas. Une de ses cornes se termine entre l'orifice de la veine coronaire et l'extrémité antérieure de l'arcade charnue de la cloison des oreillettes, la quelle arcade de forme en partie l'ouverture appelée trou ovale dans le foetus; l'autre corne aboutit entre l'extrémité postérieure de cette arcade et le bord voisin de l'oreillete droite. Le reste de la valvule est presque demi-circulaire et attaché intérieurement à la paroi antérieure de la veine cave inférieure. Elle n'est pas toute membraneuse, quand elle est dans son entier, car depuis environ les deux tiers de sa largeur jusqu' au bord qui flotte, elle devient comme fibreuse, et forme un beau reseau, ce qui m'avoit donné occasion de l'appeller reticulaire; Elle est forte-

G 2

eten-

- (a) In *Act. Acad. Reg. Scient. Paris. a. 1717. p. 272-291. et a. 1725. p. 36-38.* vbi praefertim experimenta, quae cel. D. DUVERNEY circa hanc valvulam instituit, a WINSLOWIO recensentur. Conf. cel. HEISTERVS *l. c. T. I. p. 112. T. II. p. 128.* Hanc ipsam valvulam in castore quoque obseruauit Autor observationis, quae legitur in libro, cui titulus: *Description anatomique de divers animaux dissequez dans l' academie Royale des Sciences etc. à Paris 1682. (conf. commerc. lit. A. 1735. hebdom. LI. p. 408.)* qui liber, Anglico idiomate ab ALEXANDRO PITFEILD donatus Londini quoque 1688. in folio prodiit sub titulo: *memoirs for a natural history of animals etc.* et contenta eiusdem, in Latinam linguam versa, continet *Amphitheatrum zootomicum* MICH. BERNH. VALENTINI Francof. ad Moen. a. 1720. in folio editum. Miratus autem sum, me in WINSLOWII expositione anatomica H. G. nullam huius valvulae inuenire potuisse mentionem.

- (a) p. 277.

„étenduë, de sorte qu'étant voutée, elle s'applique sur la cloison
 „des oreillettes près la base du coeur, et ainsi couvre l'orifice de la
 „veine-cave inferieure,, i. e. ex reiteratis obseruationibus di-
 „dici, valvulam hanc eadem ferme ratione dispositam esse, ac ve-
 „narum valvulas, in modum lunae cornutae, cuius concavitas su-
 „periora, convexitas vero inferiora respicit. Alterum eius cor-
 „nu terminatur inter orificium venae coronariae et extrema-
 „tem anteriorem carnei fornicis septi auricularum, qui fornix ex
 „parte format hiatum in foetu foramen quale dictum. Alte-
 „rum cornu desinit inter extremitatem huius foraminis postero-
 „rem et marginem vicinum auriculae dextrae. Reliquum val-
 „vulae ferme semicirculare atque interius parieti anteriori venae
 „cauae inferioris annexum est. Valvula haec, in statu suo inte-
 „gro, tota membranacea non est: a duabus enim circiter latitu-
 „dinis suae partibus tertiis usque ad marginem suum fluctuantem
 „fibrosa quasi redditur et pulchrum constituit recte, unde occasio-
 „nem nactus sum, reticularis nomine illam insigniendi. Eadem
 „largiter expansa est ita, ut arcuata super septum auricularum,
 „prope basin cordis, se applicet, ideoque venae cauae inferioris ori-
 „ficium obtegat. Cum omnibus his obseruationes nostrae con-
 „spirant, nisi quod marginem eius reticularem nondum ob-
 „servare potuerimus, sed planum, et, ut in reliquis valvu-
 „lis sigmoideis, simplicem, licet, monente WINSLOWIO
 (a), eundem in aqua fluctuantem attente considerauerimus:
 sed idem etiam non solum EVSTACHIO, verum etiam ipsi
 WINSLOWIO haud raro obigit (b). Praeter haec idem
 addit (c): „Je remarquai — que je trouvois cette valvule dans
 „son entier dans les plus petits enfans, et fort diminuée dans
 „ceux, qui étoient plus avancés. De plus sa diminution me pa-
 roissoit

(a) p. 278.

(b) vid. p. 277. 278.

(c) p. 279. sq.

roissoit proportionnée à celle du trou ovale, et s'effacer à mesure^{ce} que ce trou se ferme; et quand je l'ai trouvée dans les adultes,^{ce} j'y ai aussi trouvé la cloison des oreillettes percée.,, i. e. Annotavi — me valuulam hanc in integro statu deprehendisse in infantibus tenerioribus, valde vero imminutam in illis aetate pro-nectioribus. Insuper diminutio eius proportionate respondere videbatur illi foraminis ovalis, atque aboleri ad mensuram, qua foramen illud clauditur; et quando illam in adultis inueni, in illis etiam septum auricularum peruium deprehendi. Ex hac valuulae huius et foraminis ovalis aequali conformatione suspicio eidem orta est, valuulam hanc relationem quandam habere ad circulationem sanguinis in foetu peculiarem, et in his usum eius esse quaerendum, quam probabiliorem redidit eiusdem valuulae dispositio: sic enim pergit (a) „Ce soupçon paroît même favorisé par sa disposition, puis-que lorsqu'^{ce} elle est vouée contre le bas de la cloison des oreillettes, elle forme une cavité, ou une espèce de cul de sac, dont l'ouverture^{ce} regarde celle, qu'on nomme communément trou ovale; et qu'étant^{ce} ainsi appliquée, elle peut non seulement empêcher le sang de la^{ce} veine-cave supérieure de trop heurter contre celui de l'inférieure, comme Mr. LANCISI l'a fort bien remarqué, mais qu'elle^{ce} le peut encore empêcher le même sang aussi bien que celui de la^{ce} veine coronaire, et celui qui pourroit s'échapper par le trou ovale d'entrer dans la veine cave inférieure; et enfin, ce qui mérite le plus d'attention, celui de cette dernière veine d'y retomber, quand il a passé la valvule.,, i. e. Quin imo suspicioni huic fauere videtur eius (valuulae) dispositio, dum enim eadem septi auricularum inferiora versus arcuatur, format cavitatem quandam seu sacculi speciem, cuius apertura respicit illam, quae foramen ovale communiter dicitur, et hunc in modum applicata illa non solum impedit, quo minus sanguis venae cauae superioris

rioris nimio impetu arietet cum sanguine per inferiorem ascen-
dente, quemadmodum D. LANCISIVS optime annotavit (a) sed
etiam ne idem sanguis, aequè ac ille venae coronariae, itemque
ille, qui per foramen ouale accedere posset (b), ingrediatur venam
cauam inferiorem, ac denique, quod praecipue notandum, ne hu-
iusce venae sanguis, valuulam hanc supergressus, in eandem re-
labatur. Hanc valuulae huius functionem sub finem (c) ita
repetit: „attendu qu'elle se trouve avec son étendue entiere
„dans le foetus et dans les petits enfans plus ordinairement à
„proportion, que dans les grands et avancés en age, elle pa-
„roit être nécessaire pour empêcher, que le sang des deux oreille-
„tes -- -- ne regorge dans la veine caue inferieure etc., i. e.
sub expectatione, illam (valuulam Eustachii) cum expansione
sua integra magis ordinarie in foetu atque infantibus teneris
quam in adultioribus obuiam fieri, necessaria videtur, ne san-
guis utriusque auriculae -- -- ad venam cauam inferiorem re-
gurgitet etc. Sententiam de perfectione huius valuulae foe-
tui propria eiusdemque in adultis abolitione, Auctor ipse-
met mutavit (d), dum contrarium in compluribus praepara-
tis a D. DUVERNEY productis inuenit, quare etiam, quae
de usu huius valuulae in foetu peculiari proposuit, dimittens,
ingenue fatetur, se nihil inuenisse, quod sibi satisfaceret.
In adultis hanc valuulam superesse, imo proportionem cum
reliquis partibus accrescentibus seruare, vbi vel nullum
etiam foraminis ovalis reliquum est vestigium, Tab. II. fig.
36. et 37. manifeste quoque exponunt, et ego autopfia
pluries edoctus confirmare possum. Quod ad usum eius
attinet, ex situ et tota eius conformatione valde probabile
mihi videtur, illam vtilissimum esse septum peculiare inter fan-

(a) In explicatione tab. XVI. Eustachii supra excitatae.

(b) Scilicet ex sinistra auricula, de qua WINSLOWII sententia mox plura.

(c) p. 290.

(d) Vid. Acta Acad. Reg. Scient. Paris. A. 1725. p. 38.

sanguinem ex vena caua inferiore affluentem et illum in auricula dextra superstitem. Quando consideramus cor in situ suo naturali (a), et simul perpendimus, quae, dum idem mouetur, contingunt, haec magis patebunt. Scilicet dum cordis ventriculi se aperiunt, tunc sanguis in auriculis contentus non solum proprio nisu ad ventriculos descendit, verum etiam per vim contractilem auriculis propriam propellitur; neque tamen ex hac auricularum in sanguinem contentum actione repulsio ad venas, quae illum suppeditarunt, contingit, quia non solum ventriculorum situs venis inferior est, adeoque non venis, sed ventriculis, moles sanguinis incumbit hosque relaxatos proprio nisu occupat, sed et quia, accedente etiam auricularum contractione, actio haec venas non aequae vacuas offendit ac quidem ventriculorum cavitates, ideoque illuc versus agit, vbi minor est resistentia. Interim non negamus, tunc valuulam Eustachii (b) ad ostii venae cauae inferioris partem anteriorem accedere, illique pro munimento ex parte esse, ostium vero venae cauae superioris pari auxilio minus indigere (c), quum sanguinis recta via ex illa descendens
gra.

(a) Quem aliquo modo tab. II. fig. 22. 36. tab. IV. fig. 55. indicant.

(b) Conf. tab. II. fig. 36. m. m.

(c) Nuper admodum D. D. IO. GVIL. ALBRECHT paradoxa prorsus annotavit in *paraenese ad artis medicae cultores*, dum duorum cadauerum masculinorum sectionem anatomicam in noua Gottingensi Academia Regia primam obiret, habitad. XII. Decembr. 1735. Postquam enim haecenus descriptam EVSTACHII valuulam in dubium vocauit, aliam, venae cauae superioris ostio appositam, ita describit: „iam“ vero vos omnes, eximii diligentia iuuenes, testes habeo, postquam“ anteriorem sinus venosi dextri partem dissecauissem, e regione auri.“ culae, eo praecise loco, vbi vena caua superior a iugulo descendens“ in istum sinus terminatur, vobis me demonstrasse valuulam membra.“ naceam, dimidium pollicem latam, a parte superiori, vbi dicta vena“
„sinus“

grauitas sola magis adhuc resistere valeat. Coronariae denique venae ostium, in auricularum contractione pressum, ipsummet suam aperturam claudit. Dum vero ventriculi vicissim constringuntur, auriculae vero relaxantur, tunc sanguini in venis haerenti accessus quidem paratur, simul tamen portio aliqua illius sanguinis, qui ex praecedenti intra cauum valvularum tricuspidalium dextri atque mitralium sinistri ventriculi haeret, sursum auriculam versus ab iisdem valuulis leuatur: scimus enim, has valuulas tunc, quando ventriculi aperti sunt, infundibili speciem referre (a); tunc vero, quando ventriculi constringuntur, sursum premi, vt orificium illorum claudant et sanguini in ventriculos illapso viam regressus praeccludant. Hac ipsa vero situs harum valvularum mutatione fieri nequit, quin portio illa sanguinis, quam ambitus illarum capit, simul cum illis eleuetur. Quo minus ergo haec portio sanguinis sursum pulsa sanguinem ex vena caua inferiore accedentem turbet, potissimum inhibere

„sinui iungitur, ita sua accretione versus basin cordis descendentem, „vt cum hac angulum fere rectum faceret, fibra tendinosa ad modum tri- „cuspidalium, bifurcata, cuius simplex portio valvulae limbo libero ob- „lique, diuisae vero et inferiores extremitates insertae erant basi cor- „dis, versus venam cauam inferiorem spectanti, instructam: quae ex- „plicata maximam partem aperturae, qua vena caua superior in „sinum patet, ita claudebat, vt pars eius conuexa superiorem cauam, „concaua vero ipsum sinum respiceret.„ Vsum huius valvulae nouae esse adstruit, impedire sanguinis regressum ex sinu in venam cauam superiorem, eo momento, quo, corde contracto, cruor in sinu accumulatur etc. ceterum vero ipse nondum asserere audet, num haecce functio designata vera et unica sit, numque ipsa valvula semper et ubique sibi similis reperiatur. Tandem illi visum est, hanc sic structam valvulam in EVSTACHII iam tabulae XVI. fig. III. tribus designari lineis. Sed haec aliis diiudicanda relinquo.

- (a) Siftit haec aliquo modo tab. III. fig. 45. conf. eiusdem figurae explicatio,

hibere videtur valuula Eustachii, quae ab incumbente sanguine, ex vena caua inferiore affluente, expanditur, idque facile in auricula maxima ex parte vacua. Quod ad sanguinem ex vena caua superiore descendentem attinet, quemadmodum in brutis tuberculum Lovveri (a), ita in homine eleuata regio (b), ostium venae cauae superioris et inferioris intercedens, illum sinistrorsum magis per regionem depressam seu concauam (c) deflectere videtur, ita vt neutrius cursus cum altero arietare possit. Quemnam usum valuula Eustachii foetui singulariter praestare possit, mox etiam explicabimus, ceterum adhuc notamus, pro valuulae huius in subiecto recenti inuestigatione non opus esse laboriosa, quam celeberr. WINSLOWIVS docet (d), administratione, sed illam auricula dextra tantum aperta (ita tamen, vt sectio venae cauae inferiori haud nimis propinqua sit) optime in conspectum venire.

XI. *Usus foraminis ovalis atque canalis arteriosi hic mihi probabilis est, quod utriusque hiatus impediat, quo minus omnis sanguis, ad auriculam dextram eiusque ventriculum delatus, pulmones in foetu otiosos permeare cogatur; membranae vero foramini ovali praefixae, quod in foetu communicationem inter utramque auriculam dirigat, et post partum, plenaria plerumque sua cum septi parte anteriore concretionem, memoratam communicationem tollat; productionum denique utrique orificio canalis arteriosi appositarum, quod pariter sanguinem transfluentem aliqua ex parte dirigant, et post partum canalis arteriosi obliterationem inuenit.* Circuitum sanguinis, verum perpetui nullaque arte imitandi mobilis specimen, a pulmonum motu, quam primum illi respirationis negotium suscipiunt, mul-

H

tum

(a) Tab. II. fig. 33. c.

(b) Tab. II. fig. 28. p. 36. g. tab. IV. fig. 58 l. 60. i.

(c) Tab. II. fig. 28. q. 36. h. h. tab. IV. fig. 58. m. m. 59. h. 60. k. k.

(d) Act. Academ. Reg. Scient. Par. a. 1717. p. 274. seq.

tum adiuuari, imò totam sanguinis massam, ob plurimas causas (quas hic recensere a scopo alienum est); pulmones necessario transfluere, nemo hodie dubitat. Adsunt ergo in corde cavitates, auricularum atque ventriculorum nomine notae, quae sanguinis portionem recipiunt eandemque rursus expellunt; adsunt praeterea vasa, vena caua vtraque, pulmonalis atque coronariae, quae memoratam portionem cordis cavitatibus suppeditant; adsunt alia vasa, arteria pulmonalis, aorta atque coronaria, quae eandem ex cavitatibus cordis recipiunt. Sanguis itaque per venam cauam superiorem et inferiorem ad cor refluus in diastole seu dilatatione auriculae dextrae eius cavitatem occupat, et, subsequente ventriculorum diastole, dextrum illorum illabitur, ex quo, superveniente ventriculorum systole seu constrictione, dum valvulae tricuspidales, orificium huius ventriculi circumsepientes, regressum impediunt, ad arteriam pulmonalem propellitur. Haec, quum eius ostium tribus valvulis sigmoideis ita instructum sit, ut sanguinis accepti relapsum impendant, eundem ad utrumque pulmonum lobum protrudit, unde per venas pulmonales ad auriculam sinistram reuenit, eamque vna cum sacco eiusdem eodem auricularum dilatationis momento, quo sanguis ex vtraque vena caua accedens dextram replet auriculam eiusque saccum, occupat, et postea, dum in ventriculorum diastole auricula dextra sanguinem suum ventriculo dextro committit, ad sinistrum ruit ventriculum, unde, via, per quam aduenit, a valvulis mitralibus praeclusa, in systole ventriculorum eodem tempore, quo sanguis ille dextri ventriculi pulmonalem ingreditur arteriam, hic aortam permeat, et, a tribus valvulis sigmoideis huius ostio pariter praefixis retentus, cum omnibus totius corporis partibus communicatur ipsamque substantiam cordis propriam, ope arteriae coronariae, peragrat, indeque partim per utramque venam ca-

uam,

uam, idque vel immediate, vel vena portae mediante, rursus colligitur, partim etiam, et quidem ex propria cordis substantia, vel per venas coronarias, ad auriculam dextram, vel per ductus venosos peculiares ad ipsum vtriusque ventriculi cauum, redit. (a)

Quum vero in foetu, matris hospitium inhabitante, praeter apparatus in corde adulti obuium, non solum amplius hiatus inter vtramque auriculam, foramen ouale nuncupatum, pateat (b), verum etiam arteriam pulmonalem atque aortam vas quoddam insigne, canalis arteriosus appellatum (c), intercedat: hanc ipsam fabricam diuersam peculiari modo iuuare sanguinis circuitum in foetu omnes consentiunt; qua ratione autem hoc fiat, non ab omnibus vno eodemque modo exponitur. GALENVS (d) eam iam stabiliuit sententiam, quod sanguis per foramen ouale ex vena caua ad venam pulmonalem, i. e. ex dextra auricula ad sinistram, transeat; quod foramen ouale membrana quadam operculi loco munitum reperiatur; quodque hoc operculum ita comparatum sit, vt illud ad venam pulmonalem facile resupinaretur, sicque sanguini ex vena caua impetu affluenti quidem cederet, prohiberet autem, ne sanguis rursus in venam cauam reuerteretur. Haec ipsa sententia mechanismo harum partium optime respondere eo quoque tempore iudicabatur, quo sanguinis circuitus vni-

H 2

uer-

(a) Notari hic meretur animaduersio ill. LANCISII, *sanguinem non aequali velocitate ab omnibus partibus ad cor remeare, sed citius vel tardius, pro diuersa viscerum mollitie et motu.* vid. eiusd. anatomica humani corporis synopsis, quae extat oper. Geneuae 1718. edit. Tom. II. diff. II. p. 238.

(b) Tab. I. fig. 8. n. o. p; 9. e. e. f. f; 10. d; 11. k; 12. i; 13. y; 14. f; 20. f.

(c) Tab. I. fig. 1. q; 15. e; 16. d; tab. II. fig. 23. t; 24. h; 29. g; 30. f; tab. IV. fig. 56. a. a; 57. h. h.

(d) De vsu partium L. XV. c. 6.

uersalis atque continuus omnibus patebat (a) ; vñum vero, quem

- (a) Multum iam disputatum fuit, num sanguinis circuitus praeterito de-
mum seculo inuentus, an vero veteribus iam cognitus fuerit. Neque
etiam negari potest, in variis scriptis, tum medicorum tum philosopho-
rum, ante HARVAEVM publicatis hinc inde occurrere momenta,
quae clare monstrant, communicationem inter venas atque arterias
obuiam plures compertam habuisse. Sic clariss. STENZELIVS (*in
dissert. de vestigiis circuli sanguinis apud Hippocratem Vitebm. 1731.
ventilata*) HIPPOCRATEM huius rei latis gnarum fuisse contra
obiectiones, a PITCARNIO cum primis factas, sustinet. Sic cel.
HEISTERVS (*in programmate, quo inquiritur, an sanguinis circu-
lus veteribus fuerit incognitus. Alt. 1714*) ex scholiis ad Hecubam
EVRIPIDIS ex editione BARNESII p. 20. animadversone ad ver-
sum 567; et in editione quadam Basileae 1544. impressa p. 47. ad-
ducit, scholiasten hunc loqui de transitu sanguinis ex arteriis in venas,
itemque de differentia ac diuerso arteriarum venarumque situ, diuer-
sisque earum contentis; PLATONEM etiam in *Timaeo* docere, cor
fontem esse sanguinis, a quo magna velocitate seu impetu per totum
corpus circumpellitur. Sic etiam GALENO anastomosis arteriarum
atque venarum mutua cognita fuit, quid? quod ipse acriter pro ea
disputauit. e. gr. *de usu part. L. VI. c. I. X. XVII. De communione
inter arterias atque venas loquitur porro NEMESIUS, Emissae Epi-
scopus, in libro de natura hominis c. 24. Quam bene sanguinis ex
arteriis in venas transitura eiusque in pulmonibus mutationem, vt et
inde deducendum spirituum animalium ortum, cognouerit MICH. SER-
VETVS, ex libro eius de restitutione Christianismi probatur. Inde
forfan deriuanda sunt, quae PAVLO SARPAE vel SARPIO, Serui-
tae, a THOMA BARTHOLINO (epist. med. cent. I. epist. 26.)
atque IO. NARDIO (*in noct. genial. p. 273*) adiudicantur (conf.
commerc. litt. A. 1733. hebdom. XVII. p. 131. in notis) quaeque RE-
ALDVS COLUMBVS (*de re anatomica L. XI. c. II.*) et ex hoc IO.
VALVERDVS (*anat. corp. hum. L. IV. cap. IX. p. 230. seq. L. VI. cap.
XIV. p. 288. seq.*) ANDR. CAESALPINVS (*quaestion. peripatet.
L. V. c. IV. p. 125. auersa; quaestion. med. L. II. cap. XVII. p. 234. de
plantis L. I. c. II.*) atque CASP. PEVCERVS (*in commentario de
praecipuis generibus diuinationum p. m. 244. b.*) propalarunt (verba
ipsa*

quem GALENVS canali arterioso (a) adscripsit, quod scilicet
H 3 medi-

ipsa excerpta prostant in GE. WOLFG. WEDELII *physiologia medica sect. III. c. XV. p. 141.* et in GOTTL. STOLLENS *Anleitung zur Historie der medicinischen Gelahrheit p. 200. 265. 426*) Neque etiam silentio penitus praetereunda sunt, quae in scriptis AEGIDII GVTHMANNI sub titulo *Offenbahrung Gottlicher Majestaet* editis *L. IV. c. 32. p. 78. seqq.* occurrunt, (conf. cl. STENZELIVS l. c.) quaeque de HELVICO DIETERICO a cel. SCHVLZIO (*in actis Sacr. Secul. Acad. Altorf. orat. VIII. p. 222. seq.*) atque cl. BVRG-GRAVIO (*in Epist. ad GOHLIVM, quae extat in praef. Vol. IX. Decad. II. act. med. Berol.*) annotata leguntur. Qui plura ad hanc controversiam pertinentia nosse desiderat, adeat CHRISTIANI WARLIZII *valetudinarium Senum Salomonaicum etc. p. 133. 135. seqq.* atque autores ibidem excitatos; nec non cl. SCHREIBERVM loco *supra p. 4. lit. a. excit. p. 268. §. 285.* Haec omnia aequa lance ponderata, mirationem excitant, qui fieri potuerit, vt hi ipsi non, prouti GVIL. HARVAEVS, vterius progressi fuerint atque perpetuum et vniuersalem omnium corporis animalis humorum fluxum et refluxum ampla, qua dignus erat, demonstratione exposuerint (conf. IO. FREINDII *historia medicinae, versionis Gallicae p. 93. seq. Latinae a IO. WIGANO adornatae, p. 140. seqq.*): sed oculi plurimorum, perspicacissimis ipsis quandoque non exceptis, praeiudiciis adeo obnubilantur, vt media in luce non semper a lapsu satis sibi cauere possint. Vt taceam antagonistas HARVAEO olim vehementer obloquutos, vnum produco CAECILIVM FOLIVM, qui anatomicus licet a iuuentute sagacissimus ipsaque Haruaeana doctrina (qua sententiam veterum de sanguinis circulatione, obliuioni traditam, reuocatam tantum esse adstruit) iam edoctus, nihilominus transitum sanguinis per pulmones contra COLVMBVM negauit, illumque, qui ad mentem GALENI per foraminula septi fit, propugnauit (vid. eiusdem *Schediasma supra p. 31. lit. b. citatum*) de qua sententia mox plura. His non obstantibus cuilibet ex supra citatis suae manebunt laudes; manebunt vero etiam laudato HARVAEO, etsi illi in scholis Patavii (teste *eruditorum lexico Lipsiensis*, ipsoque eius conterraneo, IAC. DOUGLAS in *bibliographiae anatomicae specimine, Londini 1715. edito, p. 202.* et hunc excitante STOLLIO l. c. p. 451.) per 5. annos erudito, aliorum inuenta manu-ductionis loco inferuisse, plus quam probabile sit.

(a) Si ergo et huncce canalem et dextrae auriculae cum sinistra *αυροσκουπιον*,
ope

mediante hoc pulmones sanguinem spirituosum ex aorta pro sua generatione accipiant, circuitu sanguinis vero intellecto, ita explicatum legimus, ut per eundem ea sanguinis arteriam pulmonalem ingressi portio, quam pulmones foetus, ob aerem praecclusum propriaeque texturae inertiam otiosi, promouere nondum valent, immediate ad aortae truncum transeat, sicque magna sanguinis pars, tum ad auriculam dextram tum ad ventriculum dextrum delata, praeter pulmonum ambages, ad aortam perveniat (a).

Theoria haec tamdiu valuit, usque dum IO. MERY, celebris quondam Parisiensium anatomicus, suas observationes cum publico communicaret. Hic scilicet, postquamprehendit, ipsum matris sanguinem ad foetum transire (b); foetum vero, quam diu aerem ore suo non trahit, constricto funiculo illico in vitae periculum incurrere (c): inde

ope foraminis ovalis factam, iam optime cognovit GALENVS: quo iure plerique Gallorum nunc huius nunc illius, cognomen deriuant a BOTALLO?

- (a) Anatomicorum tunc temporis primariorum theses collegit MANGETVS in *epistola*, quae subnectitur *tom. II. anatom. Verheyeni Coloniae vel Genevae editae*.
- (b) Vid. *Acta Acad. Reg. Par. A. 1708. bist. p. 48. mem. p. 240. seqq. A. 1714. bist. p. 14. seq. mem. p. 188. seqq. et conf. HEISTERI comp. anat. Tom. II. p. 85. not. 36. nec non dissert. nostra inaug. de chylosi foetus in utero Altorf. 1715. ventilata, p. 18. §. 13. seqq.* Plura de hac sententia ab aliis iam recepta, quamvis tunc minus adhuc demonstrata, leguntur in SCHVRIGII *embryol. c. IV. p. 96. seqq.*
- (c) *Acta cit. 1693. p. 52. et 195.* ubi assertum hoc tribus his potissimum roboratur argumentis ab experientia petitis: 1.) capite infantis in utero matris adhuc retento, statim ille suffocatur, quando funiculus, quo placenta adhaeret, fortiter comprimitur, 2.) capite infantis uterum iam egresso nec alio obstaculo respirationem per os interceptante, hic vitam non perdit, funiculo licet fortiter constricto, 3.) capite infan-

de argumentatus est, foetum, matris suae gremio adhuc inclusum, aere, pro sustentando sanguinis sui circuitu, non minus indigere, quam libero aeri expositum; eundem vero aerem, vtero reliquas vias praeccludente, vnacum sanguine a matre recipere (a). Quum vero nonnisi parca aeris quantitas per has ambages ad foetum peruenire possit, indeque sanguis eiusdem parum duntaxat animetur (b); corculum praeterea debito robore nondum instructum sit, impossibile ipsi videtur, totam sanguinis massam per vniuersum corpusculum, prouti in natis fit, circumagi posse, hincque persuasus est, illam partim per aortae propagines, partim vero per pulmonariae arteriae ramos, periodum suam absolueret ita, vt neutra ab altera dependeat, et hunc ipsum in finem canalem arteriosum atque foraminis oualis hiatum conditum esse, vt scilicet per illum massae sanguineae, dextrum ventriculū per arteriam pulmonalem egredientis, pars ad aortam transeat, atque, ad omnes corporis partes, pulmonibus solis exceptis, delata ex vena caua vtraque ad auriculam dextram, indeque, ventriculū eiusdem lateris illapsa, ope canalis arteriosi ad aortam redeat, hacque ratione pulmonibus non salutatis circulum suum perficiat; per

tis aeri iam exposito, sed impedito, quo minus illum ore suo capiat, hic breui temporis intervallo suffocatur, etiamsi funiculus nullo modo comprimatur. Conf. A. 1708. *mem.* p. 245.

- (a) Haec ipsam sententiam iam tenuit PETRVS van der WIEL, in dissertatione *de foetus nutritione* p. 12. et BOHNIVS in *circulo anatomico physiol. progymnasm.* III. p. 36. IO. NICOL. PECHLINVS in tract. *de aeris et alimenti defectu etc.* c. VIII. conf. SCHVRIGII *embryol.* p. 152. *seqq.* Ceterum an aer ipse, dum pulmones illabitur, cum sanguine vala eorum permeante communicetur, in vtramque partem acriter disputatum est: affirmatiuam sententiam tueri susceperit MERY l. c. p. 205. et An 1700. *b.ß.* p. 32. *mem.* p. 271. *seqq.* conf. Anni 1699. *b.ß.* p. 39. *seqq.*

- (b) *Alt. cit.* An. 1699. p. 30.

per foramen vero ouale altera massae sanguineae pars, ab arteria pulmonali per pulmones solos agitata et ex vena pulmonali ad auriculam sinistram reueniens, dextrae restituitur, sicque arteriam pulmonalem repetens circuitum suum absque communione cum aorta continuet, quo modo non solum notabilis pars sanguinis ad pulmonum ablegatur regionem, eaque semper, quam aortae diameter excludit, ad illam recurrit, dum reliqua longe lateque per corpus ire cogitur; verum etiam vis ventriculi sinistri, huius ipsius reliquae partis quantitatem iam imminutam propellens, ab illa dextri, mediante canali arterioso, roboratur. Ad mentem ergo Auctoris transitus sanguinis per pulmones in foetu aequè libere fit ac in adultis, et sanguis auriculae sinistrae migrat ad dextram, quam hypothefin, aliorum sententiae et diametro oppositam, probare vehementer annisus est ex analogismo in corde testudinis deprehensò; ex differentia diametri arteriae pulmonalis et aortae, vtriusque etiam auriculae atque ventriculi in foetu cum illa in adultis obuia comparata; ex quatuor venarum pulmonalium truncis, diametro illis adultorum, habita proportionis ratione, aequalibus; et denique ex harum truncis duobus anterioribus, seu lobi pulmonum sinistri, vt pote ex omnibus venis, quae in auriculis terminantur, solis foramini ouali directe oppositis, affirmans porro, factò perquam industrio cordis ex foetu recentis aequè ac post inflationem exsiccati examine, foramen ouale semper patere, partem septi posteriorem, valuulam aliis visam, dextram auriculam versus cedere atque conuexam reddi, eiusque tandem nullum alium vsum esse, quam vt accretione sua, post partum oriunda, foramen claudat (a).

Nouae

(a) Vid. *Acta Acad. Reg. Paris. A.* 1692. p. 78. *A.* 1699. *bist.* p. 30. *A.* 1703. *bist.* p. 39. *seqq. mem.* p. 408. *seqq. et conf. nouveau systeme*

Nouae huic opinioni omnes fere anatomici contradixerunt, iique gravissimi, ex quibus Du VERNEY, TAUVRI, SYLVESTRE, BUISSIERE, atque VERHEYEN(a) nominare sufficit, Auctor tamen eius, vel solus etiam, vnicum forsan LITTRE (b) si excipias, contra tot tantosque adversarios causam suam ita propugnauit, vt plura iis non concefferit, quam quod fassus sit, sanguinem in foetu vitulino atque agnino alium, illum scilicet quem HARVAEVS exposuit, tenere cursum, quam in humano. modo recte se habeant, quae aduersarii affirmant, vasa nimirum cordis sinistra in brutis illis tam constanter capacitate sua superare dextra, quam haec in foetu humano sinistra (c). Illustris etiam Regia Scientiarum Academia Parisiensis argumenta, a ratione et experientia desumpta et in vtramque partem prolata, sollicitè ponderans, aequalis roboris esse iudicauit, quid? quod vtrumque systema verum dici atque, non solum in

systeme de la circulation du sang par le trou ovale dans le foetus humain, avec les reponses aux objections qui ont été faites contre cette hypothese etc. qui tractatus subiungitur illi, cui titulus: observations sur la maniere de tailler dans les deux sexes pour l'extraction de la pierre, pratiquée par FRERE IAQUES. Par IEAN MERY etc. à Paris 1700. 12. vt et traité physique de Mr. MERY etc. contenant 1.) un examen des faits, observés par Mr. du VERNEY au coeur des tortuës de terre. 2.) une reponse à sa critique du nouveau systeme de la circulation de sang, par le trou ovale du coeur de foetus humain. 3.) une critique des observations qu'a faites Mr. BUISSIERE sur le coeur de la tortuë de mer. 4.) une description du coeur de le même animal. 5.) une description du coeur d'une grande tortuë terrestre de l'Amerique. à Paris 1705. 4.

- (a) Vid. *Acta Acad. Reg. Paris. 1699. hist. p. 31. 39. mem. p. 283. seqq. 1703. mem. p. 415. seqq. VERHEYEN anat. edit. Genev. vel Colon. Tom. II. p. 399. etc.*
- (b) *Act. Acad. Reg. Par. 1701. hist. p. 46.*
- (c) *Act. Acad. Reg. Paris. A. 1703. hist. p. 43. mem. p. 521.*

in diuersis animalium speciebus verum etiam in vna eademque forsan specie, demonstrari, adeoque olim inter se conciliari posse non absonum esse pronunciauit (a).

Hanc ipsam etiam combinationem non ita multo post tentauit cl. WINSLOW (b) cui tamen MERY denuo renisus est (c). Perpenſis autem argumentis vtrunque ventilatis, WINSLOWIUS inde collegit, 1) et huic et illi opinioni addictos nondum satis probasse, sanguinem per foramen ouale hoc et non alio transire posse modo: experimenta enim ab vtrisque instituta hiatum foraminis saepius memorati et ab uno et ab

(a) A. 1699. *hist.* p. 34. 1703. *hist.* p. 43. 1722. *hist.* p. 185. potiora verba, „quae huc spectant ita leguntur: „Il paroîtroit assez étrange que les „deux systèmes contraires puissent être vrais en même temps, cependant „il n’y a peut-être pas d’impossibilité absolue. On prétend que dans le „veau et dans l’agneau foetus, les vaisseaux du côté gauche surpassent aussi constamment en capacité ceux du droit, que dans le foetus humain ceux du droit surpassent ceux du gauche. Si le fait est „bien vrai, Mr. Mery convient que dans le veau et dans l’agneau foetus, la circulation se fera selon l’ancien système, et dans le foetus humain, selon le sien. Or si la nature met en usage ces deux differens „moyens en différentes espèces d’animaux, peut-être les emploie-t-elle „le indifféremment dans la même espèce; car au fond ils paroissent tous „deux assez également propres à suppléer au peu d’air, qui se trouve „dans le sang des foetus. Déjà on a vu dans l’Histoire de 1699. „pag. 42. un foetus humain monstrueux, en qui la circulation se faisoit „certainement contre l’opinion de Mr. Mery. Il est vrai, que ce „foetus étoit monstrueux, mais les monstres ne sont qu’extraordinaires, et ce, qui est extraordinaire, n’en est pas moins naturel. En cas „qu’il la nature fit prendre au sang tantôt une route, tantôt l’autre, „quand même l’une des deux seroit la plus communément usitée, il n’y „auroit pas lieu de s’étonner, que cette question eût long-temps partagé des anatomistes, et eût fourni aux deux partis des armes assez „égales, 1703. *hist.* p. 43.

(b) l. c. A. 1717. *hist.* p. 23. *mem.* p. 280. 1725. *mem.* p. 34.

(c) l. c.

ab altero latere exhibuerunt liberum semperque apertum (a). 2.) *membranam foramini ovali praefixam genuinum valvulae usum non praestare, etiam in vitulinis foetibus, ubi latius quam in homine expansa omnino deprehenditur*: monet enim cl. A. omnes valvulas veras eum in modum positas esse, vt margine suo libero et fluctuante a pariete, cui fundus annectitur, abscedant, ad parietes oppositos contra accedant, et concavitate sua regressum sanguinis impedian; hanc vero foraminis ovalis membranam in sanguine corporis viui, vtrinque illam circumdante, quasi fluctuare et continuo agitari (b). 3.) *liberum hinc esse sanguinis fluxum ex dextra auricula in sinistram et vice versa*, ita, vt sanguis utriusque venae cauae cum illo venae pulmonalis in vtraque auricula absque impetu concurrat, sibi inuicem in earum diastole misceatur, hincque massa vniformis reddatur, et per illud, quod placenta vterina suppeditauit, aequaliter restaretur; in earundem vero systole massa haec mixta, secundum proportionem capacitatis, quaecunque illa sit (quam scilicet, vt et vim pellentem, resistentem, in auriculis, ventriculis, et vasis eorundem maioribus, vnacum celeritate, qua sanguis in singulis contentus, mouetur, alii tam anxie quaerunt, cuncti tamen pro modulo suo explicant; alii vero, qui non nisi clara demonstratu amant, maioribus difficultatibus obruta iudicant, quam quod inde vnā sententiam alteri (c) praeferant) diuidatur, atque ab vtroque ventriculo, quasi vno, ratione vniformi per arteriam pulmonalem, canalem arteriosum atque aortam, quasi per vnum truncum arteriosum, omnibus partibus distribuatur. Ambas itaque auriculas cordis in foetu, intuitu

I 2

fora-

(a) l. c. 1725. mem. p. 41.

(b) l. c. 1717. mem. p. 285. 1725. mem. p. 44. 374.

(c) l. c. A. 1717. mem. p. 286, conf. A. 1725. mem. p. 388.

foraminis ovalis seu communicationis, tanquam vnā; quemadmodum vtrumque ventriculū, respectu canalis arteriosi seu communicationis, tanquam vnum. A. considerat (a). 4.) *Membranae ergo, aliis valvulae dictae, vsum cum tantum esse, ut hiatum post partum claudat*, prouti scilicet, post VESALIVM, optime annotavit MERY (b).

Satis superque ex hisce patet, vario ac plane contrario modo anatomicos exercitatissimos doctissimosque vsum foraminis ovalis atque canalis arteriosi hucusque explicasse; neque minus liquet, sententiam cuiusvis multum dependere a membranacea posterioris partis septi expansione, seu potius totius foraminis ovalis conformatione diuersis modis considerata. Cl. WINSLOW (c) iam in votis habuit, ut in corde recenti et methodo Meryana praeparato auriculae transpareant, quo ante exsiccationem status foraminis suaeque valvulae cognosci posset: quam infidae enim atque incertae sint deductiones praeparatis siccis aequae ac recentibus, ad normam naturae non expansis, super structae, supra (d) fusius iam explicauimus, iisque addimus, neque liquoris iniectione neque aeris inflati transitum ex dextra auricula in sinistram et vice versa factum, clariora demonstrare, quum notum sit, partes mortuorum flaccidas cedere, ubi viuorum tensae resistunt. Hinc est sine dubio, quod GALENVS atque HARVAEVS, omnesque hos sequuti, membranā foraminis ovalis, valvulae nomine notam, sinistrorsum; MERYVS contra dextrorsum cedentem; WINSLOWIVS vero penitus fluctuantem; illi praeterea foramen ab eadem in auricularum diastole clausum; hi vero semper peruium obseruasse crediderint.

Lubri-

(a) l. c. A. 1717. mem. p. 288. seq. conf. A. 1725. mem. p. 387. seq.

(b) l. c. 1717. mem. p. 289.

(c) l. c. 1725. mem. p. 382.

(d) p. 13. seq.

Lubrica haec argumentandi via alios eo deduxit, vt ex ipsa harum partium structura accuratissime examinata demonstrare sategerint, quidnam praestare valeant. Pertinet huc labor VIEUSSENII, qui persuasus erat, ex fibrarum tractu, vtramque septi partem componente, concludendum esse, illum sphincteris officio ita fungi, vt in systole seu contractione auricularum hiatus foraminis ovalis aperiatur, tuncque sanguini, in auricula dextra haerenti, aliqua ex parte via pro transitu in sinistram auriculam pandatur, in diastole vero seu dilatatione auricularum valvula foramini iterum praefigatur (a). Hac explicatione VIEUSSENIVS veterum sententiae subscribit, quod ad transitum sanguinis per foramen ovale attinet; recedit vero ab illa, temporis momento, dum ex sua sententia id in systole contingit, quod in diastole fieri antea tradebatur. Alio rursus modo argumentatus est ROUHAULT: hic enim negat, hiatum foraminis ovalis in systole patere, sed contractis auriculis contrahi, dilatatis vero iisdem dilatari (b): quo quidem cum Haruaeana sententia convenit; concludit vero, ex vi auricularum inaequali sanguinem tunc, quando hiatus foraminis dilatatur, ex sinistra auricula in dextram premi: quo, ratione vel saltem ipsius transitus, cum MERYO consentit, licet respectu causae allegatae suum ingenium sequutus sit: sic enim differit: „*Alors, quand le trou ovale reste à decouvert, le sang se presente de part et d'autre pour passer par le trou ovale, l'un tente de repousser l'autre; mais comme celui, qui est contenu dans le sac de l'oreillette droite, ne se presente à cette ouverture, qu'avec un degré de force, pendant que celui du sac gauche s'y presente avec trois, il n'est pas eton-*

I 3

nant

(a) Vid. eiusdem tractatus de corde p. 35. § I. atque eorum, quae huc pertinent, epitome, a WINSLOWIO l. c. A. 1725. mem. p. 44. seq. exhibita.

(b) l. c. p. 385.

„nant que le sang du sac de la veine cave cede le passage à celui
 „de la veine poulmonaire:., i. e. tunc, quando hiatus foraminis
 ovalis patet, sanguis pro transitu utrinque se sistit, unus repel-
 lendo nititur in alterum; sed quum ille in sacco auriculae dex-
 trae contentus uno tantum virium gradu contra hiatum agat,
 dum ille sacci auriculae sinistrae tribus auctus est, mirum non
 videtur, sanguinem sacci venae cauae, i. e. auriculae dextrae,
 transitum concedere illi venae pulmonalis, i. e. auriculae sini-
 strae (a). Deducit autem huius asserti Auctor triplicatam
 hanc sanguinis auriculae sinistrae vim ex vi ventriculi sini-
 stri comparata cum illa dextri in sanguinem intra ambitum
 valuularum tricuspidalium atque mitralium haerentem et in
 systole ventriculorum sursum repellendum agente, de qua
 actione nos etiam supra (b), in explicanda valuulae Eusta-
 chii functione, loquuti sumus. Tandem cl. MORGAGNI
 (c) in vitulo non solum deprehendit „valuulam venam pul-
 „monarem versus adeo amplam, ut haec, si qua alia, valuulae
 „nomen mereatur, stylo insuper a parte venae cauae admoto fa-
 „cile cederet, a parte venae pulmonaris adacto secus obtempe-
 „raret; verum etiam inuenit, „chordulas aliquot ad venae
 „pulmonalis anticam partem limbum valuulae alligantes, quas
 „etiam praestantissimo RIDLEYO cognitae vidit, quasque hic in
 „humanis, ille in caninis foetibus frustra postea perquisiuerunt.
 „In his, pergit idem, una erat prae ceteris longe crassior: si-
 „milesque admodum omnes erant earum fibrarum, quibus mi-
 „tralium et cricuspideum valuularum limbi columinis cordis in-
 „nectuntur. Quibus fibris, si recte ego memini, nihil prohi-
 „bet, quin munere etiam officioque respondeant, ut nimirum in
 „auricularum diastole contendantur, attractaque valuula cruo-

rem

(a) l. c. p. 397.

(b) p. 56.

(c) Advers. anat. I. p. 23.

rem admittant, in systole autem inuicem remissae valvulae^{cc} laxata sibi viam claudere cruorem sinant, ne qua de auricula^{cc} venerit, in hanc confestim relabatur. Ut ut est, certe has si^{cc} bias a parte venae pulmonalis non oportuit positas, si valvulae^{cc} non in hanc venam, sed in cauam concedere aditum debuisset^{cc} (a). Patet ex his, cel. Virum quavis ratione ad mentem HARVAEI differere, cuius sententiam cel. VATERVS quoque non solum tenet, verum etiam chordulas, supra excitationes, in homine obseruatas describit atque depingit (b). Harum chordularum simile quid. tab. II. fig. 34. d. d. ex vitulo desumpta, haud obscure indicare videtur. Ultimo loco producimus HERM. BERNARDVM, ad mentem cel. ALBINI, ita differentem (c): Foramen ouale magnum est, figurae ovalis, medium inter cordis sinum venosum dextrum sinistrumque, quorum paries intergerinus hoc foramine perforatus est. Quo fit ut sanguis ex sinu et aure dextra exire hoc foramine possit in sinum sinistrum, eique additam auriculam. E sinistro autem sinu aureque in dextrum sinum et aurem facile penetrare nequit, impediende membrana quadam, valvulae officium praebente. Membrana haec ex maiore parte ambitus foraminis e parte sinus sinistri orta, totique praetenta foramini in duo quasi cornua abit, quae ultra anteriorem foraminis partem procurrunt aliquantum, similiter a parte sinus sinistri, euanescentque in eandem partem parietis intergerini sinuum. Itaque tali hoc foramen obductum est membrana, ut per se nunquam valde pateat; si vero sanguis sinus sinistri urgeat parietem intergerinum sinuum, urgeat etiam membranam, explicet, tendat, obtendatque foramini exquisite, ut nihil elabi possit: si contra urgeat sanguis sinus dexteri, pellat membranam aliquantum in sinum sinistrum,

ac

(a) Conf. idem aduers. V. p. 26.

(b) In programmate supra p. 31. n. a. allegato.

(c) Loco supra p. 43. not. b. excitato p. 13.

ac sic viam sibi obliquam aperiat inter cornua eius anteriorem-que foraminis partem: totum enim foramen aperiri nequit, quoniam e maxima parte ambitus eius valvula nascitur. Valvula tenuis est, ut explicari facile posset, repellique a sanguine sinus dextri: densa simul est, et quasi tendinea, ut sat haberet roboris.

Quae ex his haftenus recensitis sententiis eligenda sit, arbitrio cuiusvis libero permitto, liceat tamen breuibus explicare eam, quae mihi vera videtur, vbi tamen argumenta aliorum refutanda, a studio contradicendi alienissimus, non, nisi urgente necessitate, producam: vna praeterea est veritas, qua declarata, rationes in contrarium allatae, tales tantum videntur. Innititur autem haec nostra sententia his potissimum positionibus: 1.) *Membranacea posterioris partis septi productio cedit cauum versus auriculae sinistrae, non vice versa.* Probat hanc assertionem conformatio limbi vtriusque partis septi, foramen ouale componentis: limbus enim anterioris partis (a) multo amplior est limbo posterioris partis (b), vnde ipse foraminis ovalis hiatus infundibuli quandam speciem refert, cuius amplior pars dextram respicit auriculam, angustior sinistram: amplior autem, ceteris, ut hic, paribus, facilius recipit sanguinem praesentem. Probat idem porro huius hiatus post partum transformatio: eadem enim vtriusque partis huius infundibuli proportio ordinarie in succedente eius obliterationeprehenditur (c). Contrarium quidem LITTRIVS monstrare annisus est in adulto quadragenario (d); sed quo minus nostrae

(a) Tab. I. fig. 8. k. l; 10. a. a; 20. g. h; tab. II. fig. 25. k. k; tab. IV. fig. 58. g. g; 60. h. h.

(b) Tab. I. fig. 9. f. f; 10. c; 20. c; tab. II. fig. 26. k; tab. IV. fig. 61. d. d.

(c) Vid. tab. II. fig. 28. n. n; 29. r; tab. III. fig. 41. e; 42. b. b.

(d) Vid. *Act. Acad. Reg. Paris. Scient. a. 1701. hist. p. 46. seqq.*

nostrae assertioni obstat, facit eiusdem observationis docta explicatio a cl. MORGAGNI (a) suppeditata. Probat denique nostram thesin posterioris partis septi nexus : extremitates enim illius (b) post septi partem anteriorem, auriculam sinistram versus, locatae sunt, quod minus apte, imo plane non, nisi aliqua vi accedente supposita, functioni responderet, si ipsi necesse esset dextram auriculam versus cedere. Neque etiam hunc ipsum ob nexum fluctuare potest, nisi medio limbi sui, eiusque tantum maxime relaxati. Si chordulae limbi huius valvulae, de quibus laudatus MORGAGNI atque VATERVS II. cc. loquuntur, ego vero autopsia nondum conuictus sum, saepius, et quidem ante partum, obseruarentur, quid amplius pro demonstratione exigi possit, ego quidem non video. Quando MERY obseruauit, septum, dilatatis auriculis, dextram versus auriculam convexum reddi (c), indeque concludere vult, sanguinem a sinistris dextrorsum fluentem huius phaenomeni causam esse: nobis, ex iisdem obseruatis, contrarium plane patere videtur, neque in probationem aliis opus esse argumentis, quam quae communis valvularum in venis ratio manifestat, quaeque semper, repletis vasis, illuc versus protuberant. vnde accessus liquoris, quem vehunt, factus est (d). 2.) *Eadem membranacea productio, in homine aeque ac brutis, satis larga est, ut expansa totum foraminis oualis ambitum tegere et claudere possit.* In recentibus auriculis dissectis membranam hanc, post mortem flaccidam, ita distorqueri posse, vt, pariete vtramque auriculam intercedente expanso, hiatus satis

K nota-

(a) *Aduers. anat. V. p. 24.*

(b) Vid. tab. I. fig. 8. p; 9. f. f; 10. c; 12. f. g; 13. t. v; 14. c. d; 20. e; tab. IV. fig. 58. h. h; 60. g; 61. d. d.

(c) In systemate suo nouo supra p. 64. nota 2. citato p. 14. num. 18.

(d) Conf. tab. IV. fig. 59. e. e,

notabilis pateat (a), concedo; id tamen moneo, secus hoc fieri, quando margo auriculae dissectae vndique aequaliter (b) trahitur. 3.) *Haec ipsa membrana valuula vera dicenda est.* Secundum characterem, quem cl. WINSLOW valuulis praefigit, quemque supra p. 67. num. 2. ad mentem eius exposui, neque haec membrana, neque illae, quibus canalis venosus aequae ac arteriosus ad vtrumque orificium suum munitus est, nomen valuulae sustinere poterunt. At, quod pace tanti viri dictum esto, definitio, quam dedit, optime quidem respondet illis valuulis in cauis venarum et ad ostium aortae arteriaeque pulmonalis obuiis; sed quod hae solae valuularum nomine in posterum salutandae, reliquae vero pelliculae, figura quidem non autem functione diuersae, excludendae sint, vi vocis colligi nequit. Vt enim taceam valuulam vesicae felleae, pylori; valuulas item intestinorum conniuentes, etc. vtpote quae canalem, quem obsident, haud penitus claudunt, ipsae pelliculae ventriculorum cordis mitrales atque tricuspidales valuularum nomine essent priuandae. Quo iure vero his nomen hocce competit, eodem membrana foramini ovali praefixa idem tueri poterit. 4.) *Valuula haec in plenaria auricularum dilatione, seu diastole, expansa hiatum septi omnino tegit et claudit, sicque communicationem inter utramque auriculam dirigit.* Hiatum septi apertum in auriculis flatu distentis et postea exsiccatis deprehensum (c) nihil in contrarium probare, supra p. 13. iam euictum est; neque aliam administrationem, maxime etiam circumspectam, ad naturalem constitutionem accedere, nisi illam, quae omnes partes in eodem situ seruat, quem cavitates auricularum repleta obtinet, quilibet vltro concedet: talem vero illam esse, quae ope ceræ injectae et post

(a) Vid. tab. I. fig. 10. 20.

(b) Fig. 8.

(c) Tab. I. fig. 11. 12. 13. 14.

post exsiccationem rursus ablatae peragitur, ibidem prolixius probavi. Haec autem aperte monstravit, valvulam hanc in plenaria auricularum repletionem, seu diastole, hiatum penitus claudentem (a). Fateor tamen, hanc encheiresin bis tantum detexisse quaesitum: methodus enim haec sub ipsa harum partium disquisitione postremo loco in mentem mihi venit, occasio vero idem saepius repetendi postea defuit. Qui vero propterea hunc foraminis ovalis statum ut demonstratum agnoscere recusat, ipsemet periculum modo explicato faciat: ego interim experientia, ut ut nondum frequenti, millenis tamen rationibus maiori, suffultus, ea, quae num. 4. proposui, seu ordinaria suppono, hincque, praemissis 1. 2. 3. 4. innixus, porro concludo: 5.) *hiatus foraminis ovalis sub ipsa auricularum diastole aliquam sanguinis in dextra auricula confluentis, portionem transmittit ad auriculam sinistram.* Dum systole auricularum atque diastole ventriculorum vno momento fit, sanguis in auriculis contentus eo facilius ad vacuum ventriculorum cauum descendit, quo magis orificia illorum tunc patent. Videntur etiam auriculae non eum in finem robore quodam proprio instructae esse, ut in sanguinem contentum vi aliqua agant, sed ut impendant potius, quo minus sanguis ex venis subsequatur prius, quam antecedens ventriculis comittatur, illarum cauum occupet. Neutrius ergo auriculae contractio in hiatum septi violenter agit, siue laxius siue strictius illum clausum fingas: membrana enim vel quavis ratione praetensa, maiorem resistantiam parat, quam orificia ventriculorum plenarie tunc patentia; actio autem eum versus locum semper dirigitur, ubi minor est resistantia. Dum vero constrictio auricularum cessat, ventriculorum vero eodem temporis momento incipit, tuncque sanguini in venis haerenti aditus conceditur, hic, cauum auricularum occupando, omnia latera premit

K 2

atque

(a) Vid. Tab. II. fig. 25. 26. tab. IV. fig. 58. 60. 61.

atque hoc ipso (quum sanguis ex vtraque vena caua accedens illum ex venis pulmonalibus refluxum quantitate longe superet, neque impetus sanguinis auriculae sinistrae, ex vi ventriculi sinistri maiori in portionem sanguinis illam intra valvulas mitrales haerentem agente, excitatus, ob parvam huius portionis quantitatem, tantus esse queat, quantus a D. ROUHAULT mensuratur (a), simul vero valvula foraminis ovalis, ex ipsa structura atque connexione sua, facile sinistrorsum cedat) viam sibi ad sinistrae auriculae cauum parat, usque dum, auriculis in plenaria expansione repletis simulque omnibus earundem lateribus tensis, ab hac ipsa valvula, similiter tensa, foramen ovale claudatur (b), quae tamdiu foramini praefixa manet, donec, systole cessante, diastole vero incipiente, novus in auriculas irruens sanguis omnia orificia relaxata intret. Si vel etiam chordulae limbi huius valvulae ad statum naturalem et ante partum iam obseruandum referendae forsitan veniant, illae tamen hanc hypothesin non euerterent, quin potius confirmabunt: situs enim limbi praedicere videtur, eas, in auricularum dilatatione, secundum gradum dilatationis hunc ipsum limbum, spirarii instar, orificio praetendere. 6.) *Hanc ipsam actionem valvula Eustachii egregie iuuat.* Dum scilicet haec valvula altero extremo lateri venae cauae inferioris anteriori acereta est, altero vero cum extremitate inferiori anterioris partis septi connectitur (c), et porro a sanguine, ex vena caua inferiore accedente, ventriculi hiatus versus expanditur: hoc ipso haec valvula sanguini pontem quasi struit, super quem

(a) Vid. superius p. 56. 69. Probe idem iam agnouit saepius laudatus WINSLOW in *Actis Acad. Reg. Scient. Paris. A. 1725. mem. p. 398.*

(b) Haec omnia vno licet in momento peragantur, rationi tamen nullatenus contrariatur, si singula distinguantur.

(c) Tab. I. fig. 8. h. h.; 20. i. i; tab. III, fig. 41. c. c; tab. IV. fig. 58. f; 60. c.

quem eo propius hiatum foraminis ovalis versus dirigatur, neque auriculae cauum ingrediatur, antequam fores foraminis ovalis pulsauerit (a). Ille interea sanguis ex vena caua superiore adueniens descendit iuxta foraminis ovalis limbum anteriorem, per regionem eius excavatam (b), neque etiam vtriusque concursus ullam excitat turbam, quum sanguis venosus in genere omni careat impetu (c). Haec sanguinis directio longe maiori euidencia probatur ac illa, quam MERY ex situ venarum pulmonalium sinistri lateris hiatui foraminis ovalis sinistrae auriculae opposito demonstrare conatus est (d). 7.) *Productiones membranaceae, utriusque orificio canalisi arteriosi praefixae, verae valvulae non sunt, nec semper aequali magnitudine prominent; aliqua tamen ex ratione sanguinis transeuntis cursum dirigere possunt.* Illa harum productionum, ad coniunctionem huius canalisi cum aorta conspicua (e), figura sua, ex nostris observationibus, paullulum recedit ab ea, quam cl. D. D. AGRICOLA (f) proposuit; notandum vero foetum utrumque, ex quo ille suas desumpsit delineationes, per aliquot dies spiritum iam traxisse. Ipsae porro eiusdem figurae quandam differentiam monstrare videntur, dum secundum fig. 3. haec productio aortam descendentem versus; secundum fig. 4. vero eadem prope arcum orificio praefigitur. Cum posteriori illae, quas nos obseruauimus, conueniebant, simplices praeterea

K 3

terea

(a) Vid. tab. IV. fig. 59. b.

(b) Vid. tab. IV. fig. 58. m. m; 59. h; 60. k.

(c) Hinc etiam ill. LANCISIUS loco supra p. 59. not. a. citato p. 237. adstruxit, *sanguinem minus velociter dextrum cordis ventriculum; citius vero sinistram.*

(d) Conf. loci supra p. 56. nota a. excitati.

(e) Tab. I. fig. 2. p; 15. k; tab. II. fig. 31. d; tab. IV. fig. 61. p; 67. c; 68. c. c.

(f) *Commerc. litt.* 1735. tab. I. fig. 3. q; 4. r.

terea et lunulae in modum extensae, in aliis tamen magis, minus in aliis, exstantes apparebant. Simili prorsus modo et illa, orificio huius canalis ex arteria pulmonali orto apposita et in situ naturali ex inferiori canalis arteriosi latere procedens, se habebat (a); vtraque vero nobis nil aliud est, quam prolongatio seu expansio membranae interioris, ea prorsus ratione, qua ramos arcus aortae ad latera sua (b) similibus productionibus munitos cernimus. Vfus proin earum cum his ipsis idem quoque erit, quamdiu canalis apertus est, ita, vt inferior, seu prope arteriam pulmonalem locata (c), sanguinem, in arteriarum diastole aduenientem, ea ratione discriminet, vt debita quantitas in systole earundem ad canalem arteriosum ablegetur; superior vero, seu aortae proxima (d), ingredientem sanguinem ita flectat, vt ab illo, ex aortae arcu superueniente, minus in cursu suo impediatur. 8.) *Canalis arteriosus eam portionem sanguinis, arteriam pulmonalem ingressi, recipit et ad aortam transfert, quae maior est quam quae pulmones inertes permeare possit.* Cel. D. WINSLOW satis ingeniose pronunciat: „pour abeiger „le chemin de la circulation dans le foetus, il me sembloit, que „selon l'ancien systeme le trou souffiroit sans canal arteriel; et „que selon le nouveau, ce trou seroit inutile et le canal seul y auroit satisfait (e): i. e. vt breuior reddatur via circuitus sanguinis in foetu, mihi videtur, secundum vetus systema (HARVAEI) foramen suffecisse absque canale arterioso; secundum novum (MERY) vero foramen inutile esse, atque canalem solum satis.

(a) Tab. II. fig. 30. m; tab. IV. fig. 66. f.

(b) Tab. II. fig. 16. 38.

(c) Tab. II. fig. 30. m; tab. IV. fig. 66. f.

(d) Tab. I. fig. 2. p; 15. k; tab. II. fig. 31. d; tab. IV. fig. 61. p; 67. c; 68. c. c.

(e) *Act. Acad. Reg. Paris. A. 1717. mem. p. 284. conf. A. 1725. mem. p. 39.* vbi haec vltcrius explicantur.

satisfecisse. Quod ad nouum attinet systema, obiectiones meam non ferunt sententiam; quod ad vetus pertinet systema, assertio his probatur verbis: „Dans le système des Harvéens, le seul trou de communication avec plus de capacité de l'oreillette gauche, du ventricule gauche et du tronc de l'aorte ascendante, souffriroit sans le canal de communication, qui de cette maniere seroit inutile. Car le ventricule droit auroit assez de sang pour le poumon, qui, selon eux, n'en peut pas recevoir beaucoup dans le foetus. Le ventricule gauche en auroit la plus grande portion pour etre envoyée à toutes les parties du foetus, tant superieures, qu'inferieures, et au placenta par le cordon umbilical. Ceci satisferoit encore à l'autre point, dont les deux partis sont d'accord, savoir, que le sang du foetus a besoin d'etre ranimé par les particules aériennes du sang de la mere; et meme la distribution en seroit plus egale., i. e. In systemate Haruaeianorum solum foramen communicationis, unacum capacitate auriculae sinistrae, ventriculi sinistri, truncique aortae ascendantis auctiori, sufficeret absque canale communicationis, hac ratione inutili. Ventriculus enim dexter satis haberet sanguinis pro pulmone, qui, secundum eos, in foetu multum eius recipere nequit. Ventriculus sinister maximam eius haberet copiam, ut transferatur ad omnes partes foetus, superiores aeque ac inferiores, ut et ad placenta ope funiculi umbilicalis. Hoc modo praeterea satisfaceret alteri articulo, de quo utrique conueniunt, scilicet, quod sanguis foetus opus habeat, ut animetur, particulis aereis sanguinis materni; ipsaque distributio hinc redderetur magis aequalis. Sed pace el. Auctoris moneo, licet haec memorata mechanismi mutatio supponatur, nihilominus tamen adhuc canale communicationis seu arterioso opus esse, nisi simul ventriculi dextri capacitas adeo usque simul imminueretur, ut plus sanguinis in diastole eius non capiat, quam quod pulmones ferre possint, quo in casu arteriae pulmonalis capacitas ad iustam proportionem

nem iterum imminui deberet: nam posita ventriculi dextri capacitatem tanta, quanta est, ea non potest non tota in diastole repleri, et omne quod intrauit, in systole ad pulmonalem arteriam, hincque, deficiente canale arterioso, ad pulmones propelli. Facile itaque liquet, condito solo canale arterioso plurium partium mutationi sapientissime esse prospectum. Neque vicissim opponere licet, condito mechanismo, prouti est, auriculae atque ventriculi sinistri lateris capacitatem imminutam atque ea dextri lateris minorem factam esse, in adultis, ex sententia MERY (a), aequalem: siquidem eandem inaequalitatem ut plurimum in adultis remanentem, hincque mechanismo semper conuenientem, plures annotarunt (b). Neque etiam, considerata omnium partium proportionem ita, prouti facta est, ea sanguinis portio, quae ex auricula dextra per foramen ouale ad sinistram transit auriculam, impedit, quo minus ventriculi dextri capacitas repleatur, siquidem ipso MERY (c) consentiente, auriculae capacitas maior est illa ventriculi. 9.) *Finis ergo et foraminis oualis et canalis arteriosi ille est, ut impendant, quo minus pulmones in foetu, ad functiones suas obeundas non idonei, nimio sanguine onerentur.* Sequitur hoc assertum ex omnibus hactenus expositis inter se collatis, scilicet, auriculam sinistram ex dextra tantum sanguinis per foramen ouale recipere, quantum ventriculus dexter capere nequit et quantum sanguis ex venis pulmonalibus

(a) In nouo suo systemate superius p. 64. nota a. excitato p. 9. 10.

(b) Vid. cel. HEISTERI compend. anat. Tom. II. p. 91. nota 43. et conferantur reliqui ibidem excitati, ut et cel. HAMBERGERI dissert. de respirationis mechanismo atque usu genuino Jenae 1727. habita, et Ill. LANCISII synopsis, supra p. 59. nota a. excitata. Conuenit autem memorata inaequalitas mechanismo eadem ratione, qua venae semper sunt ampliores arteriis.

(c) l. c.

nalibus refluus deficit pro auriculae sinistrae repletionem; canalem vero arteriosum tantum ex arteria pulmonali suscipere atque ad aortam transferre, quantum pulmones inertes promovere haud valent et quantum ventriculus sinister pro distributione sanguinis per totum infantis corpus suppeditare nequit. Quo minus haec concedantur nihil impedit, nisi quod nondum satis probatum forte sit, sanguinem per pulmones foetus non eadem ac in adultis proportionem circuitum suum perficere: in his enim potissimum dissentit D. MERY, quippe secundum cuius hypothesein circuitus sanguinis per pulmones in foetu aequae liber est, ac in adultis, unde auricula sinistra a venis pulmonalibus plus sanguinis recipit, quam aorta, in foetu ratione proportionis semper minor, capere valet, hincque superfluum per foramen ovale ad dextram auriculam protrudit, unde denuo ventriculum dextrum illapsus cum alio, per venam cavam utramque recens aduerso, miscetur, et sub eadem quantitate iterum pulmones subit. Vt verum fatear, si sanguinis transitus per pulmones in foetu aequae libere ac in adultis peragitur, non video quem in finem in foetu non solum foramen ovale, verum et ipse canalis arteriosus, machinae peculiares, existant, neque potius vasorum et cavitatum proportio respondeat illi natorum. Accedit, quod usus, ex motu pulmonum et aeris quacunque alteratione in sanguinem respirantium redundans, plenarie cesset in foetu respirationis experte; neque etiam sanguis arteriae pulmonalis, sed bronchialis ad nutriendos pulmones inseruiat.

Interim hypothesis Meryana sat specioso nititur fundamento: Urget enim potissimum, ut ex praemissis patet, aerem in sanguine foetus, copia illa pro sustentando circuitu necessaria, deficere; quatuor truncos venarum pulmonalium (a), habita proportionis ratione, aequali cum illis

L

adul-

(a) Tab. II. fig. 23. p. q; tab. IV. fig. 56. x. x, y. y; fig. 69. n. o,

adultorum gaudere diametro; arteriam vero pulmonalem (a) in foetu multum semper diametro aortae (b) esse superiorem. Addit praeterea (c), hanc proportionis differentiam non solum obseruari in trunco arteriae pulmonalis, sed etiam in ramis, ita, vt duo eiusdem rami (d), dempto canali arterioso (e), diametrum componant illo aortae (f) adhuc maiorem, idque in vitulino foetu statim oculis patere, vtpote in quo duo praedicti rami, ad pollicis latitudinem post canalis arteriosi separationem, demum diuidantur.

Haec omnia, vtut maximi momenti, argumenta, ita tamen mihi comparata videntur, vt nondum sufficiant ad hypothesin Meryanam demonstrandam. Quod ad *defectum aeris* attinet, argumentum inde deductum, sanguinis scilicet massam hinc nimium esse inertem, quam vt tota per vniuersum corpusculum circumagi possit (g), omni contradictione maius haud deprehendimus: nam primum tam euidenter nondum euictum est, qua forma et quantitate aer in respirantibus, pulmonum ministerio, sanguini commisceatur (h), et annon idem cum chylo facilius accedere possit; hoc vero certum est, foetum vteri ergastulo inclusum neque respirare (i), neque chylum alium, quam ex liquore amnii

(a) Tab. I. fig. 4. b; tab. IV. fig. 69. h.

(b) Tab. I. fig. 3. a; tab. IV. fig. 69. i.

(c) *Systemat. nou.* p. 12.

(d) Tab. I. fig. 6. f. g; tab. IV. fig. 69. l. m.

(e) Tab. I. fig. 5. d; tab. IV. fig. 69. k.

(f) Tab. I. fig. 3. a; tab. IV. fig. 69. i.

(g) Vid. supra p. 63.

(h) Quam difficulter hic aeris accessus demonstrari possit, solide exposuit cel. HAMBERGERVS in diss. supra p. 80. nota b. excitata. Conf. *commerc. litt. A.* 1734. *hebdom.* II. p. 14. XXVII. p. 211.

(i) Quibus volupe est scire, qua ratione controuersia de respiratione foetus agitata sit, adeat SCHVRIGII *embryologiae sect.* II. cap. III. et IV.

amni ab aere, certe crudo, iam depurato confectum, recipere, et quantitatem aeris illam, quae cum sanguine ex matre recens adveniente suppeditatur, paucam esse, quum ipsa sanguinis quantitas, quae per canalem venosum tenuem immediate ad corculum foetus pervenit, non nisi pauca sit (a). Si vero aeris recentis accessus continuo novus requiritur ad sustentandum sanguinis circuitum, minus commode factum esse videtur, quod recens matris sanguis, per venam umbilicalem aduehendus, in iecore foetus cum sanguine venae portae, foetui iam appropriato, commisceatur et minima tantum huius miscelae pars per canalem venosum ad cordis auriculam dextram deriuetur, non vero potius vena umbilicalis pleno riuo in hanc immediate deducatur. Deinde aer semper manet aer, neque aliam mutationem vnquam subit, nisi quod a calore extendatur, a frigore condensetur. Quamdiu ergo sanguini inhaeret ac vno eodemque caloris gradu afficitur, tamdiu vnum eundemque edit effectum; et quum aer sanguini inhaerens non per transpirationem cutaneam, sed exhalationem illam in expiratione abeuntem, ex ipsa hypothese Meryana (b), rursus emigret (c), infans vero per pulmones suos neque inspiret neque expiret, sequitur aerem cum sanguine a matre receptum in corpusculo suo nullam subire mutationem. Si nullam subit mutationem in corpusculo foetus, sanguini hoc percurrenti idem manebit vigor, ac sanguini matris in corpore suo; si autem illi idem manet vigor, in foetu circulum suum non minus, quam in matre absoluit. Absolui

L 2

etiam

(a) Conf. corollarium VI. supra p. 46.

(b) *Act. Acad. Reg. Paris. 1700. hist. p. 32. mem. p. 271.*

(c) Si quis forsan et huic sententiae subscribere nolit, sciat, me hic contra MERYVM cum MERYO pugnare; ceterum perpendat, nec cutaneam excretionem in foetu aequae liberam esse ac in natis, de quo mox plura.

etiam eundem in foetu aequè bene ac in nato, ad oculum patet illi, qui attendit, omnem sanguinis massam, ex matre per venam umbilicalem ad foetum transeuntem, a corculo infantis per arterias umbilicales rursus propelli ad vasa usque uteri illam denuo recipientia, quae vis, habita proportionis ratione, tam magna est, ut cor adulti nusquam sanguinem ad locum adeo remotum promoueat: ex quo simul patet, nec corculum infantis respectiue viribus esse inferiorem corde adulti. Forsan autem, quod ego quidem crediderim, continuatio (NB. continuatio) cursus sanguinis per vniuersum corpus, adulti aequè ac foetus, neque ab aere commixto, neque a cordis motu, sed ab arteriarum structura neruorumque cum illis nexu potissimum dependet, de quo tamen plura verba facere a scopo alienum est: sufficit ex adductis patere, primo omnem sanguinis massam, in foetus corpusculo contentam, simul moueri posse per aortam, neque sanguinis inertiam neque cordis imbecillitatem accusari posse; deinde eandem omnino etiam per aortam moueri, quia, detractis intra foetum secernendis, omnis reliqua pars, per venam umbilicalem aduecta, necessario per arterias umbilicales refluerè debet: qua ratione enim aliqua massae huius pars in pulmonibus, tanquam in diuerticulo, retineri et tamen secernenda secerni; reliqua vero pars, sine proportionis, inter venae atque arteriarum umbilicalium functionem obtinentis, laesione, ad matrem redire, idque per plures menses ordine fieri possit, me non intelligere lubens fateor. Ceterum, quando saepius memoratus ME-RY rationes suas roborare conatur illa experientia, qua funiculi strictura, respectu respirationis nondum vel semel inchoatae, suffocationem nunc inducit, nunc secus (a): facile quisque intelligit, exinde iugem aeris per venam umbilica-

(a) Vid. observationes eius supra p. 62, in nota subiecta c. excitatas.

bilicalem cum sanguine accessum et ab hoc dependens vitae periculum non magis probari posse, quam si alius ex eo, quod nati respiratione coepta nunquam amplius carere possunt, demonstrare velit, aerem in pulmonibus cum sanguine commisceri; si vero haec argumentatio suffecisset, quid opus fuisset tam longis disceptationibus? Praeterea experimenta haec instituere nimis est graue: luditur enim de vita hominis. Et si vel etiam casu contingant, quisnam tunc, quando infantis caput in vtero sic adhuc retinetur occultatum, vt aerem ore capere nequeat, discernere valet, ex sola funiculi constrictione vitae periculum imminere? vel, si mortuus, positus his circumstantiis, in lucem edatur, hoc ex denegato tantummodo commercio cum matre, et quidem non nisi ob aeris per illud suppeditati defectum, factum esse? contrarium potius, maiori euidencia, probari poterit illis exemplis, vbi, matre mortua, foetus ipsi vtero adhuc inclusus nihilominus per aliquot horas vitam suam protraxit (a): vt taceam obseruationem HARVAEI docentem, foetum in lucem editum, membranis vero integris opertum et in aqua sua etiamnum manentem, per aliquot horas, citra suffocationis periculum, superstitem manere (b). Reliqui casus longe aliam admittunt explicationem: si enim infans sua iam gaudet respiratione, motus pulmonum ipsius, in attenuando sanguine venoso, matris subeunt vices; si vero haec semel coepta cohibetur, sanguis pulmones dilatatos copiose ingressus promoveri nequit, nisi haec iterum succurrat (c). Nunc ad reli-

L 3

quas

-
- (a) Exempla ipsa collecta reperiuntur in SCHVRIGII *embryologia* p. 118. *seqq.* minime ergo foetus eodem temporis momento vitam perdit, quo respiratio matris cessat, vti asseruit MERY *At. Acad. Reg. Sc. Paris. A. 1708. mem. 246. seq.*
- (b) Vid. SCHVRIGIVS l. c. p. 147. sub finem.
- (c) Conf. quae ex BERGERI sententia adducit SCHVRIGIVS l. c.

quas a diametro vasorum deductas rationes. Differentiam diametri, quam sollicitè mensus est MERY, in genere dari, negari nequit, etsi pauci forsàn cum illo consentiant, eam semper definita illa proportione inueniri (a). Sed quid inde inferendum? Celeberrimus HEISTERVS (b) causam quærens, quare arteria pulmonalis (in adultis etiam) amplior sit vena pulmonali, quum alias in omnibus partibus venae arteriis ampliores esse soleant, optima ratione respondet: „arteriam propterea ampliorem hic esse, quia sanguis ad cor refluus ob crassitudinem, difficulter per rete subtilissimum pulmonis vasculosum transire potest: hoc enim reluctatur vehementer, hinc aliquo modo in progressu suo retardatur sanguis, unde de arteria distenditur ac dilatatur,, vel potius hunc in finem amplior ex naturae iam legibus constituta est. Haec eadem ratio hac in controuersia locum quoque habet: licet enim sanguis in foetu ab illo vmbilicali magis dilutus supponatur (c); minus tamen arteriarum nisi motus ex respiratione oriun-

(a) Conf. *Act. Acad. Paris. A. 1699. bist. p. 33. et p. 43. A. 1718. bist. p. 21. mem. p. 281.* Ubi D. HELVETIVS magna industria haec eadem indagatus illa, quae MERY in nondum natis tanquam singularia vidit, in adultis quoque demonstravit.

(b) *l.c. tom. II. p. 90. nota 40.* conf. quae leguntur in dissert. cel. HAMBERGERI saepius excitata.

(c) Haec diluitio magni momenti vix esse poterit, iis cumprimis supra corollarium VI. p. 45. seq. demonstratis probe ponderatis, quare facile persuaderi patiar, sanguinem foetus venosum omnem semper conservari fluidorem ex eo, quod non solum aequali ubique foveatur calore (quod secus in natis aeri expositis, eorumque praesertim artubus extremis, accidit) verum etiam copiosae seri excretioni haud sit obnoxius. Illa, cum expiratione auolans, prorsus cessat; ea vero, quam nati per transpirationem cutaneam amittunt, retinetur tum a liquoris amnii ambientis pondere et pressione, tum a glutinosa huius ipsius liquoris qualitate, vel forsàn ipsa pororum constitutione: nemo enim, quantum ego quidem recordor, dilucide adhuc exposuit, quid

oriundus hic succurrit, hincque illa, vtut pauca, sanguinis portio, quae pulmones in foetu percurrit, amplioribus opus habet ductibus (a). Num vero diameter venarum pulmonalium in foetu, obseruata etiam proportionis norma, respondeat illi in adultis obuiæ (b), scrupulose disquirere nolui, nihilominus tamen certus sum, quatuor venarum pulmonalium truncos in foetu (c) minime sufficere ad canum auriculæ sinistrae eiusque sacci quouis diaстоles momento replendam.

Sed redeamus in viam. *Foraminis ergo oualis atque canalis arteriosi mechanismus in causa est, cur omnis sanguis dextrae auriculæ per ipsos migrare pulmones necessum non habeat; et, quod inde sequitur, cur foetus respiratione carere possit.* Obiicit quidem his ingeniosissimus MERY: *Licet, tanquam verum, concedatur, foetum ante partum aeris adiumen-*

sibi velit caseosa illa quasi substantia, qua recens natorum cutem vndique oblitam reperimus, vel etiam quid denotent copiosæ illae squamulae, quarum exsiccatarum casus excoriationem ferme mentitur, nostratibusque ansam dicendi praebet: DAS KIND HAEUTET SICH: conf. *dissert. meae inaug.* supra p. 62. notab. excitatae §. 22. p. 31. De vrinae parca secretionem mox plura subiungendi occasio erit; hic autem illud adhuc notari velim, BOHNIVM (*l. c. progymnasm. III. p. 36.* atque BOYLEVM (*novor. experimentor. physico-mechanicor. XLI. p. m. inter opera eius varia 142.*) adde IO. NIC. PECHLINVM (*de aeris et alimenti defectu etc. c. VIII. p. m. 98.*) ipsa experientia conuictos statuisse, motum omnium humorum in foetu tardiozem et lentum magis esse.

- (a) Conf. MANGETI *epistola* supra p. 62. nota a. allegata p. 53. seq. et rationes a D. TAUVRY *Aëtior. Acad. Paris. A. 1699. bist. p. 33.* allatae; vt et obseruatio D. CHEMINEAU *ibid. p. 43.* allegata. Rationes vero, quas opposuit D. MERY, leguntur *A. 1703. bist. p. 42. mem. p. 522.*
- (b) Valde eadem iam ampliata monstrat tab. II. fig. 28. d. d; 29. k. k. ex infante, qui per paucos tantum dies respiratione vsus est.
- (c) Tab. II. fig. 23. p. q; tab. IV. fig. 56. x. x. y. y; 69. n. o.

mento, pro sanguinis circuitu sustentando, opus non habere; hoc, prouti fert communis opinio (a), non inde dependet, quod foramen ouale cordis atque canalis arteriosus aperta sint, quodque propterea sanguis libere hos meatus, dum foetus matris gremio inclusus tenetur, transeat; quia iidem meatus satis longo a parvulo interuallo, eadem ratione, aperti manent, et nihilominus foetus, quam primum libero aeri exponitur, respiratione amplius carere nequit (b): At, verum licet sit, infantem recens natum, in quo viae saepius memoratae omnino adhuc patent, non minus respiratione inchoata continuo indigere (c), quam adul-

(a) Cui respondent, quae leguntur *Actor. Acad. Reg. Paris. Scient. A. 1699. bist. p. 44.*

(b) *l. c. A. 1693. p. 197.*

(c) De hoc asserto cum MERYO vix vnquam dubitarunt plerique; sunt tamen, qui contrarium tueri susceperunt. Vt taceam BOHNIVM, qui (in circulo suo anatomico - physiol. progymnasm. III. p. 40.) duos excitat casus de contrario testantes, THOMAS CORNELIVS CONSENTINVS (in progymnasm. VII. notante PECHLINO *l. c. cap. IX.* et MICH. ERN. ET TMVLLERO in *dissert. de circulatione sanguinis in foetu. Lipsiae 1715. ventilara, §. 13.*) in genere pronunciat: „recens natos pueros posse aliquandiu, sine vitae valetudinisque iactura, respiratione privari, quia scilicet in iisdem patent viae ductusque, per quos praeccluso pulmonum transitu, sanguis perlabitur., quid? non dubitat, „quin studio dataque opera effici possit, ut foramen ouale et canalis arteriosus in puerulis infantibus minime aboleantur, sed una cum ceteris partibus progressu aetatis adolecant et perficiantur, unde adulti iam queant vitam amphibiorum instar pro-ducere: scilicet, si illorum ora naresque in die saepius obturentur et spiritus intercipiatur tamdiu, dum sanguinis portio aliqua in sinistrum cordis ventriculum magnamque arteriam insuat, nunquam eiusmodi ductus exarescere putat., Sed merito laudatus PECHLINVS *l. c. cap. IX. p. m. 108. 113.* experimentum hoc declarat fallax atque infidum, et contra monet, infantes respirationis cohibitionem tam aegre pati, ut vel ad minutulum interuallum statim liuidae mortis signa circumferant etc. Nec ego quidem periculum in homine facerem: nonne constat

adultiores, in quibus dictae viae penitus occlusae ut plurimum reperiuntur; haec ipsa phaenomena tamen nondum probant ea, quae vult MERYVS, inde concludens: ergo hi meatus neque in foetu nondum respirante pulmonum causa exstructi sunt. Nolumus quidem in huius asserti probationem prouocare ad sententiam illorum, qui vrinatorum vel animalium amphibiorum facultatem vitam sub aquis, ubi respiratio cessat, sat diu trahendi inde explanare student, quod in his meatus praedicti semper iidem permaneant (a), quia non solum exinde sequeretur, omnia animalia ipsumque hominem, primis saltem post partum diebus, facultate hac gaudere, quod tamen nondum probatum, quin contrarium potius euitum est; sed et quia observationes ipsae in amphibiiis institutae multum adhuc variant (b). Neque etiam lubet ad solum confugere *situm et*

M

fora-

constat, catulos primis etiam post partum diebus in aquas proiectos statim perire? cui dubium oritur hoc ex alia causa vel frigore aquae accidere, is aquam tepidam adhibendo vel fauces naresque constringendo in his certior fieri poterit.

(a) Conf. ETTMVLLERVS l. c.

(b) Cl. CHESELDENVVS nunquam foramen ovale apertum in dictis animalibus reperire potuit, licet plurima dissectioni submiserit, adeoque aliam ob rationem animalia ista sub aquis vivere posse iudicat: ob amplitudinem nimirum venarum, quae maximam sanguinis copiam recipere possunt eo tempore, quo non respirant, id quod impedire dicit, quo minus pulmones eorum sanguine obruantur. Vid. cl. VATERI *programma supra p. 31. nota a. excitatum*. Auctor quoque historiae *castoris*, quae legitur in *descriptione anatomica diversorum animalium supra p. 51. nota a* commemorata, vestigii tantum foraminis ovalis meminit, in *lutrae* autem sectione vel illius umbram deprehendere non potuit. Addit quidem, pristinae sententiae fauens, maxime probabile videri, foramen hocce haud ita pridem in castore clausum fuisse ex eo, quia idem per aliquot annos Versaliis ita custodiebatur, ut ei omnis libertas aquis submergendi prohibita fuerit; lutram vero, ob naturalem huius foraminis defectum, non aeque diu,

M

ac

foraminis ovalis et canalis arteriosi a pulmonibus aere semel dilatatis mutatum. Qui considerat, pulmones inflatos eleuari et nunquam ita amplius, ac ante respirationem, subsidere, facile quidemprehendit, corculum in medio eorundem suspensum cum illis trahi, eo ipso vero effici, ne directio sanguinis ex vena caua inferiore accedentis ea, quam supra p. 76. num. 6. demonstrauiamus, accuratione foramin;

ac castorem, sub aquis haerere seu respiratione carere posse, sed facilius cogi ex aquis, aurae captandae gratia, emergi. Quod ad lutram attinet, ii, quibus occasio suppetit, inuigilabunt, num assertum nullam vnquam patiatur exceptionem; in castore, ipsis in Danubii aquis suffocato, accuratissima celeberrimi quondam WEPFERI peruestigatio (*vid. Ephemer. N. C. Dec. I. A. II. Obs. CCVI. p. 355. GERH. BLASII anatome animal. p. 45. a. VALENTINI amphitheatr. zoot. p. 164. a.*) foramen hocce clausum ostendit. Contra cl. D.D. IO. ADAMVS KVLMS (*miscell. Vratisl. Suppl. I. p. 107.*) in castore adulto, Gedani ex mari retibus protracto, idem foramen magnitudine lentis adhuc peruium, et in phoca seu vitulo marino adulto non solum hocce foramen, verum et ipsum canalem arteriosum penitus adhuc apertum inuenit (*vid. l. c. p. 116. et Aët. Acad. Caes. N. C. Vol. I. Obs. V. p. 16. ubi simul docetur, qua ratione meatus hi sine detegendi*), quorum obliterationem factam SCHELHAMMERVS (*in peculiari de phocae maris anatome schediazmate, Hamburgi 1707. in 4. edito, conf. VALENT. l. c. Part. II. p. 88. b.*) docuit; liberum autem hiatum Parisienses (*in descriptione anat. citata et apud VALENT. l. c. p. 94. a.*) iterum obseruarunt. Ex iis, quae cor testudinis manifestat, nihil probari posse, prolixè demonstrare conatus est MERY (*Aët. Acad. Reg. Paris. Sc. A. 1693. p. 198. seqq.*) ; vtrum vero rationes adductae ad castorem, phocam etc. applicari quoque possint, aliis diiudicandum relinquimus, id tantum addimus, raram pulmonum testudinis texturam minus impedire, quo citra eorum motum sanguis eosdem peruagari possit. Ceterum an in reliquis amphibis, et quibusnam in specie, foraminis ovalis itemque canalis arteriosi hiatus ordinarie permaneat, vel praeter ordinem, vti in ipso humano corpore haud ita raro contingit (de quo mox plura), nonnumquam tantum occurrat, adeoque qualitas subeundi aquas peculiaris aliunde omnino deducenda sit (*conf. PECHLINVS l. c. cap. IX.*) pluribus eget obseruationibus.

mini ouali respondeat: idem ex eadem causa canali arterioso quoque contingere, pariter necesse est; attamen alterationes, quas inde meatus hi patiuntur, tantae nobis non videntur, quantae ab aliis (a) declarantur, alias vter-

M 2

que

- (a) *Foraminis oualis* situm ex causa praedicta mutatum prae reliquis laudatus VATERVS l. c. cum cel. RIDLEYO sollicitè annotauit atque figuris ab eodem mutuatis illustrauit (vid. tab. nostrae III. fig. 50. 51. 52. 53.) quarum tamen normae an natura tam exacte, quam ingenium mechanicum, respondeat, plurimum meretur confirmationem. Quomodo *canalis arteriosus* situm suum mutet, cl. VATERVS l. c. ita exprimit: „*Ductus arteriosus, qui ob flaccidum, ante respirationem inchoatam, pulmonem et depressam arteriam pulmonalem via directa versus aortam patebat, pulmone, respiratione facta, expanso, et aorta hac ratione eleuata, obliquum situm accipit, ut propterea sanguinem per illum transiurum motu retrogrado ferri necesse foret, ut ex figura CHESELDENI (in the Anatomy of the human Body tab. XXIII.) patet, unde ille potius, via patefacta, per arteriam pulmonalem ad pulmonem progreditur.*„ Prolixius adhuc eadem demonstrauit D. BERNARD (in dissertatione sua inaugurali saepius iam excitata): postquam enim situm huius canalisi ante respirationem factam his p. 14. descripsit verbis: „*canalis toto decursu parallelus aortae est, eiusque angulum a sinistra parte contingit, eodem etiam, quo ille, modo se curuans: et ubi se inserit, tam acutum cum ea parte aortae, quae e corde venit, angulum facit, ut non possit acutior, quippe quam toto decursu, donec confluat cum ea, continet.*„ Itaque sanguinem aortae descendenti recta infundit, aequè ac ipsa aorta a corde veniens etc.“ de situ eiusdem, respiratione accedente, mutato p. 17. ita pergit: „*Antequam respiret foetus -- arteria pulmonalis a corde reuersum incedit, diuiditurque se in duos ramos, quorum altero ad sinistram vadit pulmonem, altero ad dextrum; viroque pariter reuersum incedens: cum distenduntur pulmones aere, irabuntur rami illi arteriae pulmonalis, eoque ipse truncus magis reuersum irabitur, maxime ad dextram, quoniam dexter ramus eius pone aortam incedit. Canalis autem arteriosus e pulmonis oritur, paullo antequam illa subeat aortae angulum, ac dein*“
- secun-

que meatus multo citius transformationem subire cogere-
tur quam quidem obseruatur, de quo mox plura. Interim
tamen contra experientiam et tot euidentēs demonstratio-
nes minime negamus, mutato post inspirationem pulmo-
num situ atque compage, mutari quoque memoratorum
hiatum orificia, ita, vt sanguis aegre magis per illa, facili-
us contra per pulmones, fluat; id vero ponderandum com-
mendamus, annon eam ob rationem, sapientissimo con-
filio, saepius nominati meatus aliquandiu post partum a-
perti maneant, quia ex naturae legibus vasa pulmonalia,
vno statim impetu, omnem sanguinis, quam vtraque ve-
na caua affert, copiam, sine suffocationis periculo, ferre
nequeant (a)? et annon, respiratione semel coepta et san-
guine, ob mutatum inde foraminis oualis et canalıs arte-
riosis situm, copiosius ad pulmones adactō, omnino, re-
spiratione iterum sublata, suffocationis oriatur periculum,
quia ordinaria pulmonum substantiae in hominibus textura
non sufficit ad sanguinem contentum tanta promouendum
celeritate, quantam momentanea vtriusque ventriculi cordis
repletio atque depletio reciproca exposcit. His demonstra-
tis, facile intelligere possumus, quare foetus, obseruante

HAR-

„secundum angulum illum decurrit: itaque pulmonali magis reuersum,
„et in primis a dextra parte, tracta sub aorae angulo, contra eun-
„dem angulum comprimitur canalıs arteriosus. Ex quo difficilius in
„eum penetrare potest sanguis in pulmonalem impulsus, qui eodem
„tempore facilius per arteriae pulmonalis ramos permeat, ob distentos
„pulmones, propellentemque respirationem etc.“

- (a) Conferri hic merentur, quae in cl. SCHREIBERI dissertatione inau-
gurali de *fletu* Lugd. Batau. A. 1728. habita, Lipsiae vero An. 1729.
sub titulo: *Meditationes philosophico-medicae de lacrimis ac fletu
repetitae magisque euoluae*, iterum ventilata, passim inserta repe-
riuntur.

HARVAEO (a), in lucem iam editus, membranis vero suis adhuc inuolutus, sine respiratione vivere possit, et quare foetus illi, quorum BOHNIVS (b) meminit, viui reperti fuerint: vel enim aer inspirandus haud prorsus his praeclusus fuit, vel respirationem nondum experti fuerunt. Quando denique nonnulli foraminis ovalis et canalis arteriosi vsum in eo tantum quaesiverunt, *ut sanguinis in corpore tenelli circuitus redderetur breuior*, hi non attendisse videntur, periodum hanc, ratione vasorum vmbilicalium, in foetu multo existere longiorem quam in adulto, quod supra iam p. 84. annotauimus, nisi velint, verba sua ita explicari, ut breuior dicendus sit intuitu pulmonum: quamuis neque per hos omnis commeatus sublatus sit. 10.) *Hiatus foraminis ovalis atque canalis arteriosi clauditur ex mutatione partium eos componentium, quam situs mutatus iuuat.* Quod ad septi perforati mutationem attinet, scimus, marginem vtriusque partis semilunari gaudere figura (c): quo diutius foetus post partum vixit, eo magis margo hic, atque cumprimis partis posterioris, angustatur (d) seu contrahitur. Et quum ipsa vtriusque partis substantia simul crassitudine magis magisque augeatur, hincque immobilior fiat: non mirum est, partes hac ratione semper contiguas tandem reddi continuas, quem coalitum, ex mente cl. VATERI (e), multum iuuant fibrosae productiones ad margines

M 3

repe-

(a) De quo supra p. 85. nota b.

(b) Vid. supra p. 88. nota c.

(c) Vid. tab. I. fig. 8. k. l; 10. a. a; 20. g. h; tab. II. fig. 25. k. k; tab. IV. fig. 58. g. g; 60. h. h. quae anterioris et in dextra auricula terminatae partis marginem depingunt: et tab. I. fig. 9. f. f; tab. II. fig. 26. k. tab. IV. fig. 61. d. f. quae posterioris et ad sinistram auriculam protensaе partis faciem monstrant.

(d) Vid. tab. II. fig. 28. n. n. 29. r. tab. III. fig. 41. e; 42. b. b.

(e) l. c. conf. supra p. 70. seq.

repetitis vicibus obseruatae. Si forte dispositio fibrarum horum marginum peculiaris non permittit, vt contrahantur, vel etiam excitatae productiones fibrosae non oriuntur, vel denique pars membranacea partis posterioris, valvulam constituens, debilior remanet: caussa inde deduci posset, cur in aliquibus hiatus foraminis ovalis nunquam claudatur, cuius exemplum tab. I. fig. 21. produximus. aliique complures non solum in adultioribus, verum et ipso senio confectis, iam annotarunt. Forte etiam extremitates vtriusque partis inter se arctissime contiguae et tamen non continuae saepius sunt, quam indagatum fuit (a), etsi nondum hoc ipsum, et multo minus illud, quando hiatus liberrime patulus relinquitur, ad naturae fieri normam cum LEONARDO BOTALLO (b) atque CAECILIO FOLIO (c) asserere auderem

Quod

- (a) Conf. quae a cl. MORGAGNI *aduers. anat. V. p. 23.* et a NICOLAI b. m. *comm. litt. 1732. hebdomada XXXIII. p. 260.* obseruata leguntur,
- (b) *In obseruat. anatomicis, quas opera eiusdem a IOH. van HORNE Lugd. Batau. 1660. in 8. edita et illustrata continent, vbi tertia earum p. 66. inscribitur: vena arteriarum nutritrix, a nullo antea notata.* Miratur merito van HORNE, qui fieri potuerit, vt BOTALLVS venam, quam indicat, quaeque nil aliud est quam foramen ouale, nouiter detectam dicere minusque adaequato nomine compellere haud erubuerit, quum eandem GALENVS iam, et maiori adhuc diligentia, posteros edocuerit. Adde quod vni obseruationi rem suam crediderit, neque exposuerit cuius aetatis subiectum, quod obseruationem suppeditauit, fuerit.
- (c) Loco p. 31. not. b. citato. Hic optime sciuit anastomosin seu foramen ouale, in foetu auriculam dextram atque sinistram intercedens atque a GALENO descriptum; praeiudiciis autem occupatus ita argumentatus est: „quibus natura una vice est usa, iisdem et semper „uti credendum; at illa in foetu anastomosin venae cauae cum arteria venali (vena pulmonali) adhuc ideo efformauit, ut nempe trans-

tus

Quod ad canalis arteriosi mutationem attinet, in hoc
pro-

tus a dextra in sinistram auriculam sanguini praeberetur: igitur et“
in adulto eadem uti via credendum erit.“ Hoc ipsum experientia quo-
que comprobare annuitur: noluit enim cum GALENO consentire,
foramen ouale in animali iam nato semper claudi, quin potius affir-
mauit, „se contrarium saepius saepiusque demonstrasse, non sine ta-“
men maximo labare summaque cum difficultate, et ob foraminis tor-“
tuositatem in aliquibus, ac propter pellicularum impedimentum, quae“
ad instar valvularum in utroque latere sunt appositae. Concedit ta-“
men, foramen hoc in aliquibus naturae forsitan beneficio aboleri, id“
circo tamen eadem, ut in omnibus prouidam, ita et in his maxime“
benignam, foramina quaedam efformasse, per quae libere sanguis et“
apposite magis a dextra in sinistram asportatur auriculam, quod v-“
nusquisque ex se clare poterit videre, simili experimento, videlicet:“
bene alligetur animal anatomizandum, dissecceturque ipsius thorax“
atque ita corde a pericardio optime liberato, alligatis statim vasibus“
omnibus superioribus a corde promanantibus siue exeuntibus, caua“
vena excepta, inde derepente secentur ventriculus et auricula sinistra“
optime a sanguine spongia, aut potius candido linteolo, detergantur,“
clareque ac manifeste videbitur per iam dicta et hic insculpta,“
(Tab. III. fig. 54. f. f. f. quam illustrationis gratia et ob archetypi ra-
ritatem mutare duximus), foramina exire sanguis, quod saepius ac“
saepius in brutis quam plurimis sum expertus., Haec foraminula di-
stinguenda sunt ab illis, de quibus GALENVS de usu partium L. VI.
c. XVII. et de nat. facult. L. III. c. XV. loquutus est, quaeque IOH.
RIOLANVS Antropograph. L. III p. m. 239. et libro de circul.
sangu. p. m. 559. cum GASSENDO strenue propugnauit, utpote
quae in septo ventriculorum reperiri traduntur. Foraminula a FOLIO
descripta sigillatim quoque recenset RIOLANVS l. c. conf. MAVR.
HOFMANNI theses medicae de transitu sanguinis per medium cordis
septum impossibili, Altd. 1659. ad disputandum propositae. Quem-
admodum autem foraminula a GALENO notata forte nil aliud sunt,
quam oscula venarum ADAMI CHRISTIANI THEBESII (vid.
dissert. eius inaugur. de circulo sanguinis in corde Lugd. Batav. venti-
lata et fauoriae 1708. recusa, posteaque correctior Lugd. Batav. 1716.
in 8. edita) et PHIL. VERHEYENI (de corde cap. IX, et X); ita
haec

productiones vtrique orificio eius appositae eodem naturae ordine prolongantur, quo tunicae ipsius canalis, cavitatem versus, crassitudine augentur, vnde sensim sensimque meatus hic clauditur (a). Falsum itaque est, canalem hunc tantum exsiccari atque imminui, vt probe iam iterum notauit laudatus VATERVS (b). Num vero tubulus hic, aequae ac vena vmbilicalis, peculiari quadam substantia medullari repleantur, vt idem loqui amat; an vero haec ipsa substantia nil aliud sit, quam tunicarum interiora versus auctio, vt mihi videtur, parum discriminis inuoluit. Qua ratione situs tum huius canalis, tum foraminis oualis, post respirationem foetus mutatus, occlusionem iuuare possit, facile ex iis, quae supra p. 90. seq. adduximus, intelligitur; in hoc tamen primariam praedicti effectus causam non esse quaerendam, declarat non solum diuersus in variis successus, ibidem iam annotatus, verum etiam analogiae in reliquis defectus. Vt plura (c) taceam, canalis venosus a respiratione seu diaphragmatis motu alia non patitur, quam reliqui venae cauae rami ex iecore prouenientes, et tamen hi seruantur aperti, ille obturatur. Nondum ergo necessitas mechanica vbique tam evidens est, vt illam perspicere queamus, sed saepissime, prouti hic quoque, in voluntate creatoris, qui naturam

haec a FOLIO indigitata sine dubio coincidunt cum orificiis ductulorum obliquorum, communicationem inter venam pulmonalem et cauam praestantium a NICOLAI saepius repertorum. vid. *commerc. litt.* 1732. *bebdm.* XXXIII. p. 260. et conf. THEBESIVS atque VERHEYENVS II. cc.

- (a) Vid. tab. III. fig. 43. a; 44. c. Quae hanc in rem commentatus est cl. D. D. AGRICOLA leguntur in *commerc. litt.* A. 1735. *bebd.* IV. p. 27.
- (b) loco saepius citato.
- (c) De vasis vmbilicalibus satis mentem meam exposui *commerc. litt.* 1733. *bebd.* L. p. 393. *seqq.*

turam in omnibus producendis necessaria virtute donauit, acquiescere debemus, quando perpendemus hanc partem augeri, illam imminui; hunc meatum claudi, illum aperi-ri; omnia vero ad scopum certum sapientissimumque contingere. II.) *Tempus variat, quo plenaria foraminis ovalis, canalis arteriosi venosique aequae ac vasorum umbilicalium, consolidatio succedit.* Meatum vasorum umbilicalium vario tempore claudi, exemplis alibi (a) comprobavi. Eodem modo rem procedere in reliquis, non solum CARCANVS supra p. 8. seq. excitatus, verum et alii plures consentiunt. In vitulo quinque hebdomadum canalis arteriosus (b) penitus iam erat clausus, et ex foramine ovali apertura capitulo aciculae vix maior (c) tantum restabat. Infans aliquot dierum foramen ovale maxima ex parte iam clausum (d) exhibebat, dum canalis arteriosus (e) aequae ac venosus (f) ipsaque vasa umbilicalia amplissime adhuc patebant; in alio vero II. hebdomadum vasa umbilicalia maximam partem (g); canalis vero venosus (h) et arteriosus (i) plenarie erant consolidata, dum foramen ovale, multo magis quam in priore, adhuc hiabat (k).

Sed haec sufficiant ad mentem nostram declarandam,
N quam

(a) *Commerc. litt. A. 1733. hebdom. XLIX. p. 387. L. p. 394. seq. A. 1734. hebdom. XXVIII. p. 219. XXIX. p. 225.*

(b) Tab. II. fig. 35. b. c.

(c) Fig. 33. g; 34. d. d.

(d) Fig. 28. n. n. o; 29. r. s.

(e) Fig. 30. f; 31. c.

(f) Fig. 28. h; 29. n.

(g) Tab. III. fig. 39. r. s. z. z. a.

(h) Fig. 39. o; 40. i.

(i) Fig. 43. a; 44. c.

(k) Fig. 41. d. e; 42. b. b.

quam breuibus repetere et omnia connectere liceat. Sanguis dilutus atque particulis chyli nutrientibus aequae ac aeris elasticis refertus, per arterias spermaticas, hypogastricas et haemorrhoidales externas (a) matris ad vterum delatus, committitur osculis venarum placentae (b). Hae venae ex plurimis ramulis in vnum plerumque colliguntur truncum, qui nomine venae umbilicalis notus, tortuoso flexu funiculum (c) percurrit, abdomen foetus ingreditur, a sinistris dextrorsum excurrens

(a) Vid. HEISTERI *comp. Par. I. p. 104.*

(b) Dubium haud leue contra immediatum vaforum placentae cum vteri vasis nexum excitauit RVYSCHIVS, affirmans se reperisse, peculiarem membranam, vel saltem huic analogum quippiam, intercedere placentam vterumque (vid. eiusd. *thes. anat. II. p. 23. num. II. 4. p. 26. num. XVIII. thes. III. p. 29. num. XXV. I. thes. V. p. 26. num. LVII. thes. X. p. 25. num. LX.*); sed MERY et ROUHAULT huius membranae existentiam rursus negarunt (vid. *Acta Acad. Reg. Sc. Par. a. 1708. mem. p. 243. seq. conf. a. 1706. bist. p. 27. et a. 1714. bist. p. 13. seq. mem. p. 181. seqq.*); BERNARDVS quoque eandem non, nisi vt coagulum ex sanguine extrauafato compactum, agnouit (*loco suprap. 43. not. b. citato p. 5.*). Quemadmodum autem RVYSCHIVS haud facile nubem pro Junone amplexus est, ita vero similis mihi videtur, hanc RVYSCHII membranam esse eandem ac peculiarem illam reticularem, quam D. ROUHAULT summo studio demonstrauit, quamque vasa vteri, retis instar MALPIGHII cutem atque cuticulam intercedentis, colligare inuenit (*Act. Acad. Reg. Sc. Par. a. 1714. bist. p. 16. mem. p. 181. seqq.*). Huiusce membranae etiam meminit HEISTERVS (*comp. anat. T. I. p. 103.*), quae ita constructa nexum vaforum vteri cum vasis placentae immediatum nequaquam impedit. Ceterum hunc nexum vberius, adductis recentiorum observationibus atque experimentis, illustrauit IO. VALENT. HARTTRAMFFT in diss. sua inaug. *de non differenda secundinarum adhaerentium extractione*, sub praef. D. D. IO. CASP. KÜCHLERI Lipsiae d. 23. Dec. 1735. ventilata § 7. *conf. commerc. litt. A. 1736. hebdom. XI. p. 87.*

(c) Vid. tab. V, fig. 71. y. y; 72. 55.

rens, sub iecoris lobo sinistro (a) seu minore, parti sinistrae sinus venae portarum (b) implantatur et sanguinem, quem affert, in dictam partem sinus venae portarum ampliata effundit Sanguis venae umbilicalis hic locorum miscetur cum illo per venam portae (c) ex ipsis foetus visceribus allato. Maxima huius miscelae pars varias venae portarum per iecoris substantiam distributas propagines (d) intrat, bilis secretioni opitulatur et tandem, mediantibus venae cauae ramis ex iecoris substantia prodeuntibus (e), ad dextram cordis auriculam (f) peruenit, dum minor dictae miscelae portio, recto tramite, per canalem venosum ad truncum venae cauae inferioris ascendit (g) et absque ambagibus ad eiusdem dextrae cordis auriculae cauum deducitur. Sanguis quem venae cauae inferioris truncus (h) huic auriculae infundit, valvulae Eustachii ministerio (i), ita dirigitur, vt magna eius pars statim sub auricularum diastole foraminis ovalis hiatum (k) intret, et ad sinistrae auriculae cauum

N 2

(a) per-

-
- (a) Vid. tab. I. fig. 1. e. e; tab. III. fig. 39. q. r. s; tab. V. fig. 71. k; 72. h; 73. f; 74. e.
- (b) Tab. I. fig. 1. e. e. i. i. tab. II. fig. 23. 24. g. d. tab. IV. fig. 55. 56. a. b. b. tab. V. fig. 74. e. i.
- (c) Tab. I. fig. 1. G. tab. II. fig. 22. 23. a. a. tab. III. fig. 39. k. tab. IV. fig. 55. 56. g. tab. V. fig. 73. g. g. 74. f.
- (d) Tab. I. fig. 1. i. i. tab. II. fig. 22. 23. f. f. f. f. tab. III. fig. 39. n. tab. IV. fig. 55. 56. c. c. c. c. tab. V. fig. 74. i.
- (e) Tab. II. fig. 22. 23. i. i. i. tab. IV. fig. 55. 56. i. i. i. tab. III. fig. 40. k.
- (f) Tab. II. fig. 22. 23. n. tab. IV. fig. 55. v. v.
- (g) Tab. I. fig. 1. L. m. n. tab. II. fig. 22. 23. h. tab. IV. fig. 55. 56. h. tab. V. fig. 74. k.
- (h) Tab. I. fig. 1. Z. tab. IV. fig. 55. 56. n. o. o.
- (i) Tab. II. fig. 28. k. tab. III. fig. 41. c. c. tab. IV. fig. 58. f; 59. b; 60. e.
- (k) Tab. I. fig. 10. d. fig. 20. f.

(a) perueniat, reliqua vero, dicta diastole aucta, in ipso auriculae dextrae cauo colligatur et cum sanguine per venam cauam superiorem descendente (b) misceatur, donec, systole harum et diastole contra ventriculorum superueniente, mixtura haec ad cauum ventriculi dextri (c) descendat, et per huius contractionem subsequenter in arteriam pulmonalem (d) expellatur. Sanguis porro trunco arteriae pulmonalis (e) commissus maximam partem per canalem arteriosum (f) decurrit ad aortae truncum descendentem (g), reliqua intrat ramos per vtrumque pulmonis lobum distributos (h), vbi vltimae propagines eundem sanguinem venis pulmonalibus tradunt, quae (i) illum ad sinistram cordis auriculam, in harum diastole, deducunt. Tunc sanguis hic ibidem cum illa portione, ex dextra auricula per foramen ouale adueniente, mixtus et, valvula foraminis oualis, facta auricularum diastole, viam regressus praeccludente (k), retentus, accedente harum systole, ventriculorum vero diastole, ad sinistrum cordis ventriculum (l) delabitur, vnde, ventriculorum systole redeunte, ad aortae arcum (m) propellitur, ibidem arcus truncos ascendentes et cum artubus

-
- (a) Tab. I. fig. 9. f. f. tab. III. fig. 42. b. b.
 (b) Tab. II. fig. 28. e. m. q. tab. IV. fig. 58. d. k. m. m; 59. g. h; 60. m. k.
 (c) Tab. II. fig. 27. a; 32. a. tab. III. fig. 40. c. tab. IV. fig. 59. k; 62. b.
 (d) Tab. II. fig. 27. e. 32. e. tab. IV. fig. 62. c.
 (e) Tab. II. fig. 24. f. tab. IV. fig. 56. z. 57. f.
 (f) Tab. II. fig. 23. t; 24. h; tab. IV. fig. 56. a. a; 57. h. h.
 (g) Tab. II. fig. 23. v. β; 24. i. k. k; tab. IV. fig. 56. β. 57. i. k.
 (h) Tab. II. fig. 23. r. s.
 (i) Tab. II. fig. 23. p. q. tab. IV. fig. 55. α β. 56. x. x. y. y.
 (k) Tab. II. fig. 25. i; 26. i; tab. IV. fig. 58. h. h; 60. g; 61. e. e.
 (l) Tab. II. fig. 27. b; 32. b. tab. IV. fig. 62. d.
 (m) Tab. II. fig. 23. v. v; 24. i. i; 27. f; 32. f. tab. IV. fig. 57. k. l; 62. e.

tubus superioribus, collo et capite, communicantes (a) potissimum intrat, ceterum vero cum illo ex canali arterioso (b) appulso iungitur, et per truncum aortae descendentem (c) ad omnes reliqui corpusculi, thoracis scilicet, abdominis et artuum inferiorum, partes nutriendas atque augendas deuoluitur. In hoc decursu superfluum in regione iliaca per arterias abscedit vmbilicales, vtrunque iuxta vesicam vrinariam ad vmbilicum ascendentes (d) et extra illum venae vmbilicali, spirali pariter tractu, associatas, quae illud venis vteri materni iterum reddunt (e), simul vero cum venis placentae communicant (f). Reliquum sanguinis intra corpusculum foetus periodum suam absolvens, redit vel ex artubus superioribus, capite et collo itemque thorace per venam cauam superiorem (g) a chyloso lymphaticoque latice ipsius foetus, ductus Pecquetiani adminiculo, irrigatus; vel ex visceribus infimi ventris artubusque extremis per venam cauam inferiorem (h) cum vena portarum iunctam, sanguine materno, per venam vmbilicalem de-

N 3

nuo

- (a) Tab. II. fig. 23. x. y. z. a; 24. l. m. n. o; tab. IV. fig. 55. e. n. 5 9 a; 57. m. n. o. p. q.
 (b) Tab. II. fig. 23. t; 24. h. tab. IV. fig. 56. a a; 57. h. h.
 (c) Tab. II. fig. 23. v. β; 24. i. k. k. tab. IV. fig. 56. β. 57. i.
 (d) Tab. V. fig. 71. t. t; 72. q. q. q. q.
 (e) Conf. cel. HEISTERI *comp. anat. Tom. II. p. 85. not. 36. SCHVRIGII embryolog. p. 97. seqq. HERM. BERNARD. loco supra p. 43. notab. citatop. 3. 10.*
 (f) Vid. DRELINCVRTIVS *de concept. foet. hum. perioch. 39. seqq. p. 79. seqq. et SCHVRIGIVS l. c. p. 100. §. 5. itemque BERNARD. l. c. p. 11.*
 (g) Tab. II. fig. 22. 23. l. l. m. tab. IV. fig. 55. p. p. q. r. s; 58. d; 59. g; 60. m.
 (h) Tab. II. fig. 22. 23. i. i. i. k. k. tab. IV. fig. 55. 56. i. k. l. m. n. tab. V. fig. 73. i. i. l. 74. l. l. n.



nuo accedente, dilutus. Postquam vero infans aeri libero expositus respirare coepit, hinc vero tum sanguis venae cauae inferioris per foramen ouale, tum ille arteriae pulmonalis per canalem arteriosum parcius fluit. pedetentim vero maiori copia per ramos arteriae pulmonalis ad pulmones dirigitur, ipseque hiatus foraminis ovalis atque canalis arteriosus, nec non vena umbilicalis atque canalis venosus, itemque arteriae umbilicales sensim sensimque coarctantur ac denique penitus obliterantur, scena haec mirabilis clauditur, simul vero illa, superius p. 58. seq. explicata, non minus admiranda, aperitur, quamdiu homo viuit duratura.

XII. *Vrachi in foetu humano usus extra eius abdomen nullus, intra illud obscurus est.* Dari in quadrupedibus cornigeris, vel potius in anteriori superioris maxillae parte edentulis et ruminantibus, seu foetus suos cotyledonum ope alentibus, canaliculum quendam tenuem, ex fundo vesicae urinae ortum atque in breui eorum funiculo umbilicali inter reliqua vasa excurrentem, vrachi nomine a veteribus insignitum, postea vero, inter amnion atque chorion, peculiarem prorsus in saccum expansum, alantoidis nomine venientem, omnes sciunt atque cel. HEISTERVS (a) singulari studio illustrauit; inueniri vero eundem canaliculum in homine quoque et aliis animantibus vtrunque dentatis et simplici placenta foetui prospicientibus, varie haecenus affirmatum est. Quidam nullum omnino discrimen inter vtrumque animalium genus admiserunt, quos inter ipse TAUVRI (b) et LITRE (c), anatomici accuratissimi,

(a) *Ephemer. Not. Cur. Cent. VI. obs. 24.*

(b) *Ad. Acad. Reg. Scient. Paris. A. 1699. hist. p. 37. seq.*

(c) *l. c. A. 1701. hist. p. 28. mem. p. 115. A. 1702. hist. p. 38.*

tissimi, referendi sunt. Alii canaliculum hunc longe extra fores vmbilici demonstrare haud conati, proinde vero venditare haud veriti sunt, hunc canaliculum, vmbilicum vix egressum, in minutissimas findi fibras atque humorem, scilicet vrinosum, quem vehit, modo visum pene effugiente, exonerare in ipsam amnii cavitatem, foetus domicilium, quorum antesignanus iam fuit HIER. FABRICIVS AB AQUAPENDENTE (a). Plurimi denique ne vllum vestigium huius canaliculi deprehendere potuerunt, sed loco eius productionem quandam solidam, vix vltra vmbilici terminum protensam, inuenerunt. Diuersas has sententias collegit SCHVRIGIVS (b), quas quidem ponderare supersedemus, cum primis quum visum repertum facti res sit, citra auctoris famam imminuendam in dubium non vocanda. *Ita vero, vt cum SCHVRIGIO verbis vtar VOPISCI FORTVNATI PLEMPH (c), non solum ea, quae ratione sola iudicari possunt, in disputationem veniunt, sed etiam quae sensibus queant comprehendere; attamen natura etiam quandoque a via consueta paullulum recedit, ita, vt duo scrutatores, solertia fideque pares, in iis, quae omnino sensus incurrunt, discrepare possint.*

His praemissis, liceat nostras producere observationes, simulque easdem cum aliis, iis saltem a praeiudicii crimine absolutis, conferre, indeque ad vsum genuinum argumentari. Deprehendimus autem semper corpus quoddam teres, conicum, ex fundo vesicae vrinariae, vbi crassissimum est et calamum stramineum maiorem aequat, ortum, duplicatae peritonaei membranae inter duas arterias vmbi-

(a) De formato foetu cap. VII.

(b) Embryologiae sect. I, cap. III, p. 70. seqq.

(c) Fundam. med. L. II. cap. 5. fol. 210,

umbilicales inhaerens (a) et paullo post suum ex umbilico egressum in tenuissimam et mox penitus, membranae instar, disparentem cuspidem terminatum (b), substantia sua cum tunica vesicae musculari continuum, ad originem vero, intra vesicae cauum, parua papilla (c), a RIDLEYO iam annotata (d), obsignatum, ceterum nec ad visum, nec ad flatum, nec quemcunque alium modum peruium. Ita comparatus vrachus, neque pro amplificandae vesicae vrinariae cauitate, neque pro vrina eiusdem extra corpusculum foetus educenda, inseruire poterit. Dubium in hisce nullum nobis facit duplex RIDLEYI experimentum, vnum, quo aquam vesicae inditam ex vracho guttatim stillare vidit; alterum, quo abscissa papilla memorata specillum per hiatum apertum intrudere, quin imo tubuli ope vrachum ad pennae anserinae magnitudinem et amplius distendere potuit: prius enim experimentum succedet, in vesica cum primis flatu ante probe distenta, ligato etiam vracho vel penitus iam consolidato; posterius, laesa tunicae nerueae continditate, inter fibras carneas et longitudinales tunicae muscularis, leuissime tantum cohaerentes, viam parauit non naturalem, vel factam iam naturalem manifestauit, non ordinariam iamiam commemorandam. Si nempe aliorum fide dignorum obseruationes conferimus contrarias (e), earum vi, corpus hoc canalem constituit paruum ad umbilicum usque peruium deprehensum: illum enim vltcrius et per integram funiculi longi-

(a) Vid. tab. III. fig. 39. y; 47. b. tab. IV. fig. 70. k. tab. V. fig. 72.

p.

(b) Fig. 70. k. l.

(c) Tab. III. fig. 48. a.

(d) Conf. *Ephem. N. C. Cent. VI. obs. 14. p. 203.*

(e) Auctores excitauit SCHVRIGIVS l. c. Adde cel. HEISTERI *obs. Ephem. N. C. Cent. III. et IV. obs. 194. p. 465.*

longitudinem, ad membranas usque foetum cingentes, apertum nullus adhuc demonstravit (a). Et licet inter amnion atque chorion quandoque aliqua inuenta fuerit aquarum collectio, ea tamen minime prope placentam semper haerebat, ut vult TAUVRY (b), sed incertae erat sedis, a connexionione cum funiculo, proindeque ipso vracho, longissime saepius distita, neque aliunde, quam ex vtriusque membranae nexu iusto laxiore et liquoris ex chorio transfudantis collectioni viam parante, orta (c). Nulla ergo datur in homine alantois, peculiare urinae receptaculum constituens (d). Deinde vero, licet extra umbilicum peruius repertus fuerit vrachus, attamen apertura eius per funiculum in amnii cauum probari non potest, certe in sensus non incurrit haec apertura, et ratio illam monstrat ut superuacaneam, quum excretio urinae, si qua fieret, facilius per vrethram peragi posset. Si qui in adultis urinam per umbilicum emingi obseruarunt, hi facile concedent, ex casu funiculi umbilici.

O

ca-

- (a) Etsi lynceus quidam obseruator tenuem adeo tubulum, vere capillarem, per totam funiculi longitudinem, vnam quasi aequantem, discernere valeret, quisnam sibi persuaderi pateretur, vesicam urinariam, sola vi sua contractili, nullo abdominis motu adiutam, tantas angustias facilius superare, quam vrethrae sphincterem aperire?
- (b) Loco p. 102. nota b. excitato.
- (c) Conf. *comm. litt. A. 1732. hebdom. XXXVI. p. 282. num. III.*
- (d) An inuolucrum, foetum humanum cingens, ex duabus vel tribus aut pluribus compositum sit membranis, quarum media alantois quibusdam audit, (conf. IO. van HORNE *μυροκοπος* §. 70. GVALTH. NEEDHAM *de formato foetu cap. III. Acta Regiae Scient. Acad. Paris. A. 1701. mem. p. 116. A. 1714. bist. p. 18. mem. p. 183. seqq. A. 1715. mem. p. 135.*) litem nulli quidem mouebimus, id tantum cum D. ROUHAULT (*Act. Acad. Reg. Sc. A. 1714. l. c.*) moneamus, mediam, si distingui mereatur, alio nomine, euitandi erroris causa, melius compellari.

O

calis cuspidem vrachi caecam ablatam (a), huius vero, antea peruii (b), cicatricem postea solutam fuisse. Nullus ergo vrachi extra umbilicum datur usus, eum vero intra abdomen esse obscurum, patet ex eo, quia, si in cavitate vrachi capacitatem vesicae augente quaerendus sit, perquam parca dicenda foret haecce accessio; si vero ligamenti suspensorii tantum in finem productus sit vrachus, ipsum peritoneum duplicatum, validis praeterea vtrinque funiculis, arteriis puta umbilicalibus, firmatum, satis superque suffecisset: evidentiore ergo usum demonstrandum expectamus.

Quando vero, praeter vesicam vrinariam, nullum ad est aliud receptaculum, urinae collectioni in foetu humano destinatum, quaeritur non immerito, qua ratione hoc carere possit? Facile quidem respondetur, superfluum per vrethram excerni in amnii cavitationem; sed non aequale probatur. Primo namque, liquorem amnii, cui innatat foetus, de vrinoso latice participare, nullum demonstrare valet experimentum (c), neque etiam liquor in vrethra

(a) Conf. tab. IV. fig. 70. b. b.

(b) Nam in his tantum, quibus infantibus extra ordinem vrachus cauus fuit, haec contingere posse persuasi sumus.

(c) D. CHRISTIANVS BERNHARDI (*in dissertatione sua inaugurali de nutritione foetus per funiculum umbilicalem Halae Magd. 1732. habita §. 18*), vim huius argumenti ut elidat, adstruit, alia iam in renibus matris esse separata. Verissimum quidem est, sanguinem matris, qui ad foetum ablegatur, valde purum esse, sed talis euenit ex mechanismo vasorum vteri atque placentae: idem enim sanguis qui ex aorta matris intrat arterias emulgentes, descendit ad vteri arterias. Sit autem valde depuratus sanguis ad foetum perueniens, salubris tamen satis adhuc pollebit. Ceterum si vrinofusus liquor, a renibus

thra paruuli congelatus repertus (a), quum hic distingui nequeat, num vrina sit, an liquor amnii, i. e. an ex vesica emittatur, an per aperturam glandis, vi pressiois in domicilium incarcerati vndique agentis, immittatur; vt taceam, sphincterem vesicae post mortem relaxatum transmittere posse vrinam, quam vitali robore gaudens retinet. Et quisnam negabit, sortem foetus humani multo deteriorem dicendam fore ista animalium cornigerorum, si ille excrementis suis sepultus iaceret, haec sola vero peculiari diuerticulo gauderent? Secundo, vrinam intra foetus humani corpusculum parce admodum secerni ratio docet, quamprimum conceditur, sanguinem, quem foetus accipit, esse iam depuratum. Adde, omnes actiones in foetu tardius peragi, de quo supra p. 86. nota c. dictum iam est. Huic assertioni equidem obstat larga satis vrinae in alantoide cornigerorum animalium saepius excitatorum collectio: sed ponderandum commendamus, annon horum nutrimentum, ex pabulo alienae prorsus ab animali regno naturae conficiendum, largiori vehiculo opus habeat (b). Tertio quae-

O 2

cun-

bus foetus segregatus, tam laudabilibus, quas Auctor ipsi concedit, qualitatibus gauderet, non video, cur nutrimenti virtus ipsi denegari possit.

(a) BERNHARDI l. c. §. 14.

(b) Ingeniose obseruata sunt, quae profert IO. CLAVD. de la COUR-VEE (*in paradoxis de nutritione foetus in utero*, Dantisci A. 1655. editis in 4. p. 29.): annotat scilicet, „illis animalibus, quae alantoide carent, strictius esse illud intestinum, coecum vocatum,“ (ex infante perfecto, recens nato, magnitudinem eius monstrat tab. V. fig. 77. 78.), „adeoque vesicam urinariam amplissimum habere spatium.“ hincque ultimo gestationis mense plenam totam occupare hypogastri-“ cam regionem? contra, quibus amplissimum est hoc intestinum, bis co-“ arctari vesicam et supplementi loco concessam esse alantoidem, velut“ alteram vesicam.

cunque etiam huius differentiae ratio subfit, certum est, vesicam vrinariam in foetu humano sufficere omni vrinae per totum gestationis tempus colligendae. Non equidem cum quibusdam asserere possumus, vesicam vrinariam adeo extendi, vt capacitae sua alantoidi respondeat, licet verissimum sit, eam in foetu longe aduultorum esse maiorem, habita nempe proportionis ratione, eandemque proin supra os pubis, vmbilicum versus, multum prominere (a): id vero in asserti nostri probationem adducimus, atretis ex vrinae retentione nullum accidere sanitatis detrimentum, neque tamen in iis aliam, quam in reliquis nascendis, produci vesicae conformationem. Eccur varia nascendum inter et natum hominem intercederet vesicae vrinariae proportio, si vterque valeret liquorem contentum expellere? Id etiam contrariam sententiam fouentes difficulter forsan explicabunt, qua ratione vesicae sphincter saepius possit relaxari et tamen sphincteris intestini recti, arctissime cum priori connexi, relaxationem non subsequi, vel ab hac subsequuta meconii, intestina maxime infarcientis, profluuium arceri.

XIII. *Ventriculus in foetu eum obtinet situm, quem actio eiusdem, deficiente septi transuersi motu, exposcit* (b). Reclinatus paullulum ad sinistrum latus ille quidem, cuius iconem exhibemus (c), apparet, reliquarum partium demonstratione hoc postulante; illud tamen situi naturali respon-

(a) Vid. tab. V. fig. 71. v. v. 72. o. o. Idem, praeter COURVEEVM, quoque annotauit cel. HEISTERVS *comp. anat. P. I. p. 112.* et cl. HAL-
LERS *commerc. litt. A. 1735. hebdom. XIV. p. 107.*

(b) Tab. I. fig. 1. Q. R. tab. V. fig. 71. c. d. e; 72. i. k. l.

(c) Fig. 1. Q. R.

spondet, quod in foetu non solum totus ventriculus hypochondrium sinistrum magis adhuc, quam post partum, occupet (a), verum etiam fundus eiusdem (b) superiorem, pylorus (c) vero inferiorem locum teneat. Hic situs sequitur quidem ex constitutione septi transversi, ante respirationem coeptam pectoris cavitatem versus maxime arcuati atque cardiacam, seu sinistrum ventriculi orificium (d), firmiter illi connatum, sursum trahentis; attamen consequentia haec necessarium simul obtinet finem: quum enim foetus liquorem amnii, cui innatat, ore capiat, motu vero septi transversi, contenta ventriculi excutiente, careat, liquoris assumpti descensus ad intestina hinc facilitatur. Foetum vero per os, vltimis cumprimis mensibus, simul nutriri, dudum iam probauimus (e) et postea semper largam satis huius

O 3

(a) Vid. fig. 71. 72.

(b) Fig. 1. Q.

(c) Fig. 1. R; 71. d; 72. k.

(d) Fig. 1. p.

(e) In *dissertatione nostra inaugurali* supra p. 62. nota b. excitata. Contrariam sententiam iterum tueri sategit D. BERNHARDI l. c. Primum eius argumentum modum deglutendi aggreditur, qui, deficiente respiratione, ex vteri potissimum pressione in liquorem amnii circumquaque agente, deriuatur, qua vero concessa ille §. 12. 14. concludit, liquorem ergo ex legibus hydraulicis non solum omne cauum ventriculi et intestinorum repleturum, verum etiam ad tracheam penetraturum, ibi autem suffocationem inducturum fore. Sed tota haec obiectio tollitur, quando consideramus 1.) os foetus, labiis suis clausum, omnem liquori violenter accessuro praecludere viam, nares vero constrictos eius irruptionem eodem modo prae cauere, ac de auris externae complicatione supra p. 5. seq. adstruximus, et tab. III. fig. 46. repraesentauimus; 2.) labiorum, vt et pharyngis, mutua relaxatione atque constrictione quantitatem liquoris deglutendi dirigi

ius liquidi copiam in ventriculo contentam (a) ipsi reperi-
mus. Intestina porro meconio distenta (b), hocque a bile
largissime tinctum deprehendimus, quod vtrumque etiam
de digestionem praegressa testatur (c).

XIV. Ca.

ex voluntate machinae viuentis: ad hanc enim leges mechanicas per-
saepe male applicari, nuper admodum solide docuit D. IO. WILH.
ALBRECHT in *programme de vitandis erroribus in medicina me-
chanica etc.* conf. *commerc. litt. A.* 1736. *hebd.* 1. p. 1. 3.) liquorem
deglutendum, eodem modo ac cibus et potus in natis, epiglottidem
premere, hincque tracheam, sine lapsu in illam, transgredi, neque.
si vel etiam quicquam intret, vlla ratione suffocationem, quae non,
nisi in respirantibus, locum habet, excitare posse. Reliqua argu-
menta in nostra dissertatione inaugurali memorata, ve et superius his
in paginis, satis iam discussimus.

- (a) Hanc a secretionem glandularum oesophagi, ventriculi etc. deriuare, nul-
la gaudet probabilitate, quum consistentia illius a liquido, quod hae
glandulae praeparant, sit alienissima, cum liquore amnii vero penitus
conueniat.
- (b) Non solum omnia sic dicta crassa intestina, vnacum caeci processu ver-
miformi, verum etiam ex tenuibus ileum, maximam partem meco-
nio infarcta esse, rectissime docuit saepius laudatus HEISTERVS *comp.
anat. P. I. p.* 110. 112. Ea vero sat largam meconii copiam contine-
re, ex capacitate illorum, quam tab. V. fig. 76. 77. 78. indicat, col-
ligi potest, vbi simul caeco intestino continui processus vermiformis
magnitudo, illa adultorum in proportione omnino maior, de-
claratur. Obseruatio D. du PUY, quae legitur in *Aët. Acad. Reg. Sc.
Par. A.* 1715. *hist. p.* 17. ex agno monstroso petita, haec euerte-
re quidem videtur, sed haud satis probatum est, liquorem amnii
per foramen oris, vtut exiguum, ad oesophagum nequaquam perue-
nire potuisse. conf. *commerc. litt. A.* 1736. *hebd.* XV. p. 113.
seq.
- (c) Qui meconium humorum tantum, per glandulas oesophagi, ventri-
culi atque canalis intestinalis secretorum, feces esse volunt, illi
aegre

XIV. *Capacitas ventriculi in recens natis cibo largo et crasso non respondet.* Qui magnitudinem ventriculi recens natorum (a) attente considerat, facile assensum praebebit. Non possum proin, quin vehementer reprobem morem illum nostratibus familiarem, quo recens natos illico pulmentis ad regurgitationem vsque infarciunt. Provida natura ne quidem lac maternum illis destinatum ab initio crassum, sed tenue admodum, colostri nomine distinctum, praeparat, vt scilicet meconium seu impuritates illae, intestinorum tractum maxima ex parte replentes, eo facilius eluantur. Quod si ergo pulmenta spissa obtruduntur, non solum saluberrimus hic scopus praeuertitur, verum etiam tonus ventriculi ingenter labefactatur. Ortum est inde sine dubio prouerbiū ab experientia comprobatum: *spey Kinder, gedey Kinder*, i. e. infantes vomentes bene valentes: scilicet vbi naturae robur illud, quod ipsi obtruditur, per vomitum reiecit, ibi successum bonum esse sperandum. Videmus quotidie, animalia solo materno lacte ad debitum vsque naturae robur optime nutriri: o quam felices, si nostra ratio, vel potius irrationalis consuetudo, ordinem naturae nunquam corrumpere.

XV. *Testiculorum in scrotum descensus in singulis non vno eodemque fit temporis momento.* Haud raro in infantibus vnus

aegre, me saltem iudice, probabunt 1.) quem in finem tanta humorum dictorum secretio peragatur; 2.) Vade illi humores, in adultis tenuissimi, in foetu, sanguinem iam depuratum a matre recipientem, tam feculenti reddantur. Colorem meconii a bilis tinctura dependere, nemo facile inficias ibit; eundem porro largae bilis accessioni adscribendum esse, coloris gradus testatur. Iam si nulla digestio sit, cur tantum bilis pressumum?

(a) Vid. tab. I. fig. 1. Q. R; tab. III. fig. 49.

vnus vel alterius testiculi animaduertitur defectus, saepe etiam illius descensus post partum demum, tunc pedetentim contingens, ex tumore in inguinibus percipiendo obseruatur. Inscii huius naturae ordinis varium fingunt statum non naturalem, atque incongruam, si non prorsus noxiam, adhibent medelam, quum tamen vel nullo, vel, si qua accedit tegumentorum inflammatio, vt nuper demum obseruaui, non, nisi lenienti remedio, fotu scilicet vel emplastro emollienti, opus sit. Quonam vero mechanismo natura vtatur in testiculorum situ inuertendo (a), ex aliis discere cupio, vt et, quare corpus glandulosum ouarii in foetu (b) excedat proportionem in adultis obuam.

XVI. *Nervus recurrens canali arterioso famulari videtur.* Nervum hunc circa ipsam aortam descendentem volui eo praecise in loco, vbi canalis arteriosi finis ab eadem recipitur (c), semper cum supra laudato CARCANO apprehendi. Quem usum autem haec directio, quemadmodum illa eiusdem nervi dextri (d) lateris arteriam sub-

cla-

(a) Conf. tab. V. fig. 72. v. x. y. z.

(b) Vid. tab. V. fig. 75. c. c.

(c) Tab. I. fig. 1. z. z.

(d) Qua ratione nervus hic recurrens vtriusque lateris in adultis dispositus sit, diligentissime annotavit cel. WALTHERVS in binis illis programmatibus, quorum prius praemisit dissertationi inaug. *de ulceribus dentium fistulosis*, quam Lipsiae A. 1733. sub praesidio D. D. IO. CASP. KÜCHLERI defendendam in se suscepit D. IO. FRID. BRVCHMANN; posterius vero praefixit dissertationi *de thoracibus* quam A. 1735. ibidem, praeside D. D. IO. ZACH. PLATNERO, pro gradu doctoris ventilauit D. TRAUGOTT GERBER. In illo *paris intercostalis et vagi corporis humani nervorum et ab utroque eius latere*

clauiam pari modo circumeuntis, habeat, problema iterum esto (a).

P

Ner-

latere obuiorum anatomen exhibet, postquam expositionem cl. WINSLOW nuperrime cum cadauere contulit; in hoc paris intercostalis et vagi corporis humani neruorum ab utroque eius latere obuiorum anaromes partem alteram sistit.

- (a) Indagaturus conferat cl. SCHREIBERI dissertationes p. 92. nota a. excitatas, vt et quae cl. D. D. AGRICOLA loco supra p. 7. not. c. indigitato proposuit. Et quum nexus neruorum, tum cum aliis partibus, tum inter semet ipsos, probe perspectus multum iuuare possit de vsu singulorum sollicitos, liceat laudati WALTHERI obseruata, huc potissimum facientia, transcribere, cum primis quum eiusmodi lucubrationes academicae non ad omnium, qui eas desiderant, manus perueniant. In priori igitur programme, vbi de ganglio, quod neruus intercostalis ad sextae circiter colli vertebrae locum format, sermo est, haec leguntur: „Quod (ganglion dextri lateris) „praeter unum alterumque tenerum nec memorabile filum, quod vasis pro-“ pinquis conceditur, ramum porro satis notabilem edit. Is suo ad-“ angulum arteriae carotidis et subclauiae descensu, in duas modo par-“ tes diuiditur; quandoquidem una, et inferior, ante arteriam aspe-“ ram, scilicet, cum sub arteria subclauia ea pars prorepat, ad te-“ neriores fert plexum qualem occasione sinistri lateris etiam declara-“ turi sumus: at minor et altera eius rami pars cum neruo, quem re-“ currentem vocant, pollicis circiter ab huius origine intervallo coa-“ lescent. Porro postquam explicauit, qua ratione ex ganglio nerui intercostalis tertio atque thoracico duo oriuntur nerui cardiaci, et illi ipsi duobus circiter transuersis digitis, ac propemodum ad vsque re-“ currentis nerui discessum a vago neruo, diuertantur, ita pergit: „sed an-“ te huius vagi trunci et recurrentis nerui angulum, ipse illis propior“ factus vagus, duos breuissimos ramos ad utrumque intercostalem car-“ diacumque neruum, sub specie incipientis plexus cardiaci, veluti re-“ tromittere visitur; deinde demum, et porro priori loco magnum quo-“ que cardiacum ramum, sub illo, quem diximus, angulo, ex se edit. Tam vero hic vagi truncus, quam nouus cardiacus eius ramus, por-“ to et iuxta asperam arteriam cum utroque intercostali cardiaco, me-“

P

dianite

Nervorum cognitio omnium anthropologiae partium maxime imperfecta adhuc est. Nondum explicatum habemus,

„diante nervo intermedio communicant; et post ganglion exile, quod
 „hoc loco obuium est, in unum nervum priorem utrique intercostales
 „cardiaci coaluerunt; scilicet, ut ita versus cor, ac notabili quidem
 „longitudine, nobiliores ex hoc omni plexu, quem modo descripsimus,
 „tandem nonnisi tres demitterentur nervi, et magis distinguendi. Ex
 „his humilior et anterior ille singulus est, qui ex compactis duobus istis
 „intercostalibus constat; dum ex duobus reliquis nervis superior et exte-
 „rior tantum continuatio prioris cardiaci vagi nervi fuit: alter vero
 „post intercostalium propaginum priorem ac novam, veluti maiorem
 „insulam et communionem, maximam partem ab eodem cardiaco vagi
 „ramo oriri, sed loco medio, in illorum trium nervorum numero demit-
 „ti videatur. Qui igitur praestantissimus nervorum plexus superioribus
 „locis surculos ad mediastinum ablegat; sed postea, et ad cor inde dela-
 „tis tribus illis melioris notae nervis, tum laudatus vagi ramus duplex
 „ad partem dextrae auriculae externam, dexterioremque pulmonem;
 „sed paulo superior intercostalis uterque, licet singulus denuo visus, atque
 „coniunctus, ad vicinam aortae in corde radicem, auriculaeque dextrae
 „partem alteram demittitur, et pericardium ita luculentius pertransire
 „visitur. Deinde, quomodo haec in sinistro latere occurrant, explicat,
 „ibique monet, surculum, qui cum recurrente communicat, ex ramo pro-
 „nasci, qui non ex ganglio cervicali superiori, sed ex ipso intercostalis ner-
 „vi trunco, abscedit, et postea ita pergit: „ille nobilior ramus, quem gan-
 „glion cervicale praecedens et medium suppeditauerat, iam una sui parte
 „ante arteriae aortae arcum, truncumque progreditur, atque ad hunc
 „presse adnexum, teneriorem plexum, sed ab cardiaco vero satis distan-
 „tem, et inferiorem, cum simili opposito nervo finxit, quem quoque ner-
 „vum ab dextris animadvertimus: verum altera eius ramus pars superio-
 „rem cardiacum nervum constituit, sociumque viae, ad cordis plagam fe-
 „rentis, inferiorem, alterumque cardiacum, scilicet ex thoracico ganglio
 „pronatum, accepit. Qui alter cardiacus et inferior ramus, surculum
 „statim demittit, qualis nervo recurrenti, post breves ambages, hinc de-
 „nuo redditur. At illi duo cardiaci rami, quippe facti itineris longioris
 „et magis declivis viae comites, quam quidem ab dextris id ita visum
 „erat; iam porro versus humiliorem arteriae aortae arcus locum, et
 „ubi

mus, vbi, quidue, singula systematis neruosi filamenta agant; neque etiam multi, quos tamen dignitas & grauitas rei expo-

P 2

scere

vbi iuxta asperam arteriam recurrens prodit neruus, imo ad vsque in-
feriorem sedem, quam ea est, vbi recurrens neruus ab vagi trunco oritur,
iugiter tendunt. Eo in memorabili interuallo, vterque neruus qua par-
te coalescit, deinde iterum vnus ab altero secernitur, et ipse ramus exte-
rior magis pulmoni sinistro, interior vero cordi potius tribuitur. Verum
pollicis inferiore loco, quam quidem ab dextris vagus cardiacum edi-
derat neruum, hinc ab sinistris, propinquo ad illam nouam vtriusque
intercostalis cardiaci diuisionem loco, recurrens demum neruus insignem
cardiacum, et prae singulo ex istis duobus nerui intercostalis ramis paullo
crassorem reddidit; sed ita prae dexteriore, qualem supra ab vagi trun-
co ortum vidimus, quodammodo tenuiorem ac breuiorem eundem ipsi-
nihilominus adiunxit. Quibus omnibus versus proximum cordis atque
pulmonis nexum, et quidem secus, atque ab dextris, scilicet sine vltorio-
ri plexus nota demissis, et ad haec viscera deductis, ante transitum per
pericardium ad atras illas glandulas isti subinde adbaeserunt, quales
inter hos nobiliores neruos, ipsumque plexum vagi pneumaticum, et fa-
ctum hoc in latere prorsus vicinum, interponuntur, vt ita etiam vtrius-
que generis propagines, surculis, qui per has glandulas transeant, inui-
cem communicare videantur. Nam neruus recurrens porro etiam ad
glandularum hanc compaginem, sed statim post sui ab vago discessum, qui
duobus transuersis digitis, illa, ab dextris visa, recurrentis origine infe-
rior est, iam alterum cardiaco pneumaticum ramum, et quidem via per-
breui demisit; nihilominus, loco non nihil priori, etiam vnum alterum
que surculum tenerum ad auriculam sinistram, quae proxime subiicitur,
ille recurrens delegauit. Quibus ita visis, iam vagi nerui truncus plexum
pneumaticum, sub recens facta asperae arteriae diuisione, et quidem paul-
lo luculentioribus ramis dispersis, quam ab dextris res visitur, struit etc.
Ex posteriori programme haec excerpenda nobis veniunt. „Quo loco
nonus capitis neruus vagum circiter relinquit, ibidem hic tertium ex se-
dit memorabilem ramum; ceteroquin parem crassitudine primi, maio-
rem vero secundo et longiorem. Qui humiliore loco, breuiorem itineris
socium ab ganglio intercostalis nerui accepit, et vterque ramus, praeter
quam quod surculo medio iungitur, sub arteria porro carotide et partim
iuxta eam pergit, ac neruosa fila vicinis membranis partibusque praebet;
donec transeat vagi noster ramus ad ossis hyoidaei cornu, quod inter

fcere videtur, iis explicandis operam nauarunt: quomodo agant, plura quidem, interque illa acutissima, ingenia declarare aggressi, sed in demonstrandis assertis impari gradu progressi sunt; differentia certe, qua alii nervi ex voluntate machinae agunt, alii, actionibus vitalibus et naturalibus praepositi, vel citra voluntatem, vel prorsus contra illam, functiones suas ad vltimum vsque vitae momentum absoluunt, admiratione magis, quam demonstratione vnquam, gaudebit. Ex his singulare exemplum deprehendimus in actione nervorum musculis respirationē perficientibus destinatorum. Foetus, quam diu matris hospitio fruitur, tam diu non respirat: ergo omnes masculi respirationi inseruiantes quiescunt: ergo nervorum actio illos mouens nulla. Quo momento infans aeri libero committitur, eodem respirare incipit et ad vltimum vsque halitum continuat: ergo musculi respirationi dicati illico in motum concitantur perpetuo duraturum: ergo nervi his prospicientes functionem, cui antea non assueti fuerunt, illico subeunt continuo prosequendam.

Ne

„atque processum scutiformis cartilaginis hic transit, et occultatur, cum
 „scilicet ligamentum perforauit, ut communicationem cum recurrentis
 „nervi propaginibus praestaret,„ Paulo post: Inter subclauiam venam
 „arteriamque, truncus nervi vagi ingreditur pectus, et circum subclauiam
 „arteriam is validum nervum ad laryngem faucesque recurrentem mit-
 „tit., Tandem et haec, huc pertinentia, subiungit,„ De vago sinisteriore
 „nervo, et, quod ex capite per collum is descendit, plurima, ut in nervo
 „dexteriore, se habent. Etiam inter tertium, quem ab dextris descrip-
 „simus, vagirantum, et inter socium, qui ex intercostalis ganglio adduci-
 „tur, sed exiguo ab utroque trunco intervallo, perbreuem intermedium
 „nervum stabilitur communio. Atque in thorace, quo loco nervus recur-
 „rens circum arcum aortae fecit flexum, atque porro ubi surgit nervus,
 „ibi notabilem cardiacum ex se ramum edit; de quo nos perinde, ac de
 „altero minore cardiaco, surculisque aliis recurrentis sinistri nervi, occa-
 „sione plexus cardiaci, prima anatomes expositione locuti sumus. At sub
 „nervi recurrentis ab vago discessu, tres surculi, inter alia ad asperam ar-
 „teriam educuntur, ac proxime sequens maior paullo ramus ad pulmonem
 „sinistram deferitur; et parte quadam pericardio destinatur etc.,„

Ne autem, in hisce conscribendis iam nimium forsitan prolixus, Tua, Vir Excellentissime, patientia ulterius abutar, hic terminus esto. Cupido Tecum differendi ipsaque argumenti grauitas eousque me deduxit. Ipsum argumentum illi quidem maximam partem inutile iudicabunt, qui omnem anatomicorum laborem damnant, nisi manifestum statim in medicina ostendat usum. Scio autem, Te aliter sentire et probe a scopo, quem illi omnibus actionibus praefigunt, discernere alium, eumque primarium, Gloriam nempe DEI. Hanc vero praecipue structuram corporis nostri declarare, caecutientes perspicere valent. In eius contemplatione studiosissimos deprehendimus IOBVM, DAVIDEM etc. quos imitari a scopo aberrare non est. Quam miranda autem sit hominis suam vitam viuientis oeconomia ad quaeuis negotia subeunda aptissima, nullatenus tamen illa interior est ea, quam idem a matris suae vita adhuc pendens exercet, quid? quod tanto maiori attentione digna, quanto angustioribus illa adhuc inclusa est cancellis. Et quum haec plane alia, mutata hominis conditione, in illam ipsam statim transformetur, quisnam rationis particeps fingere potest, haec absque sapienti directione contingere? Videmus vel ruricolae domunculam pro vita commode transigenda bene aptatam, atque struentis laudamus ingenium: eccur naturae miracula absque ingenio produci cogitaremus? vel, si illa benignissimi, sapientissimi, omnipotentisque creatoris operas esse persuasi sumus, eccur eadem nostra attentione minus digna iudicaremus? SENECA grauiter edixit: *curiosum nobis Natura ingenium dedit, et, artis sibi et pulchritudinis suae conscia, spectatores nos tantis rerum spectaculis genuit, perditura fructum sui, si tam magna, tam clara, tam subtiliter ducta, tam nitida, et non uno genere formosa, solitudini ostenderet.* Sed pauci, cheu! plura ex creatis cognita sibi reddere student, quam quae voluptas vel auri fames conquirere

quirere iubet; paucissimi rursus ex his, si vlli, inde creatoris memores fiunt; neque tamen mirum id est, quum se ipsos, omnium optime largissimeque de creatoris infinita in homines propensione testantes, cognoscere negligent. GALENUS, partium nostri corporis vsum aequa lance ponderans, ad verum conditoris nostri hymnum componendum se accingit, ni ethnico iniquiores esse velimus faciamus idem.

Nil reliquum nunc est, quam vt Tibi, ordinis Medici ornameto singulari, DEum propitium, Caesarem clementem, sanitatem firmam, fortunam benignam et Tuas virtutes in Ascanio reuiuiscences ex intimis visceribus apprecer, et mihi amicitiam Tuam charissimam omni studio expetam.

Dabam Norimbergae ex museo VI. Iduum Martii

A. R. S. clō lō cc xxxvj.

C E N S V R A.

DIGNA sunt omnino, quae lucem videant, abs erudito diligentissimoque auctore grauiter perquisita ac luculento hoc in schediasmate eleganter atque copiose designata. Neque est in iis quidquam, quod prela operasque typographorum possit aut debeat ulla ratione morari. Tendunt sane omnia ad celebrandam DEI conditoris Gloriam, artisque, quam facimus ac profitemur, salutaris incrementum ac decus. Haec est animi mei sententia.

Ser. a. d. V. April.

MDCCXXXVI.

GODEFRID. THOMASIVS

ORD. MED. h. t. DECANVS.




Tab. I.

J. F. Schmidt fecit.



Tab. I.

J. F. Schmidt fecit.










Tab. II.

J. F. Schmidt fecit.












Fig. 55.



Fig. 58.




Fig. 61.




Fig. 56.



Fig. 57.




Fig. 60.




Fig. 63.




Fig. 64.



Fig. 65.




Fig. 66.




Fig. 67.



Fig. 68.



Fig. 69.



Fig. 62.




Fig. 70.






Fig: 55.




Fig: 59.




Fig: 61.




Fig: 56.



Fig: 57.



Fig: 60.



Fig: 63.



Fig: 64.



Fig: 65.



Fig: 66.




Fig: 67.



Fig: 68.



Fig: 69.



Fig: 62.



Fig: 70.



Fig. 73.



Fig. 77.




Fig. 78.




Fig. 75.



Fig. 72.




Fig. 71.




Fig. 76.



Fig. 72.

